

भिक्षु सुदर्शन



अस्तपाल

हःपा: सप्त०—३

# अम्बपाली

( नाटक )



Dhamma.Digital



ने. सं. ११००

पिकाकः  
हःपाः चुथि  
प्रसं, ये ।

हापांगु खुसी — १००० गू ( ने. सं. १०७५ )  
निकांगु खुसी — १००० गू ( ने. सं. ११०० )

॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥  
चवसापासाया स्वीकृतिं प्रकाशित  
॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥


इव नाटक स्यना क्यनेत चवहा व पिकाकः निर्हेसिगु  
स्वीकृति कायगु आवश्यक ।

सफूया मूः-- ६/- ( खुतका )

गुंचुच्छी, ११००

पाकः—

श्री बालकुमारी प्रिमिटज्ज प्रेस  
मू बहा, ये ।



### स्व. चित्त रत्न तुलाधर

जन्म : ने. सं. १०४३ दिल्ला गा ३० वृहस्पतिबार

मरण : ने. सं. १०९१ गुला थव १ शुक्रबार

देव्यापि { शील प्रभा  
घन रत्न, पद्म शोभा  
जिन रत्न, मुग्न रत्न  
चित्ततारा

# जिमिगु खँ

भिज्ञु सुदर्शनं च्वया बिज्यागु अम्बपाली सफू थनि  
नीम्याद॑ न्हो पिदंगु खः । ध्व सफू या उपयोगिता आह  
चायेका उच्च शिक्षाय् तकं दुध्यागु व आपालं व्वमिपिसं  
चेक्खुलिं छुं समय न्हावंनिसें ध्व सफू दुर्लभ जुया वन ।

ध्व खँ यात बाचायेका हःपाः गुथि ध्वयात निकगु  
संस्करण कथं पिथनेगु खँ जुयेवं ‘हःपाः गुथि’ या दुजः भाजु  
सुगत रत्न तुलाधर बयकःया मदयधुंकूझ अबुजु चित्त रत्न  
तुलाधरया पुण्यस्मृतिकथं माक भों तया बीगु बचं बिया मां  
भाय् प्रति श्रद्धा क्यना दीगुलि बयकःयात दुनुगलंनिसें सुभाय्  
बिया ।

बौद्ध साहित्यवा सकल व्वभि तयुगु निति ध्व छगू  
न्हाइपुगु छ्वँसा खः । च्वया बिज्याष्ट भिज्ञु सुदर्शन,  
पिकायेत स्वीकृषि ब्यूझ ‘च्वसापासा’, यवः किपां छाय्पादीझ  
भाजु रत्न के. तुलाधर अले इलय् हे सफू पिथमेक ग्वहालि  
याना दीपि सकल पासापित धन्यवाद द्यछाया ।

जय मां भाय् !

हःपाः गुथि

नेपाल भाषाया सफूया ह्यति व पिथनेगु समस्यायात  
तायका सफू पिथनेगु ज्याय् फुकथं ग्वाहालि  
याय्त 'हःपा: गुथि' नांगु गुथि स्वनागु दु ।

नेपाल भाषाया गुगु नं र्घसुर्घयंगु सफू पिथनेत  
जिंपि न्ह्यने दं बयागु दु ।

साहित्यकार भाजु मय्जुपिसं थःगु सफू पिथनेत  
जिंपिनाप स्वापु तयादित इनाप याना ।

स्वापू तय्जु थाय्:-

Dhamma.Digital

# ‘हःपा: गुथि’

सनलाइट टाइपिङ्ग इन्डिप्यूटया च्चय  
पो द्यां ल्याः १७५६ (एक सात पाँच छ) असं ये ।

# लिसा

भगवान बुद्धया भिजुणी शासनय अनित्य-दर्शनया  
बांलाःगु उपदेश वचरित्र न्याब्दया वंपि भिजुणीपि मध्ये  
अम्बपालीयागु थाय् न्यथनेबहः जू । अम्बपाली वैशाली  
गणतन्त्रया छक्ष “नगर शोभिनी” खः । हानं बुद्धकालीन  
१८ गू राज्यत मध्यय दक्षिणे बल्लाःगु बांलाःगु गणतन्त्र राज्य  
वैशाली खः । शुगु “अम्बपाली” सफुति छखें अम्बपालीयागु  
जीवन न्यथनी, व स्थिति अप्वः मेखें बुद्धकालीन गणतन्त्रया  
ज्याखं घ देश प्रेम न्यथना बी । लिसे वैशाली गणतन्त्रयात  
गथे मगध राजतन्त्रं स्यंकः वल धयागु खँ नं शुइका बी ।

अम्बपाली प्याखं सफू स्थये खने मदुगु यक हे दत ।  
न्यायेगु मदुगु ला मन यक हे दत । त्रिभुषन विश्वविद्यालयया  
स्नातक स्तरया नेपाल भाषाया व्वंमिपित अम्बपाली सफू  
बयाके थवयाके न्यना न्यना माला माला जुयेमाःगु नं तः वँ हे  
दत । उकिने धात्र भाषाया हःपाः गुथि “अम्बपाली” या शुगु  
संस्करण पिकया विया नेपाल भाषाचा सेवा याःगुया नाप नाप  
नेपाल भाषाया व्वंमिपित तःधंगु ग्वाहालि नं याना च्वन ।  
जिगु आपालं आपालं साधुषाद दु ।

नगर मण्डप श्री कीर्तिबिहार  
न्हू बजार, बाष्पमेरब गा, पं. बाडं नं. ६  
क्षेत्र, ये ।  
५ गुलाथ्व ११००

—भिक्षु सुदर्शन

## क्वप

सफू पूबनेव हानं छकूषा तँसाथें वा फवसाथें, हपाथें वा छुमाथें छुं च्वयेगु चलन दु । तर, थव तँसा, फवसा, हपा व छुमाथें छुं मखु, कपयागु जक ख । दकले हाप्पां च्वयागु, व नं नाटक । हानं दवूयात धका च्वयागु, सफूया रूपय् प्याहाँ वयाच्वन । अथे च्वं, थथे च्वं धायेफुगु मखु । ‘अम्बपाली’ सफूया रूपय् पिकायेदया गुलि लयता षयाच्वंगु दु, उलि हे ग्याचिकुं नं पुनाच्वंगु दु । उकिं नं कपयेहे माल ।

लुमं, आनन्दकुटिइ दाजु विमलानन्दं थनाप कान्छा गुरुजुं छगू धार्मिक, सामाजिक व राजनैतिक खँ ल्वाकज्यागु प्याखं च्वयेगु खँ ह्वाबले जित पचिनं सुयाकयन । जिं छधोँ कफीके मफुत । निपुण्यपु बाखंयां लिपा अम्बपालीया बाखं थयंबले खँ कोजित । अळे लिपा खंथाय् तक व हे खँ न्वयथन । छन्हु यलं आनन्दकुटिइ वयाच्वनाबले नं धाल । अळे उखुनु हे बहनी च्वयेगु ज्या छुना । लिपा विद्यापीठया खालिगु पिरियडे व बहनी बहनी च्वया सि नं धल ।

जिं थम्हं ला पाली भाषाय अम्बपालीया जीवनी पूवक मखंनि । भगवान बुद्ध नादिकां विज्याबले अम्बपालीया गु अंक्यबय् च्वनाविज्याबलेनिसे बुद्धयागु शरणे बनेधुंकायागु खँ जक बांलाक दु । अम्बपालीं थव दकले हाप्पां बुद्ध नापलाबले-यागु घटना सुं कवि अथवा साहित्यिकं तोतूगु दइ अखुमि धयागु जिगु विचार । महाकवि अश्वघोषं ला अम्बपाली षयेन्हो भिक्षुपिंत भिखा तिसीगु हे आज्ञा बीकल । की कवि चित्तधरजुं नं भिखा हे ला तिमसीकू, अयनं धुक्ति ला धा हे धायेकादिलः—

“बल बल खंला आम्रपालिका दुर्वलतय् मनथा ताप,  
स्मृति न्यौन्य तथा चवन्यमा मखुसा बनि नहै चित्त बथा नाप”

गुगु पाली साहित्ये अम्बपाली बयेन्हो संयमया  
उपदेश जक बियातन, व हे साहित्यकारपिंत अम्बपालीया रूप  
मं बॉलाकेगु ज्याभर्थे जूबन। तर, थगु संस्कारे भगवान बुद्ध-  
यात प्याखंया दबुलिइ हयेगु ललमधागुलि थव हे घटना जिं  
तोतल। दृश्यांश याना दबुलिइ कथमेमागु सूच्यांश याना  
खँयूखँयू लक च्यत। उकिं जिं थव नं धाये हे माली, अम्ब-  
पालीयागु नुगदो तोता पिनेयागु ज्याखं आपाथे याना न्यापुं हे  
पिकबागु ख। अजातशत्रुया खँयू बरु आपा घटना पालीइ  
बवनागु आधारय् चवयागु दु।

न्यागु थजु, धुकी छुं न छुं द हे दई। थव सफुति थ  
मांदे भिंकेगु, न्यूड्याकेगु मनसुबा दुर्पिंत भतिचा जक व बिष्टसां  
जित गा, थत जिं सफल हे भापे। अले थव सफू च्वसापासाया  
पाखें पिकायेत माक्को खर्च बिधादीद्वा दाता श्री भक्तिदास  
भाजुयात अतिकं धन्यवाद दु। न्यूकथेऽयापिनि दान चित्त  
प्रवृत्तिइ हे फीगु भाषा व साहित्यया थां धस्वानाच्चंगु दु।

Dhamma.Digital

जय माँ भाय्!

धर्मोदय कार्यालय,  
कलकत्ता—७,  
२२-१०-५५

आमणेर सुदर्शन

# पात्र परिचय



## स्त्रीजनिंगिः—

१. महापाल— वैशाली गणतंत्रया गणपति ।
२. देवदास— वैशाली गणतंत्रया विनिश्चय महामात्रया काय ।
३. रत्नपाल— वैशालीया छङ्ग प्रामीण युवक ।
४. विभिन्नसार— मगध सम्राट ।
५. अजातशत्रु— विभिन्नसारया काय् ।
६. बृद्ध— छङ्ग बुहा ( वास्तविक परिचय कथावस्तु हे बी )
७. वर्षाकार— अजातशत्रुया जब ह्वा ।
८. गणतंत्र य मगधया राजकर्मचारीपि तथा नागरिकिपि—

## स्त्रीसारिंगिः—

१. बुही— गणतंत्रया छङ्ग प्रामीण नारी ।
२. अम्बपाली— बुहीया छयमचा ।
३. कोशला— मगध सम्राट विभिन्नसारया कला ।
४. बन्धुमति— अम्बपालीया हे गांयाह्वा छङ्ग मिसा ।
५. मेपि परिचारिकापि तथा नागरिकिपि—

# अम्बपाली

धा-१

✽ १ ✽

[ वजी गणराज्य । गांया छगु बलचाया दुनेयागु कोठा ।  
थथ्याक्षवध्या जुया माथं मबंगु बँव् कुने अंगले लाक हासा  
छपा खाबातगु दु । भतिचा उखे चाया ल तयेगु खंप छग ।  
अम्मी तरकारी तानाच्चनी । व ख रूप व सौन्दर्य सम्पन्नह्या  
खह्य युवती । वस्त्र ग्रामीण । तरकारी तातां मुसुमुसु  
न्हिलाच्चनी । पलख लिपा ताये सिधयेका कुँइ कुने तुं धंका  
पिहाँ बनेत्यनीगु वै बया बुँहीहा अजिया प्रवेश जूगु पा लाइ ]

बुँही- हुँ, हुँ, हुँ; पिहाँ हुँ !

( अम्मी भवाताहाँ दनी )

[ १ ]

अय्, ज्या मद्येक पलख, धौ पलख, धका हे क्षेँ  
च्चने मध्यूगु का मखुला महारानी ! गनया छु  
साम्राज्यथा अधिपतिया कला जुया महारानी जुइमाहा  
मिसामचा, थव भिखाक्षेँया ह्यायमचाया मचा  
जूबल ! न्हाक्को धा, ह्यायपने हे दुहाँ वंगु मखु का !

अम्मी- अले जिमि पिथा नं च्वँवने म्बाला ते ?

चुट्टी- मा, मा, मा; च्वँहुँ ! हुँ, हुँ !! च्वँहुँ ! हुँ !

( अम्मी अनतुं प्याच्याक्क फेनुइ )

फासँ, फा—सँ, फासँ ! ! छाय् थव बुही अजिया क्षेँ  
फेनुना ? छंगु नुग गन ख, व नं जिस्यू ! सँ  
छपुछपु दतले जिस्यू ! गुलि धायेधुन, अहँ मानये-  
जूगु हे मखु ! ल्यासे जुइधुंकूपि न्हायमस्त उखेथुखें  
जुइगु ! छं स्वये छु छ थगुने, नगुनेयाहा हे धका  
च्वनाला ? छिमि मां दुगुसा सीगु का ! गुलि बौ  
बीधुंकल जुइ, गुलि कसा नयेधुंकल जुइ ! जि छुं  
मयाना, उक्कि थवं भंभं जिगु छथोले न्हुइत सना-  
च्वन ! ह्यायपं हीक खँ न्यंकेत जुयाच्वन !

अम्मी- छ ! सुनां छु धाल ?

चुट्टी- धाल का ! न्हाहासिनं धासां छंत छाय् माल ? ह्यापा  
ला व छं मचाबलेया पासा का, आउनं पासा जुइला ?  
न्हागुसां वलिसे बुला मर्जुयां छु जुइ ? अन क्षेँ  
मवनां छु जुइ ?

अम्मी- गो, गबले बना जि ?

**चुट्टी-** मर्वं, गनं मर्वं, गवलें हे मर्वं ! उखुनु जित बन्धोया  
छेँ बने धका धयावंसुनु नं मर्वं !

**अम्मी-** उखुनु ला व छेँ हे मदु !

**चुट्टी-** ख बाबा ख, जिं मखु मधया ! जिं फुकं खँ स्यू ।  
जिगु हायपने फुकं खँ श्यं ! मनूतय् म्हुतुप्वा दत्तले  
मिखाया ज्या हायपनं नं कायेकु । मिखां तुं स्वयेमा  
घयागु मदु ।

[ बन्धुमतिया प्रवेश । अम्बपालीया समवयस्क । अम्बपालीया  
हे थें सुन्दर रूप वयाके मदुसां चंचल मिला व हिसि दुगु  
स्वा दु । वस्त्र ग्रामीण ]

**बन्धुमत्ति-** अवश्य, अजि ! अवश्य ! अले हानं मनुतय्के  
हानापं झां दत्तले मनूतय्सं याये मफइगु नं छुं मदु ।  
मखुला अम्मी ?

( अम्मीया जनुफाते छथु रुयालं दाइ )

**चुट्टी-** ( भाव परिवर्तनं लिपा ) व हे ला धयाच्चवनागु बन्धो !  
ज्या सयेकि, जुइसयेकि ! नये सयेकि, पुने सयेकि !  
स्वतन्त्र देशया छहु मनूयात छु सयेकेम्वा ? झां  
दसां, खँ ससां नये-त्वने, बने-च्चवने, पुने-तिये हे  
मससा छु याये ? हानं नये-त्वने ससां, बने-च्चवने  
ससां झान मदयेकं छु ख्यलेदु ?

**अम्मत्ति-** ( छ्योलं क्वाना ) अवश्य ! अवश्य !! झां जक  
पञ्चू, खँ जक सया नं मञ्चू । नये, त्वने,  
ससां भया हे, छुं हे ख्यले मदु । तर

अजि ! अम्मीयाके नितां मदुसां छुं धन्ना मदु ।  
घयाके बाँलागु ख्वापा दु ।

( अम्मीपाले स्वइ । व थुस्स मिंक च्वनी )

हृष्टपुष्ट शरीर दु । घव गणतन्त्र देशो राजनर्तकी  
जुइह्वा, मखुसा … … महारानी जुइह्वा । ( न्हिला )  
ख ला अम्मी !

( हानं अम्मीया जनुफाते दाइ )

अम्मी- छिः छ नं… !

( लहा म्हइ । बन्धुमति लिचिली )

बन्धुमति- ( न्हचिला ) जि नं छु ? जि नं छु ? जि नं महा-  
रानी जुइह्वा लाकी ? जि नं राजनर्तकी जुइह्वा  
लाकी ? गन कावने छंगुथें च्वंगु बालाबालाचिगु  
भम्ब रंगया मिखा ?

( न्हाय जवनेत ल्हा यंकी, अम्मी लिउयां वनी )

गन कावने थथे छाइसे चटक च्वंगु हाय् ! अले गय्  
याना छथें न्यता पाँयपाँय् चिक ल्हनी, थालेथें  
ह्वाडँसे च्वनी ? गय् याना ( थगु सौथिया ) घव सौ  
आमथे हाककुसे लहाकगु याये ? अले……

बुड्ही- ( लें त्वाह्लाना पतासि थिया ) अँ बन्धो ! घव छंगु  
पतासि ला साप बाँला हैं !

बन्धुमति- मखु, अजि ! बन्धोया पतासि बाँला, तर ख्वा  
बाँमला ! पतासि ख्वा बाँलाकी मखु । मेपिन्न—  
वस्त्रं पुनेगु व अम्मी हाकुसे का—  
पुनेगु, मेपिन्न बाँलाक छंगु—

भुलूसुलू दंगु सँ बत्थें मजू। अहा ! गुलि बाँलागु  
सतकलि !

**बुट्ट्ही-** ( सहसा खै दीवं ) का, छ जक छु अम्मी स्वया कम  
ला ले ?

**बन्धुमति-** ( ह़ा ब्येका ) गनया व आकाश, गनया ध्व  
पाताल ! गनया न्द्धोने च्वंगु प्राची, हानं गनया व  
स्थूने लागु प्रतिची ! गनया पूर्ण चन्द्रमा, गनया  
पाल्चाथें पिलिपिलि जक च्यागु नगु !

( छधो ले चासु वइ )

**बुट्ट्ही-** मखु, बन्धो ! छ थपाय् सकं गथे खैं सल हैं ? सुनां  
स्यन ? छिमि माँ जुल न्हावलें सुंक च्वंच्वनीह्वा,  
म्हुतुह धौ फिनातइह्वा; छ जुल म्हुतु है सुंक मतइह्वा !

**बन्धुमति-** ख ! ख !! जि हे का खैं सगु, अम्मी हे का  
लातिगु !

**बुट्ट्ही-** का, छ मचालिसे न जि खैं ह्वाये मस !

( बनेत्यनी, हानं लिहां वइ )

अम्मी ! अँ, स्व गोंपे ल मंत थें ।

( बुहीया प्रस्थान )

**बन्धुमति-** गयु च्वं, अम्मी !

( लहा ज्वनेत स्वइ । अम्मी लिज्यां वनी । बन्धुमर्ति न्हापनी )

**अम्मी-** छिः बि, आयुनं नापं गनं पिहाँ बने मते धका बो  
बियाच्वनी ! हिसि दुला व न्हावलें जिगु रूपया  
बर्णन यानाजुइगु..! जिगु रूप खना इर्या जुलला छु ?

**बन्धुमति--** जूसां, जु हे जूसां, क्षु आश्र्वय ? सु मम्, सु  
महाजन, सु राजकुमार, सु जुजु छंगु आम रूपे  
मोहित मजूझ, मजुझ !

( अम्मीया ल्हा जवनी )

**अम्मी--** ( ल्हा पर्यंपर्यं ) बिबि ! अपो जुझु क्षुं बांमला  
स्यूला ?

( निह्य अलग जुइ )

**बन्धुमति--** ( बाग मिखां स्वया ) मिखा बागलं हे स्वये  
मयेल लाकी ?

( लिङ्क वना हानं ल्हा जवनी )

**अम्मी--** बि, जिमि ल कावनेत्यक्त !

( ल्हा भवाताङ्क साला तोफिकी । अले ध्याकुने चंगु गोंप  
कयो वने त्यनी, बन्धुमति त्वलहैं स्वयाचवनी )

—: ♪ :—

Dhamma.Digital

❀ २ ❀

( मरध । अजातशत्रुया थगु हे महल । राजसी वेशभूषा ।  
ह्य धिक तथिकसे चवं । गवाय् कीकीं धा । अजातशत्रु दना  
मनचा जबगु ल्हातं जवना बिचा यानाचवनी । छधों क्वचू ।

[ ६ ]

पूर्वपाले स्वयाच्चवनी । पलखलिपा पश्चिमपाले फनक्क फहिला  
बुलुहूं पला छी ।

**अजातशत्रु--** (पश्चिमपाले दिना स्वगत) धातथें गुलि अन्याय !  
आतकं राज्य बीगु विषये गबलें गनं छक धका हे  
ना कागु मखुनि ! मनूया आयुया छु टेकान ? योगी  
देवदत्तं धागु मखुगु मखु— अबुं थ इच्छा दुथें जि नं  
इच्छा दु धका स्यूगु हे खँ ख । खालि थगु आनन्दै  
परया अप्राप्य पीडा जक लोमंकाच्चवंगु ख ! धातथें ला  
योगी देवदत्तया खँ न्यने न्यो जित तकं थव खँया  
होशा हे मटु, बिचा हे मव ! एनं वं थाथें ला ....  
व ला याये मखु । महापाप ख !

( पूर्वपाले फहिली )

अले गय् याना राज्य काये ले ?

( पला छी । हानं दी )

स्वये योगी देवदत्तं थुगु खँय् छु बिचा बी !

( पला छी, अबले हे कोशलामा प्रवेश । वयागु रूप लावण्य  
अजातशत्रुयागुथे हे । रानीया पोशाक । गम्भीर, शान्त,  
शौम्यगु रूप । अजातशत्रुयासिक लहँ । अजातशत्रुं प्रणाम  
याइ )

**क्रोशला--** कुमार, छु बिचार पुष्टि यायेत थगु जीवन--जल  
त्वंकाच्चवना ?

**अजातशत्रु--** माँ, बिचार पुष्टि याना मच्चवना । बरु थगु  
भविष्य जीवनया अनुमानिक अध्ययन यानाच्चवना ।

**क्रोशला-** भविष्य जीवनया अध्ययन ? थवया आवश्यकता

हे छु दु बाबु ! अबुयां ल्यू अबु जुया मगधया सम्राट  
पदे चवना थ कुलया नां तयेफइ, थव हे छंगु भविष्य  
जुइ । उकिया निंति बह आ छं बुहाहा अबुया  
राजकाजे सहयोग व्यु । अनुभव प्राप्त या ।

**अजातशत्रु-** ( कोशलाया खं पूवनेवं हे ) मखु, माँ ! जिं मेगु  
हे विषये विचा यानाच्चना ।

**छोशाला-** मेगु छु विषये पुता ?

**अजातशत्रु-** अथे छुं ख्यलेदुगु मखु ।

**छोशाला-** बाबु, ख्लले मदुगु खँय् विचा यानाच्चनेगु नं  
द्यर्थं ख ।

**अजातशत्रु-** माँ, अय्‌सा आवंलि विचा यायेगु हे तोते...  
( भाव परिवर्तन याना ) मासं थन छाय् कष्ट याना-  
दीगु थे ?

**छोशाला-** अथे ! छ थौंकन्हे सदां विचारे लीन धका भजिं  
धागुलि छक स्ववयागु ।

( वनेत्यनी )

आँ, वने न्हो हानं छक छंत धयावने बाबु ! म्वागु  
विचारे समय फुकेमते ।

( कोशलाया प्रस्थान )

**अजातशत्रु-** ( स्वगत ) म्वागु विचार ? मागु मखुला थव  
विचार ?— सहयोग व्यु ! सह...यो...ग व्यु !  
सहयोग बीकाच्चने म्वाक छाय् याउँक सोता मबीगु ?  
इच्छा सुया मदह ? एनं ज्ञानं वैस छखेपाखे तया  
इच्छानाप लना अपोसा भति लिकया पाय्‌छि

यायेमा । जि जक ला ?— जिद्ध मिसायाके नं ध्व हे  
इच्छा दु । अले बयागु सम्राज्ञी जुइगु इच्छा पुरये  
मजुवं जि बा ब बायेमालेव ?

( अबले हे छद्ग राजकर्मचारीवा प्रवेश । बाभा वंद्य ।  
साधारण वस्त्र । एहाते च्वंगु पी बिया छखे चिली । अजात-  
शत्रुं पी छक ब्वनी । ख्वा छक ख्यूंकी, अले गम्भीर धाइ ।  
तुरन्त हानं भाव परिवर्तनं याना न्यनी )

अजातशत्रु- ध्व योगी देवदत्तं हे च्वयाहगु मखा ?

कर्मचारी- ( धायेत्यनी । तर साख जुयाच्वनी । बळ धाइ )  
ख, बसपोलं च्वया ( हानं साख तुका ) बिज्यागु !

अजातशत्रु- बसपोल शयन यानाच्वन कि फेतुनाच्वन ?

कर्मचारी- ( साख तुइ । बळ बलं धाइ ) शयन यानाच्वन ।

अजातशत्रु- सुं उपचारक अन दुला ?

कर्मचारी- ( साख तुइ । अजातशत्रुं तीव्र प्रतीक्षाया ख्वा धाइ ।  
लिपा धाइ ) निद्धु दु ।

अजातशत्रु- बैद्य खने मदुला ले ?

कर्मचारी- ( साख तुइ । निकस्वक तुइ । अले धाइ ) बैद्य ला  
मदु, तर पा पा .. पा .. ठ यानाच्वंपि दु ।

अजातशत्रु- का हुँ, सुयातं ध्व विषये खँ कनेव छ म्वाये  
दइ मखु !

कर्मचारी- ( साख तुइ । निक साख तुइ । अजातशत्रुं वनेगु संकेत  
ल्हातं बी । तर साख तुइका हानं धाइ ) जिं नं जि तुं  
सीत धाइला ?

( अजातशत्रुं ल्हातं वनेगु संकेत बी । अले प्रस्थान जुइ ।  
अजातशत्रुं व वनेव पौ ब्वनी— न्हापां भतिचा मनंमन अले स  
पिहाँ वयेक )

**अजातशत्रु-** उकिं सहश्र प्रबल इच्छा दया नं वये मफुत ।

भी ज्या याकनं सिद्ध यायेमाल । भिंगु ज्याय्,  
लाभगु लैँय् आसे व कन्हे धायेगु मखु । धव गबले  
लोमंके मते । हानं राष्य लाभ धयागु हे संसार  
लाभ ख । संसार यौवन काले हे खनी ! मागु प्रयत्न  
या । जिगु हृदयया सहश्र आशिर्वाद निकट भविष्ये हे  
मगधया सम्राट जुइद्ध धीर, धीर अजातशत्रुया ज्या  
नापनापं दु ।

( पौ ब्वनेसिध्येका विचाराधीन जुजूं पौ लथ्याना पला छीबले  
हे धर्कि कुतुवइ । धर्किया दुने हायिका छथु नं वइ )

❀ ३ ❀

Dhamma.Digital

( खुसि सिथे । सन्ध्याका इले । याकचा रत्नशाल सिमाक्वे  
गोतुलाच्चन । गबले थुके मूपुली, गबले उखे । अले गबले घाँय्  
छपु पुया म्हुतुं वांन्याइ । छुं त्तिक्क स बये च्वनेवं लिफ  
स्वइ । हानं निराश भावं कवच्छुइ । अले हानं छक दना उखे  
वनेत स्वइ । तर हानं प्यपताति छिना लिहाँतुं वया फेतुइ ।  
सुंक न्हकु तियाच्चनी । अबले हे बन्धुमतिया प्रवेश । तीजक  
पला स मवयेक वयाच्चनी । वस ग्रामीण हे । तर स्वच्छ

अले भति बांलागु नं । रत्नपालयां ल्यूने ध्यनेवं भर्ति तिन्हुया  
धाइ )

**बन्धुमति-** नकतिनि वया ला अम्मी ! गवेत जाल थन  
चवंचवनागु !

**रत्नपाल-** बन्धुमति !

**बन्धुमति-** ज्यौ, बह्य अम्मी मखु, बन्धुमति हे ख । गुह्या-  
सिगु प्रतिक्षा यानाच्चन व मखु, बरु प्रतिक्षाय् बह्य  
प्रतिक्षाया विघ्नकारिका !

**रत्नपाल-** अय् धयागु छु ?

**बन्धुमति-** अय् धयागु ला ? अय् धयागु एव हे कि  
अम्मीयात वया अजिं पिच्छया मह, हइथें नं मच्चं !

**रत्नपाल-** अले ?

**बन्धुमति-** अले छु ! व भव, थन रत्नपालं पियाच्चन ।

**रत्नपाल-** ( तम से त्वाल्हाना ) जिं वयात थन पिया  
मच्चना !

**बन्धुमति-** च्चंसां हे नं छु धका वइ ?

**रत्नपाल-** छु धया ? छु धया छं ? छु धया छं ? हानं  
छक धा !

( कूर दृष्टि )

**बन्धुमति-** छुं मधया । जिं छु धाइ ! हानं धाये हे नं छु  
फइ धायगु हक हे नं छु दु धका !

**रत्नपाल-** ( तम ) अय्सा छ थन छाय् ? सुनां धया वया,  
सुनां थन वा धागु दु ?

**बन्धुमति-** ( व्यंग ) ज्यौ ? धात्थें, जि द्वन । ज्ञमा या ।

तर, वयागु ला अम्मीयागु छुं खबर बीत हे ख ।

**रत्नपाल-** जित अम्मीयागु खबर मागु मदु । हानं मा हे  
मासां छं थ्व भार भयात्तुक कुबिचाजुइगु ज्या जिं  
छंत वियागु मदु । खबरदार ! आवनिसैं जिथाय्  
वल..... जिथाय् ...

( हाहां रत्नपालया प्रस्थान । बन्धुमर्ति रत्नपालयात स्वया-  
च्वनी । पलख लिपा धाइ )

**बन्धुमत्ति--** थौं त्वह चिना वयां फं छु जूगु ! उखुनु अम्मी  
व बन्धु छुं मपा धाइम्हं थौं खबरदार वये मते  
धागु ! मूर्ख छं नारी हृदययात संगु बछि हे ह्यामस्यू ।  
ह्यासीगु नं गय् ! न्हापां रूपे मिखा ब्बइह्या, अले  
लिपातिनि ज्ञान व हृदयपाखे ! छं हे जित बन्धो  
धका सता खबरदार थौं धाइगु !

( भति मौन जुगाच्वनी )

दोष ला जिगु नं दु ! जि�....

( सहसा रत्नपालया प्रवेश । बन्धुमति सुम्क च्वनी )

**रत्नपाल-** बन्धो ! ज्ञमा या ! जि छंत नुगले स्याक धया ।  
सत्य, लैय् विच्चे ध्यंबले हे जित पश्चाताप ... ...

**बन्धुमत्ति-** ( खैं त्वा ल्हाना ) म्वा ! म्वागु....

**रत्नपाल-** ( खैं त्वा ल्हाना तुं ) जित पश्चाताप जुल । अले  
प्रायश्चितया निंति....

**बन्धुमत्ति-** ( खैं त्वा ल्हाना ) म्वा ! छिं म्वागु क्षट याना-  
दिल जिथेंजाह्य तुच्छ नारीया न्होने प्रायश्चित !

( पलख निस्तब्ध )

**रत्नपाल-** मखु बधो ! अस्मी क्षु पिने हे पिहाँ मवला हँ ?

**बन्धुमति-** ( व्यंगात्मक रूपं ) ज्यौ ? जिं क्षु स्यू ! बरु खबर-  
दार ! जिथाय् वया हानं जवासवा यावये मते ।

**रत्नपाल-** थपाय् सकं ला ? थन तकं ला ?

**बन्धुमति-** खबरदार ! जिथाय् वया .... .... !

( पलख निस्तब्ध । रत्नपाल पलख तोल्हयेजुया बनी )

**बन्धुमति-** ( स्वगत ) थुल, बांलाक हे थुल छ छाय् हानं  
लिहाँ बगु । प्रकृति, छ साप आश्र्य ! अले छंहा  
संगिनी प्रवृत्ति नं कम आश्र्य मजू । ठीक ख, थव  
नभमणडले गवले छकलं उखें व, थुखें व मदयेक  
ख्यांसे च्वंक सुपाँय् मूँबइ, हानं तुरन्त फुकं ल जुया  
कवे मवसे हे उखें-डुखें चिला तुं बनी । फसं सुपाँय्-  
यात घ्वानाहल, फसं तुं घ्वाना नं यंकल । व तीब्र  
प्रवाहित समीरनया न्होने थष अभ्रखण्ड त्यकयेजुइ  
धया नं गय् त्यकयेजुइ ! समुद्रया जल प्रवाहं नं ला  
ल्वहँचा छग बना पैँनां वं थगु गतिइ परिवर्तन हइ  
मखु ! अख वयात हे घ्वाना त्यांप्रात्याप्रा पुइकी,  
इपथिप मसीक चुइकेयंकी ।

( छकलं सँहलयेजूये जुषा )

छि, क्षु बिचा यागु जि ! मयेल ! आ थव फुक  
कल्पना मयेल !

( हथाय् ताचां बन्धुमति बनी )

—: o :—

[ १३ ]

( मगधया राजधानी । राजांशनया प्रमुख प्रकोष्ठ । राजसीय अलंकार । राजसीय पोशाके बृद्ध सभ्राट बिम्बिसार थगु राजाशने केतुनाच्चन । भति उखे अंगरक्षकत सशस्त्र दनाच्चवंगु दु । बृद्ध बिम्बिसार अजातशत्रु स्वया हृष्टपृष्ठ । तुशूगु उन । चिकिच्चाचिकिच्चा हाकगु छाय् । गम्भीर स्वभावे चिन्ता ल्वाकजयागु ख्वा । हतरपतरं अजातशत्रुया नांगा तलबार ज्वना प्रवेश । वयागु वेश राजसीय हे । वया ख्वाले मिन्यानाच्चवंगु दु । बिम्बिसार हतरपतरं दनी । )

**बिम्बिसार- छाय् कुमार ?**

**अजातशत्रु-** ( कोवावेशे ) थन छाय् या लिस बींगु, बिया-च्चवनेगु आवश्यकता मदु, न समय हे दु । मनू जुया मनूया इच्छा ह्वमस्यूपि खना, थगु सुखे कर्पिनि सुखया ज्ञति, अप्रात्य जनित पीढा मखंपि खना, थगु आनन्द व आहादित कल्पनाय् परया फुक कल्पना लुमसंकीपि खना, थगु विचारया धूने परया विचारपाखे मिखा हे भव्वइपि खना थौं ध्व हृदय कौधं अद्यवस्थित जुल, उकिं ध्व तलबारया प्रश्नय कया ।

( तलबार छक ल्हनी )

**बिम्बिसार- शान्त जु कुमार, शान्त ! छाय्, सुनां छु धाल ?**

**अजातशत्रु-** सुनानं छुं मधा ।

ब्रिन्दिसार- अले ?

अजातशत्रु- थन अलेइले छखे छ्छ !

ब्रिन्दिसार- ( लहा पुढ़का ) छु धैगु खँ थव ! जिं ला छुं हे  
मथू !

अजातशत्रु- थुइ नं मखु !

ब्रिन्दिसार- फुक खँ तप्यंक धा रे, तप्यंक !

अजातशत्रु- मधाल धासा ले ?

ब्रिन्दिसार- ( तम ) जिं राजाज्ञा बियाच्वना — फुक खँ  
तप्यंक धा !

अजातशत्रु- जि नं थन अबुयाके- मेगधपतियाके--- छुं  
आज्ञा कायेत वयाह्न मखु ! बरु थगु वीरतां काये  
धका वयाह्न ख !

ब्रिन्दिसार- थपायसकं घमण्ड ! थपायसकं आज्ञाया!  
अवहेलना !! थपायसकं राजाज्ञाया अपमान !!!

अजातशत्रु- ख, घमण्ड ! आज्ञाया अवहेलना !! राजा-  
ज्ञाया अपमान !!! न्हापा थुजागु आज्ञा शिरोपर  
आपातं जुइधुंकल, तर थौं अजातशत्रुं थुजागु आज्ञा-  
या छुं वास्ता याइ मखु ! थौं, आ आज्ञा पालन  
यायेत वइह्न मखु, आज्ञा बीत वइह्न !

ब्रिन्दिसार- ( अजातशत्रु दीवं हे ) कायं बौयात आज्ञा बीगु !  
मगधपतियात आज्ञा बीगु !

अजातशत्रु- ( खें त्वाल्हाना ) काय् ? सुया काय् ? छु सुनानं  
सुयातं बुइकेवं हे काय् जुइला ? थन काय्-बौया खँ  
मदु ! मनूया हृदयगत सम्बन्ध मंदुसा काय् व बौया

हिया छु सम्बन्ध ?

बिम्बिसार-- ( खेत्वाल्हाना ) सुनां धाल थव खँ ? सुनां स्यनाहगु ? अजात ! थौं छंगु बुद्धि थाते मलाथें चबे । सुनां धाल हृदयगत सम्बन्ध मदु धका ?.... हुँ म्वाल, पिहाँ हुँ ! पिहाँ.... हुँ ! सुक पिहाँ हुँ !

अजातशत्रु- थव तलवार दुगु ह्वा अर्थे कल्लुइ मखु । थव जगु तलवार ज्वना बद्ध अर्थे पराजित जुइ मखु ! सुनां धाल जिगु बुद्धि थाते मला धका ? गो हृदय-गत सम्बन्ध ! प्रतीक्षा यायां थव हाकुगु सँ न थौं तुइन, अम न सम्बन्ध ?

बिम्बिसार- हाले मते !.... हालाच्चने मते अजात ! हुँ, पिहाँ हुँ !!

अजातशत्रु- थव तलवारयात पराजित या, थव शरीरे चेतन मद्येकि, अन्यथा सचेतनं ला आ छुं प्रकारया आज्ञा शिरोपर जुइ मखुत ! थव नांगा तलवारं हिया सवा मफ्येकं सुक दापे च्वँवनी मखुत ।

बिम्बिसार- एसा छु, छ एकाएक विना कारणं अबुनाप ल्वाये धका वयाह्वा का मखा ? ल्वाये धका वयाह्वा का मखुला मगधपतिनाप ? ल्वाये धका वयाह्वा का मखा ? ल्वाये धका वयाह्वा का मखा ?

( अजातशत्रु श्रक्षमात तलवारं बिम्बिसारयात आधात यायेत्यनी, बिम्बिसार लिज्यां वनी । अले बिम्बिसारं न थके चबंगु तलवार पिकाइ । तर अबले तकं अजातशत्रुं बिम्बिसारयात पाले हे त्यनी । तर छह्वा अङ्गरक्तक्या तलवारं तलवार पनी । अले इपि हे निम्हे तलवारया धात प्रतिधाव जुइ । अजातशत्रु

निष्ठ अङ्गरक्षपिलिसे तलवार म्हती । लिपा छम्हसिंगु  
तलवारया तीव्र आघातं अजातशत्रुया तलवार कुतुबनी ।  
अले तलवारं अजातशत्रुया आतिइ सुया घ्वानायकी । अजात-  
शत्रुं छक्षक तलवार स्वइ छक्षक कुतुबंगु थगु तलवार,  
छक्षक कवद्धुइ )

**बिम्बसार-** ज्वनाति ज्वना धव कुलशत्रुयात ! अबुनाप  
विना कारणं ल्वायेत बह्वा दुष्ट ! आसे आ छ  
दुष्टयात !

( बिम्बसारया प्रस्यान । अजातशत्रुयात निहृसिन ज्वनी ।  
व कवद्धुनाच्चनी )

**अजातशत्रु-** तोति सैनिक !

१. अंगारक्षक- छिगु हुकुम थन सुनानं न्यनीमखु ! छि-  
छ्वा कैदी ख ।

( अजातशत्रु जबरजस्तीं सनी । ज्वनातपिसं भं बदातुक ज्वनी )

२. अंगारक्षक- जबरजस्ती यानादी मते, मखुसा विवस  
ज्ञुया ची नं मात्री !

( पलव व हे वातावरणे निस्तब्ब । बिम्बसारया पुनः प्रवेश )

**बिम्बसार-** अजात, छाय् थौं छं अचानकं तलवार ज्वना-  
या ?

( अजातशत्रु मौन )

छाय् धा । धा छाय् ?

( छपला अजातशत्रुपाले न्हाचिली )

छु कारणे.... ? का धा, धायेव हे छंत तोताबी ।

**१०. अंगारक्षक** ( अव्यवस्थित रूप का चाक ) महाराज, अय्सा  
छाय् मधाइ ?

**ब्रिम्बिसार-** ( उखेपाखे वास्ता हे मतसे ) धा कुमार ! छाय  
छं थुजागु क्रूर मूर्ति धारण याना ? सुनां छु खैं  
धाल ? सुनां छंत थव ज्या यायेगु स्थन ?

**अजातशत्रु-** ( तमं ) अवसरं ! अवसरं !! अवसरया  
शक्ति हे ...

( बिसिवनेत सनी । भं ववात्तुक ज्वनी )

**ब्रिम्बिसार-** ( सैनिक पाखे स्वया ) तोताढ्यु सैनिक ! ...  
अवसरया शक्ति हे छु ? थुजागु छु खैं छं थौं अचा-  
नक थथे तलवार ज्वनावयेत ? सुनां छंत छु धाल ?  
छंत छु मालला ? मासां छं जिके मानबति धया छु  
काये मफु ?

( अजातशत्रु कोधं मौन जुयाच्चनी )

छु खैं, छु वस्तु मानबति जुइ मफुगु दु ? छु छंल जिगु  
हृदय मालला थथे जबरजस्ती यायेत ? छु छंत राज्य  
मालला आमथे तलवार ज्वनावयेत ?

( अजातशत्रुं तमं उखेथुखे मिला चाहीका जक स्वयाच्चनी ।  
पनख निस्तब्ध । अले काचाक्क जवपाखे चंह्य अंगरक्षकयागु  
तलवार लाकाकाइ । अले जागयेजुइ )

**अजातशत्रु-** ख, जित राज्य हे माल ! राज्य हे !!  
राज्य हे !!!

( अजातशत्रुं तलवार हीकी । छह्य अंगरक्षक पुनः प्रतिद्वन्द्वी  
रूपे न्हथोने वइ । तलवारया घात प्रत्याघात जुइवं हे अजात-

शत्रुया तलवार कुत्तवनी । अले छहा सैनिकं व तलबार न्हुइ ।  
हानं तलबारं छातिइ सुइथें यायेवं बिम्बिसारं गनी )

**क्रिम्बिसार-** ( अजातशत्रु पाले छपला न्ह्यचिला ) मूर्ख ! अबु-  
याके च्वंगु राज्य कायेया लागी तलवार ब काइह्वा !  
छु छ मनू जुया प्रेमया, विनम्रताया, स्नेहया साधन  
कया अबुलिसे सम्बन्धितगु ज्या-खँ छं याये मफुला  
आमथे छं तलवारया आधार कावनेत ? मूर्ख ! थव  
राज्य छंगु है ला खनि ! जिगु छु दु ? जि गोन्हु है  
थव संसारे च्वनीतिनि ? थव फुक्क व्यवस्था याना-  
च्वनागु सुया निति पशु ! गुद्धसिया लागी संचय  
यानाच्वना वं हे बिच्चे थथे लाकवयेगु, ल्वावयेगु,  
तलवार ज्वना कावयेगु ! वा थन !  
( हानं छपला न्ह्यचिली । अजातशत्रु अन हे च्वंच्बनी ।  
बिम्बिसारं थगु राजमुकुट त्वया निपा ह्लातं ज्वना वयापाले  
वनी )

थव है अधिकारया लागी मखुला आम तलवार ? मनू  
जुया नं पशुं वां, लुसिं, पंजां ममटयेयावनीथें तल-  
वार उवना छांवयेगुला ? राज्यया लागी, अधिकारया  
लागी हत्या ? वा थन, हत्याया आवश्यकता मदु ।  
छंगु इच्छा पूर्ण यानावी ।.... यदि छं स्यूगु जूसा जि  
थगु शिरे राजमुकुट तया नं छंगु छथोँले तयातैगु,  
छंगु सम्राट रूप अन्तरहष्टि प्रेमया आलोके, मानस  
पटे स्वयाच्वनागु, कल्पना यानाच्वनागु !!

( धाधां अजातशत्रुया लिक्क वना बिम्बिसारं वयात राज-  
मुकुटं पुइकी । अबले हे बर्षकारया प्रवेश । वर्षकारया नं

छह्य राजकर्मचारीया पोशाक । अजातशत्रुवा समवयस्क ।  
तहाकगु रुवा । च्वांमुसे च्वंगु न्हाय् )

**बृष्टिकार-** ( न्हिला ) अहाहा ! छु हश्य थ्व, छु हश्य !!  
महाराज थ्व छु ?

**ब्रिम्बिस्तार-** ( वर्षाकारपाले स्वया ) महामात्य पुत्र ला ! थ्व  
राज्याभिषेक ख । छं थ्व छिमि बौयात न्यंकाड्यु ।  
( अजातशत्रुपाले स्वया )  
का, आ ला इच्छा पूर्ण जुलला मूर्ख !

**बृष्टिकार--** मूर्ख, हानं महाराज !

**ब्रिम्बिस्तार--** अँ द्वन, महाराज धायेमागु ... महाराज !!

**अजातशत्रु--** ( तम ) वेँ गिजयेयानागु ला थ्व ?

**ब्रिम्बिस्तार--** ( ल्हा विन्ति याना ) मखु ! गिजयेयानागु मखु,  
धात्थें हे धयाच्चवनागु । पत्थ्या मजूसा हुकुम वियास्व  
जिं पालन थाइला, मयाइला ।

**अजातशत्रु-** एसा जि हुकुम विया— सैनिक ! वर्षाकार !  
अनुयात ज्वनाति ।

( मेरिं प्रकमयेजुह । तर वर्षाकार काचाङ्क हे ज्वनी )

जि राजाज्ञा विचाच्चवना, ज्वँ !

**ब्रिम्बिस्तार--** ( ल्हा निष्पां चकंका ) वा, वा, छिमिसं नं ज्वँवा !  
( स्वहेसिनं नं ब्रिम्बिसारभात ज्वनी । अजातशत्रु इमिपाले  
छक क्रूर हण्ठि स्वइ । श्वले प्रस्थान )

**ब्रिम्बिस्तार-** अहाहा ! अहाहाहाहा !! मनूया महत्वा-

कांक्षा ! ( तस्सकं ) पशु व मनुखे छु पा ! (हराय्बराय्  
चागु रूपं) स्वये स्वये, ह्वा छक तोति !

( मिह्वासिनं तोती, तर वर्षाकारं तोती मखु । उंकि वर्षाकारं  
पाखे स्वया धाइ )

स्वये, स्वये बि, छं नं छक तोति, ... छुं याये मखु,  
जिं जिगु ख्वा छक जक तोपुइ !

( वर्षाकारं तोती मखु )

अहाहाहा ! मानवताया पतन ! महत्वाकांक्षा व अक्षा-  
नताया उत्कर्ष रूप व प्रदर्शन !! थुजापिं मनूतयूत गय्  
मनू धायेगु ? नींधानि, स्वीधानि ला व क्वैँयात है  
मनू धाइला ? थुजागु ज्या है मनूया ज्या ला ?.... पशु  
का पशु ! मनूया रूपे जन्म जूबपिं पशु !!

( हानं वर्षाकारपाखे स्वया धाइ )

यकि जित आ, माथाय् यंकि ! माथाय् ! ख्या मखु  
नीं है ख ! द्विगतक छिमि जुजु थौं छिमि है हाते  
लानाच्चंद्वा राजबन्दीयात ! द्विगतक, न्हाचतकं गुह्य-  
सिनं काय्यात प्रेमं कात्तुक ज्वनातल, थौं बन्दी जुया  
कात्तुक थय् ह्वा ज्वंकाच्चंद्वा— काय्या पाशबिकतां  
सीह्वा—बौयात । ज्वै ! याकनं यंकि ! यंकि !.... अव  
ख्वा नं आ क्यने मन मंत ।

( अवा तोपुइ । पला छ्ही । धकि कुतुवइ । धकिया दुने नं म  
वयाच्चनी—“अहाहाहा ! अहाहाहा !!” )

—: ५ :—

[ २१ ]

( जंगल । सिमां भवाम्म च्वंगु जंगल । ध्व हे जंगले छहा  
बुन्हा सिमा क्वे दनाच्वनी । बुन्हा धात्यें वृद्ध । ग्वाय् व  
दान्हि नं भति तहाक जुइकुंकल । वया र्वाले नाना भाव  
खनेदु । गबलें स्ववं रम्भीर जुइगु, गबलें मुसुहुँमुसुहुँ न्हिलीगु ।  
गबलें ला ह्ला नं संराहइगु । गवेत थथे हे सनेधुंका याकचा  
हालाच्वनी )

**छुङ्क्क-** अहँ, छुं ..... ( मौन ) अहँ छुं ( छ्यों संका ) छुं हे  
मखु, ध्व जीवन स्वप्न सिवाय— गुगु थौं न्होने दु,  
कन्हे व दइगु मखु । हानं कन्हे जुइगु, दइगु नं ला  
थौं न्होने खनेदयेक मव ! ध्व आकाश व पृथिव  
जक द्विग नं दु, थौं नं दु, कन्हे नं दइ ! उकिं थुमिसं  
खं ध्व विश्वे छु-छु गय् जुल । तर न्हावले मौन !  
आखिर मनू लनीगु तालाजु हे मखा ध्व अवनी—  
अम्वर ! तर तौल वराइँवरपि थन सु दु ? सु दइ ?  
ख्या ध्व— पा ! मुखदुःखे स्त्र—भेद दु । प्रबृत्ति ध्व—  
उत्थें मजू । गुलिं ख्ययेकीपि, गुलि ख्वइपि ! वत्थें  
हिलीपि— हीकीपि ! तर अयनं बौयात थथे .... !  
( पलख मौन ) मयल ! उखुनु अजातं जेले हे तल थ  
अबुयात ! राढ्य जक कयां मगा, जेले नं तल । गुलि  
आश्र्य ! ( दिना ) छु प्रेमया नं प्रतिशोध दुला ?  
छाय् मदु ? मनूया मन उत्थें मजू, अनुभव उत्थें  
मजू । व ब्बलंगु परिस्थिति उत्थें मजू । संस्कार उत्थें

मजूँ । अले गनं ज्या जक उत्थें जुइ ? मनू जक ला !  
 लँ स्व— गनं तप्यं, गनं बेको; गनं गावं, गनं छाँव !  
 आखिर लँ नं सोजापि, हारांपि, चंचलपि, स्थरपि,  
 तप्यंपि, बेकोपि मनूतेसं दयेकातगु हे मखा ! हानं  
 गनं महज दनाच्चंसा, गनं भिखाबाढ़े दुनाच्चवन !  
 अले थुजापि मनूते पाखे कायं बौयात बन्दी यातं;  
 हत्या यायेन्यनं छु आश्र्य ! ठीक ख, गनं पशुत  
 ल्वानाच्चवन, गनं मनूत ! पशु नये-त्वनेगु कारणो,  
 काम-रागे ल्वाइ; मनू व्यर्थ आत्मश्लाघा, अम्ब  
 अभिमान, लाभ व यशया लागी नं ल्वाइ !

( इधूथिधू जुइ )

ठीक यात ! जिं ठीक हे बाना ! थुजापि मनूते पुचले  
 च्चने स्वया ला थव जंगलया एकान्त थासे सुख दु,  
 सौन्दर्य दु, आनन्द दु । दुःख थव हे छगू जक दु...  
 ( भुलये जुइ ) मयल ! लुमके मखुत । थव फुक ख्वमं-  
 काव्यये । आ जि सुं हे थ मदुह्व बुह्वा ख, फवगि ख ।  
 थव लिक्कसं च्चवंपि गांयापिनि दृष्टि योगी नं ख ! ( लं  
 थिया ) आ थव लं नं ला हाकुद्युक्ल, गुइदुक्ल ।  
 ह्य खिति आयेथुंक्ल ।

( रत्नपालया प्रवेश । वथा ख्वा तस्सकं ख्यूँ )

**रत्नपाल-** बस् थन हे ज्यू । थन हे, थव एकान्त थासे हे ।  
 ( दिना ) आ सुं मापलायेगु प्रयत्न याये मखुत ।  
 गुलि प्रतीक्षा यायेगु, गुलि मने थथे द्वन्द जुइका-  
 च्चनेगु ! गनं थव जिगु शरीर हे द्वन्दमा समरक्षेत्र  
 जुया चुंचुंदन धासा ! अहा थव एसान्त स्थान !

[ २३ ]

**बृद्ध-** ( रत्नपालया न्होने ववा ) तर मचा, थ्व एकान्तगु  
थाय् मसु ! जि थन च्वंच्वनागु दु !

**रत्नपाल-** सु मचा ?

**बृद्ध-** ( इतिश्चित्त नहिला ) अहाहाहाहा ! मनूया मचा नं  
धायेके मय, तथी नं जुइ मफु ! दुगुलिं संतोषी नं  
भुइ मस, मदुगु दयेके नं बालाक मस ! मदुगु दये-  
केत अयस्सथयसं मदयेक सनी, स्य-मत्य मधासे  
खनी ! दयेके मफयेव वै थें जुइ ! अहाहाहा ! वै !  
दुसां सन्तोषी मजुइगु ! मदयेव वै थें ही-मही  
चाइगु !

**रत्नपाल--** गज्याह्न मनू ल्या !

**बृद्ध-** आश्र्य चाल ? अहाहाहा ! छ आश्र्य चालं जि  
त्वह्ये हे मजुया, एमं छ मचा .... ....

**रत्नपाल-** ( खं त्वालहाना ) छि सु ?

**बृद्ध-** ( थगु छातिह पचिनं सुया रत्नपालपाले न्हावैंवं ) जि ...  
जि.... .... फ.... .... फ.... .... फ.... .... जि.... फ....  
जि... फ.... सु.... सु.... फ.... फ.... जि सु धया ला ?

( रत्नपाल लिज्यालिज्यां वनी ! व तोल्हये हे जुयाच्वनी )

**रत्नपाल-** ( दिना ग्या पहलं ) सु ..... उ..... उ... सु .. छि ?

**बृद्ध-** अहाहाहा ! ग्यात ? ग्यात छ ? डकिं ला मचा  
धयागु ! स्व, जिके छुं मदु ! भाला ह्नाते मदु, तलवार  
ह्य मदु ! मन्त्रतन्त्र जि मस ! अले प्रहार याइ धका  
ग्यायेमागु छु दु ? ( न्होने वना स्वां पुइयें याइ, रत्न

लिज्यां बनी ) फूक धायेक स्वां छक पुया न्यात्यांग्रा  
पुइकातइ धका धन्ना कायेम्बा ! जि नं मनूख, छ नं  
ममूख ! पा थुलि हे—जि बुहा, छ मचा !

**रहनपालः-** ( अस्पष्ट रूपं ) मचा !

**बृद्धः-** अँ, छ मचा ! थुकी छु आश्र्वय ? मनूया नाना जात  
मध्ये बुहा व मचा दक्सिबे भोटामोटि जात ख।  
बरु मचा, जि ला धव बृद्ध समये संसारया समर क्षेत्रे  
जुजुं हायलकायल जुया पैशाचिक प्रवृत्ति लिनाहया  
धव निजंन जंगले दथुइ थगु कुटि दयेक वया । तर छ  
मचा छाय्, छु कारणे थन वया ।

**रहनपालः-** हापां छ मु धव निं धा ।

**बृद्धः-** धव बुहायात नं थुलि अविश्वास ला ?

**रहनपालः-** विश्वासीपि ला थौं अविश्वासया पात्र जुयावना-  
च्चन ! ज्यू, भि, थगु धका ज्वनातयागु ला मजिया,  
मभिना, परया जुयावन ! अले....

**बृद्धः-** ( खेत्वाल्हाना, भति तिन्हुया ) धात्थे ख मचा ! खगु  
हे खें धाल—विश्वासीपि ला थौं अविश्वासया पात्र  
जुया वनाच्चन । ( जोरं ) अम शत्रु नं जुयावना-  
च्चन.... ज्यू, भि, थगु धका कान्तुक ज्वनातयागु नं  
मज्यूगु, मभिगु, परयागु जुयावन .. संक्षेपं लहिना-  
तयाह्व लिचां थत तुं न्यावइगु ! अले सुयात गुलि  
विश्वास याये ? थत थम्ह हे विश्वास याये अपु मजू ।  
सुनां स्यू, कन्हे जि छु जुइ, छ छु जुइ ? मसीतले  
मनू गुलि स्थने नं फु, चलि हे भिने नं फु ! धव सास  
दत्तले, धव म्हुतु संत्तले, धव मिखां खैंत्तले, धव ह्वाय्-

पनं तात्तले, थव हिनुइ कागु हि न्द्यात्तले— हार्न थव  
कोलाछि हाकसां अथाह सागर समानगु प्वा जायेके-  
मात्तले— मनू गुलि, गय्, गन तक बनेफु ?

( रत्न छ्योंलं क्वाइ )

ख थें च्वनला हां मचा ? विश्वास याये मते ।  
विश्वास याये मते ! अविश्वासी मनुख्यं छ्रंत स्यंकेत नं,  
थ कतिलाकेत नं अनेक खँ, उपदेश, शिक्षा कनेफु,  
बीफु !! मचा, लुम्काति—द्यो नं सारु, दैत्य नं सारु,  
तर मनू व स्वया नं हारां जुझफु । पशु नं भि, पंक्ती  
नं भि, शैतान नं भि, तर मनू व स्वया नं मभिनेफु,  
मभिंपि दु । उकिं मचा ! थष आकाशे च्वंगु चन्द्र  
व सूर्य ह्यसीके अपु, परन्तु मनू तुरन्त-तुरन्त हे  
हिलीह्य बहुरूपी जुया वयात ह्यसीके थाकु ।

**रत्नपाल-** छ गन च्वंह्य ? छंगु नां छु ?

**बृद्ध-** थव हे ला मज्यूगु ! धयाच्वनागु हे मदिनानि का !  
ममूयात ह्यसीके थाकु धयागु मखुला ? नां व त्वा हे  
मनूया परिचय ला मचा ?

**रत्नपाल-** एनं ... ...

**बृद्ध-** छु एनं ? खँ हे खं जि थव जंगले च्वंच्वनागु ! हानं  
सि हे स्यू जुइ जि थव जंगले पृथ्वी तछथाना पिहाँ  
वयाह्य मखु धका । छथें छन्हु छेँ ‘मामं ल्याय्ह्य पुता  
ल्याय्ह्य’ धका धाधां, न्वान्वां दुरु त्वंका, नका, तीका  
तधिक यानातह्य हे ख । थगु जीवने महले नं बनेधुन,  
भिखा छेँ नं च्वनेधुन । आ थव जंगले नं च्वंवये-  
धुन ।

[ २६ ]

**रत्नपाल-** अले छ सु ले ?

**बृद्ध-** धाये हे मालला ले ? ( थोपलख घुरेदेजुइ घने लंगः कवफ्य  
जवना ) थब छु ?

**रत्नपाल-** लं ।

**बृद्ध-** अले थव ?

( गूगु ढूतं पर्चि घिकया क्यनी )

**रत्नपाल-** लं गूगु ।

**बृद्ध-** अँ गूगु ! ( मिखा थिया ) थव ले ?

**रत्नपाल-** मिखा ।

( बृद्ध न्हाय् अं जवनी अले प्रश्नसूचक दर्शि रत्नपालपाले स्वइ )

हायूपं ।

**बृद्ध-** ( न्हाय् थिया ) थव ?

**रत्नपाल-** हायू ।

**बृद्ध-** मिखां ला खं खनी का !

( काचाक्क वयागु ह्ला जवना वना हे रत्नपाले यंकी )

अले छंके नं दु-मदु थियास्व ।

**रत्नपाल-** ( ह्ला लिसाला ) थियास्वयै हे म्वा, दु ।

**बृद्ध-** का, छंके ज्ञान नं दु हे खनी ! छं मिखां खं, म्हुतुं  
म्हुतुया लिस नं बीफु, हायूपनं हायूपया लिस नं ता !  
एनं छं जित द्यमस्यू ?

**रत्नपाल-** ( तायेदुयें, मदुयें चंके ) मस्यू !

**बृद्ध-** छुं आश्र्य चायेमागु मदु । आ थयें सीकेमागु नं  
मदु । हानं जि गुआह्व छं भति-भति ह्व नं ला सिल ।

हुँ, गन बनेमागु ख हुँ ! थव एकान्तगु धाय् मखु !  
थन जि च्वनाच्वनागु दु !

रत्नपाल- अत्यन्त आश्र्य ! नां छगू ला धा !

बृद्ध- छष बुहा, उकीसं वे पह वद्वा, अम उकीसं फवगिहा  
का ! गात मखुला ? का हुँ आ !!

( रत्नपाल तोह्ये बुया भवाताहाँ दनाच्वनी )  
गुलि मिष्ठा धाये ! का, छ मचा मधंसा जि हे बने ।  
( बृद्धा प्रस्थान )

रत्नपाल- छु धयागु थव ? सुयात मामां थन जंगले दथुइ  
थयंक वया, नापकात सूसु ! थगु परिचय तक नं ब्युद्वा  
मखु ! तर बुद्धिमान व अनुभवी ला अवश्य ख !

( पलख भुलयेजुबा पश्चिमपाले प्रस्थान । पलख लिपा बृद्धा  
पूर्वपाले प्रवेश )

बृद्ध- क ! बनेधुंकलला ? गन बन ?

( लिफ स्वइगु व पूर्वपाले घम्मी दुहाँ बइगु पा लाइ )

अम्मी- ( ल्हा बिन्ति याना छयों वब्दुका ) प्रणाम !

बृद्ध- ( तोह्येचामा भति लिज्यां वनी ) युषक ! ( लाखतुका )  
मखु ... मखु ...

अम्मी- सु युषक ?

बृद्ध- छु गजब थव ! छ छु व हे युषक मखुला ? जिस  
छलयेयायेत ... ...

अम्मी- ( लं त्वाल्हाना ) सु युषक ?

बृद्ध- आश्र्य ! अद्भुत !! मखु.... छ छु — व हे— व हे

युवती मखुला, गुह्य नक्तिनितकं युवक ख ?

( पलस निस्तब्ध )

छ सु ? सु छ ? सु धया हाँ छ ?

अम्मी- जि .... जि .... छह मिसामचा !

बृद्ध- अय्सा व मिजंमचा गन बन ले ? छु वं जिन हासी-  
कावनला ? युवक ! युवक !!

( बृद्ध बनेत्यनी । अम्मीं पनी )

अम्मी- सु युवक ? वया नां छु ?

बृद्ध- नां ? नां ! नां ला धा, न्यने हे लोमन ! थव हे ला  
वृद्धावस्थाया दोष ! न्यामदुगु लुमंकी, मागु हे लोमं-  
काच्चवनी । वं 'छंगु नां छु धका न्यनाच्चवंबले छंगु  
ले ?' धागु जूसा गुलि याउंक कनीगु ! थव नुगलं  
नं थव न्यावलें खाइगु हातंथें ज्या मवित्त का !

अम्मी- व गय् च्चं ले ?

बृद्ध- गय् च्चं ?.... तस्सकं तुयू नं मखु, हाकु नं मजू ।  
साधारण पोशाक ! ठिकचागु सँ ! साप शान्त,  
सीधागु स्वभाव । स्वयेबले मुयातं मालाज्ञाथें च्चं ।  
साप मजाहा मचा !

अम्मी- मचा !

बृद्ध- अँ मचा, जिगु न्होने । तर छं न्होने ल्याय्हा ।

( बृद्ध हानं थुले वइ )

अँ अले छ थन छाय् वयागु ले ? मखुसा थव नं  
न्यने लोमनी !

अम्मी- अथें ।

**बृद्ध-** ( पलख सुंक चवना भुलयेडुइ ) छंगु नां ?

**अम्मी-** जिगु नां ला अम्बपाली ख, तर सकसिनं जित  
अम्मी धाइगु ।

**बृद्ध-** अम्मी—अम्बपाली, अम्बपाली—अम्मी, निगुलिं हे  
बांला । अँ अम्मी, थन छाय् वयागु ले ?

**अम्बपाली-** धाये हे धुन नि अर्थे वयागु धका ।

**बृद्ध-** अर्थे ! अम अर्थे !! अर्थेया दुने नं ला छगू रहस्य  
दइ ! अर्थे जंगले बयेत थन छु दु धका ?

**अम्बपाली-** जंगले लो ? शहरे, निगमे, जनपदे मदुगु  
जंगले दु ।

**बृद्ध-** ठीक ! बिल्कुल ठीक !! तर इमित थुकिया छु प्रयोजन ?

**अम्बपाली-** यको प्रयोजन दु !

( बृद्ध भुलये जुयाच्चनी )

प्रणाम, अय् सा वने का !

**बृद्ध-** अपाय् सकं छु हथाय् ! छंगु खँ जित साप ययाच्चन ।

( धयाच्चवंगु मदिव अम्बपालीं प्रणाम याना वनी )

अदूशुत ! महा अदूभुत !! एव सिमाकवे नं आश्र्य !

( अम्बपाली हथाय् चा पहलं लिहाँ बइ )

**अम्बपाली-** क्षमा यानादिसँ । छता खँ न्यनेत हानं वया ।  
व युवक गुखेपाखे वन ?

**बृद्ध-** युवक ? यु....व....क ? जि सुंक एकान्ते च्चंच्चनावले  
बल । उजुंथुजुं व मवंगुलिं जि हे ( पचिनं सुयाक्यना )  
उखेपाखे वना । पलख किपा वया स्वयावले थन

मदयेधुंकल । वया थासे छ थन च्दच्चन । ...छाय्,  
छु खँ ? वयात हे माजुयागु ला ?

अस्त्रप्राली- अर्थे... छुं विशेष !

( धार्मा आवेशं हे अष्टपालीया प्रस्थान )

बृहद्द-- अर्थे ! युवतीं युवकया विषये न्यंगु खँ नं अर्थे हँ !  
मनू नं धार्थे हे का ! गुलि अविश्वास ! गुज्जि तोतो-  
पुइगु चाला !.... अले हानं उलाउला स्वजुइगु थव  
मन ! .. वांछ्य थव विषय ! मखुसा थन नं जित  
आनन्द दइ मखु ! यह्य जुइमा, जिस छुया वास्ता !  
प्रेमी व प्रेमिका हे थजु ! थजु शत्रु हे ! थजु, यगु  
जुइब्यु ! गुजागुजापिं शत्रु-मित्रु ला तोता वया !  
मागु च्यूता ला थव ! जि जिगु एकान्ते हे च्वने !  
एकान्ते हे च्वने !! एकान्ते हे च्वने !!!

( बनीगु व धर्कि कुतुबइगु पालाइ )

— :- : —

Dhamma.Digital

❀ ६ ❀

( बैशाली गणतन्त्रया प्रधान उत्सव । उत्सवया छगु दश्य ।  
उत्सवे राजनतंकीं नृत्य याइगुलि मनूत, गणपति महापाल एवं  
विनिश्चय माझामात्यादि व इमि हे काय्पि नं थगु पोशाके

[ ३१ ]

योर्य आशने च्वंचवनी । अबले हे रत्न नं पिहाँ वया हूले जव पाखे दैवनी । पलख लिपा राजनतंकी बाजंबा ताले प्याखं हुहुं पिहाँ वइ । वयागु-स्वाले सौन्दर्धं दु, आकर्षण दु, गम्भी-रतनापं हास्य दु । राजनतंकीं प्याखं हुसाहलिये मनूतेसं भतिभति लिचिला नृत्यया निति थाय् तकू यानाढ्बी । अम्ब-पाली नं अबले बिच्चे हे हूल छच्छच्छ अन ध्यंकवइ । तर वया चुलिचू उसेपाखे रत्नपाल लानाढ्बनी । रत्नपालं राजनतंकीया नृत्य मिखा हे लिमकासे स्वयाढ्बनी । तर अम्बपालीं रत्नपालयात खंकी । पलखलिपा रत्नपालं न अम्बपालीयात खंकी । अले निघे वं वयात, वं ववात स्वया-ढ्बनी । थव हे दृश्य हानं बन्धुमतीं छथाय् चबना मखं पहलं स्वयाढ्बनी । नृत्य समाप्त जुइवं अम्बपाली व हूलं पिहाँ वनी । अले राष्ट्रीय घ्ये शुरु आये नह्यो नृत्य सिधयेवं गणपति महा-पालं ह्ला ब्बयेका धाइ )

**म्हाप्पाल- बजीनागरिकपिनि !**

**सच्छस्त्रिनं- जय !!**

**म्हाप्पाल- वैशाली गणतन्त्रया !**

**सच्छस्त्रिनं- जय !!**

**म्हाप्पाल- राजनर्तकीया !**

( अबले हे अम्बपाली रत्नपालनापं च्वंवया वं नं ह्ला ब्बयेकी )

**सच्छस्त्रिनं- जय !!**

**म्हाप्पाल- स्वतन्त्र देशया नागरिकगण ! थों मौर्पि सकले**

**मुना राष्ट्रीय विधानयात पालन यानाढ्बना । राज-  
नर्तकीया नृत्य समाप्त जुल । नापं थव हे नृत्य राज-**

नर्तकीया अन्विम नृत्य ख । राजनर्तकीं थगु पद  
तोतल । उकिं न्हूहा राजनर्तकी नियुक्त यायेमागु  
आवश्यकता दु । महेगु वैशाली गणतन्त्रया नियम  
ख मीगु राष्ट्रे सौन्दर्ये दकसिवे च्छन्हाहा ह्यया  
राजनर्तकी पदे तयेगु । उकिं धब उथाय् मीसं ह्वा तये  
स्वया आयाहा राजनर्तकीयात बीगु हे उचित जू ।  
धब खँय् स्वीकृति दुसा सकसिनं मौन धारण याये-  
माल ।

( सुनानं कुं धाइ मखु )

मीगु दच्छिया ज्याया विश्वरण ह्वाच बिनिश्चय महा-  
मात्यं न्यंकेधुक्तल । अपो मीसं उअति याये मफु ।  
उकिं थगु गणतन्त्र थगु जीवन भापा थुकिया उअति  
अविष्टुद्धि यायेमाल ।

( पलवः शान्तः वातावरण )

संधया फुक्क सदस्यपि ! जिहानंहानं लिसा काकां धब  
हे धयाच्छना— ‘मीगु राष्ट्रयात आयासिकं अप्पो  
उअलिया लेंपुइ यकेमाल, छाय् धासा राष्ट्र हे मीगु  
प्राण ख’

गणतन्त्रया गणपि ! आ मीसं थगु राष्ट्रिय न्यें  
राष्ट्रिय उत्सवे थनयागु करणीय कर्म सिधयेके अले  
थथगु इच्छानुसार भ्रमण यावने ।

( महापालं न्हापां निगति आख धाइ । अले सकसिनं पालाक  
राष्ट्रीय न्ये हाली ।

[ ३३ ]

## ४४

गणतन्त्रया जनगणत, मीपि स्वयं हे धन्य जू,  
वैभवशाली वैशाली नं मीगु स्वयं हे धन्य जू ॥धु॥

मनुज भूमिसां सुरपुरया अमरलोक समानगु,  
पहाड़, सर व शीतल समीर ढर्बला भू पूर्णगु,  
अन्न, फल, मूल, सुगन्धमय सुमन सौरभं जागु,  
गौरवाच्चित गणतन्त्रया मी नागरिक, अब दे मीगु ।

प्राण बलि बीपि गणतन्त्रया, सुरसम सपूतपि,  
थगु शौर्य सौख्य सात्तु सदा सर्वदा सातीपि,  
प्रवेणी पुस्तक थ प्रबन्धक धका प्रज्ञां खंपि,  
राष्ट्र रक्षार्थ प्राणया खेँ, रक्त धौसगं बीपि ।

मीगु शरीरे दत्तले म्बाहि छफुति छफुति हे नं,  
पला तबदइ मखु, हानं वाइ मखु छफुति धुले नं,  
मीगु सभ्यता मीगु शरीर, संस्कृति ख हाँ प्राण,  
सदा सर्वदा च्वेच्च्वे वंक जागृत हे, हे जनगण !

*Dhamma.Digital*  
Digitized by srujanika@gmail.com

# धा-२

❖ १ ❖

( उत्सवया छगू दश्य । ऐला मीणु पस । अम्बपालौ व  
रत्नपाल निहृ नापं पष्टुमाच्चंगु दु । निहृसिवां न्होने रूवला  
व अन्ति दु । निहृं न्हू रूवा । वस्त्र निहृसिया उत्सवयागु  
हे । रत्नपालं अम्बपालीयात ऐला त्वकेगु प्रवर्ण यानाच्चन ।

**अम्बपाली-** सत्य का, उखुनु जिं नं व बुहा नाप लात !

**रत्नपाल-** अले !

**अम्बपाली-** नकतिनि जक छह्य युवक ईव जिगु एकान्त  
थासे वयावन धका व बुहां धाल । थं लाले गबले हे  
अजाह्य मनू नाप मलानिहँ । व गन ले धका म्यनां  
मस्यु धका थगु पहलं तुं लिस बिल । अले तुरन्त  
जिछ हे जुइ धका मतिइ तया उखेंथुखें माजुया, तर  
छ मलू ।

**रत्नपाल-** उखुनु जि व बुहायाथासं सरासर मेगु छगूगामे  
वना । थौं हे तिनि अनं वया । थौं ला छ अवश्य नाप  
लाइ धका जिगु मतिइ जक । ला नं लात । अम्मी !  
छं छु सी, गोन्हु तक जि व सुसि सिथे वना । छ  
मव । बन्धुमति छक-निक वह, तर वं जिगु वेदनाय्  
मं चि मलभता जक हाहायानावनीगु ।

**अम्बपाली-** ( लं ह्लागु दीवं हे ) उखुनु लँय् छक ला जिं नं  
बन्धुमति नाप लात !

**रत्नपाल-** छंत जिगु वियोग वेदनाया, प्रेमया च्यूता दुगु  
हे मसु, अले छाय् वइ ! छंत छु मालं !

**अस्त्रपाली-** बस् !

( रत्नपालवा म्हुतु प्वातिनाबी )

जि मधयाला ? धायेजिल धायेवं यत्थे हे धाइगु का !  
गोक ला जि नं व खुसिसिथे बना । तर न्हावले अन  
च्वना खवयेगु, भुजयेजुया थगु किपालु लखे स्वयेगु  
सिवेव छुं चूमला । अम नं जित मध धाइगु का !  
जित छु मालं धाइगु का ! जित छुं च्यूता मरु धाइगु  
का ! छुं म्वागुजिं हे, छुं च्यूता मदुगुजिं हे  
चान्हेसिया नीरबताय् थगु आन्तरिक दर्कचितर्क  
व हृदयया द्वन्दं हलचल याना न्हा बयेके मफुगु !  
उकिं हे ला न नयाया सवा, न च्वनाया सुख जुइगु !  
उकिं हे ला न्हावले मनया सुख शान्ति तंका अन्तर-  
पीडा सुचुकाच्वनेमागु ! एमं गुलि याडँक धागु धाये-  
'छंत छु मालं ! छंत छुया च्यूता !'

( थुस्स च्वनी )

**रत्नपाल-** जित ज्ञमा या अस्मी ! जिगु हे भूल जुल  
खनी ! न्हागुसां म्वाल, वंगु खँ फुक लोमंकाळ्छ ।  
( स्वला म्हुतुइ ध्यंक यंका ) भतिचा, छसि जक !

**अस्त्रपाली-** ( छधों हीका ) जिमित छाय् धायेमाल ले !  
मर्य !

**रत्नपाल-** मसु, थौं ला थुलि हानं त्वंके हे मानि ! वह आ  
धायेमसुत का !

**अस्त्रपाली-** ( मुसुमुसु न्हाउन्हाउ ह्लातं बिन्ति याना ) बिन्ति !

**रत्नपाल-** ( बिन्ति यागु रहा निधां सवगु रहातं जवना ) मसु,  
थुलि....

( सवला महुद्दिध्यंक यंकावी । वयात त्वंकाच्छबले अम्हं नं  
महुतु वांखाइ । अम्बपालीं त्वनी )

बस् !... ( हानं स्वलाय् ऐसा लुना ) एष थुलि नं... !

**अम्बपाली-** मसु, आ.... .... ला !

**रत्नपाल-** अहँ, शुलि ला मत्वंकुसे तोते हे मसु ! ( त्वंकी,  
त्वनी । हानं तथा ) आ थुलि.... .... ।

**अम्बपाली-** छि ! ( त्वनी । अले रहा जवना सवला कवा ) आ  
जिं छंत त्वंकेगु ।

( सवलाय् ऐसा लुना रत्नपालया महुद्दि ध्यंक यंकावी ।  
रत्नपालं त्वनी )

**रत्नपाल-** आ जिं !

( सवला कवा रत्नं त्वंकी, अम्मीं त्वनी )

**अम्बपाली-** अयूसा पालंपा !

( अम्बपालीं त्वंकी, रत्नं त्वनी )

**रत्नपाल-** अयूसा अयू हे का !

( रत्नपालं त्वंकी, अम्बपालीं त्वनी । बुलुहुं बुलुहुं निहसिगुं  
इवावा भाव पानावनी । रत्नपालं हानं त्वंकी, अम्बपालीं  
त्वनी )

**अम्बपाली-** आ ला धात्थे....

( रत्नया बोहले भोसूवनी । रत्नं जवना धस्वाकी ! हानं छधों  
माताहाँ वंका रत्नपालया बोहले रहा तथा प्रेम भाव )

र .... .... त .... .... न .... .... !

**रत्नपाल- अम्मी !**

( अम्बपाली रत्नपालया मुले छ्यों दिका खारातुली । पलख  
लिपा हानं छ्यों थस्वकी )

**अम्बपाली-** ( थगु सूरे ) र.... त.... न.... ... ! .... जि ....  
छनाप ... गबले ढ्याहा जुइ ? .... रतन.... !

**रत्नपाल-** ( खं त्वालहाना ) अम्मी ! आ छन्ह्य द्यने न्हाला ?

**अम्बपाली-** ( म्हुतुसि खाका ) ध्रू ! हिने नं थन सुं द्यनीला ?

**रत्नपाल-** सुंक च्वँसा ।

**अम्बपाली-** छं... छं.... जि .. हालीगु मयल ? जित  
वानावनेत का मखुला ? छं जि मयलला ?

**रत्नपाल-** अम्मी ! सुंक च्वँ, सुंक !

**अम्बपाली-** छं जित प्रेम मया हे ! ....

**रत्नपाल-** ( ल्हा ज्वना जोशं ) जिं छंत प्रेम मया धका सुनां  
धाल ? ... सुनां धाल ?

( अम्बपालीं रत्नपालया निपा न्यताले निप्पीं ल्हा तयेयंकी ।  
मिला हे लिमकासे वं बयात, वं बयात स्वयाच्चनी )

**अम्बपाली-** रतन !

**रत्नपाल-** अम्मी !

**अम्बपाली-** जित गबले हे तोतेमते न्है ? ( मिसां स्ववि  
सोसो बयेका ) छं जित .... तोते मते !

**रत्नपाल-** थव छं छु धयागु अम्मी !

( राजनतंकी, विनिश्चय महामात्य व यशोमतीया प्रवेश )

**अम्बपाली-** ( चट्ट लिफ स्वया) सु छ्लिपि ? छाय् थन थबागु ?

( रत्नपालं अम्बपालीया नाडी व्यातुक ज्वना मिखां नं भाय्  
याइ )

**राजन्तर्की-** ( अम्बपालीया खेय् वास्ता मतसे बिनिश्चय महामात्य  
पाले स्वया ) अहा ! गपाय्-सकं सौन्दर्य बिलिबिलि  
जाहा, यौवन व सुन्दरताया अनूपम संगमगु अवस्था-  
याहा भाग्यवती सुकुमारी ! मिखा, हाय्, म्हुतुसि  
स्व— गुलि लछिन लाहा ! ध्व हे राजनंतर्की पदया  
अधिकारी मजूसा सु जुइ ?

**अशोभन्ति-** तर, ध्वयागु चेतना ला .... !

( अम्बपाली फेन्हुइ )

**राजन्तर्की-** जिं मं खं । तर सौन्दर्य हे स्वयं ध्व शरीरे  
च्वँयाच्चने धुंकल, हानं सुथात गन सु बांला घका  
मावनेगु ? मर्त्यलोकया छर्वशी ! मस्यु छु आपं  
अमरपुरया रानी मजुसे नरलोके ध्व गणराज्ये जन्म  
जूवगु ! ( रत्नपालपाले स्वया ) गणतन्त्रया छुहा नाग-  
रिक ! छंगु नां छु ?

**रत्नपाल-** जिगु नां रत्नपाल !

**राजन्तर्की-** रत्नपाल ! अले ध्व रूपश्रीयागु नां ?

**रत्नपाल-** अम्मी !

**अम्बपाली-** मसु, मसु, अम्बपाली !

**राजन्तर्की-** छुं अन्तर मदु ! अम्बपाली पूरा नां, प्रच-  
लितगु नां अम्मी ! अले रत्नपाल ! अम्मी छुं सु  
परेयजू ?

**अम्बपाली-** सु.... सु.... धया ला ?

**रत्नपाल--** ( प्रम्बपालीया धाये सिधयेवं दे ) अब जिमि गायाह्वा  
छुद्ध कुमारी ख । उत्सवे ऐला त्वना .... .... !

**अम्बपाली-** ( राजनर्तकीं छुं धायेत महुतु वांखाबले लाङ्क ) जि  
सु ... सु ... सु .. धवाला ? जि.... जि.... जि .. जि  
छुद्ध राजकुमारी का !

**राजनर्तकी-** आ थत्यें ला धवयाके स्वच्छ चेतना मदुनि ।  
एनं धवयागु रूपया सम्पूर्ण अंगप्रत्यंगे नं मिखा अब ।  
( यशोमतीपाले स्वइ । अबले हे अम्बपालीं रत्नपालया मुलय्  
अधों दिका ग्वारा तुलातिला लहातुति भोलंकी

**अम्बपाली-** ( राजनर्तकीपाले स्वया ) का, का, का स्व !  
( यथे संगु लमा राजनर्तकी छक निहली )

**राजनर्तकी-** बांलाक वा नं स्व !

**अम्बपाली-** वा ! अहाहाहा ! जिगु ... जिगु ... वा .... वा....  
नं स्वयेगु ! का स्व । का, का स्व ।  
( धात्यें वा छिक तथा वयनी । हानं काचाङ्क दनेत सनीबले  
रत्नपाल ज्वनी )

**राजनर्तकी-** छाय् सनागु अस्मी ? फेतु ! ( रत्नपालयात-  
स्वया ) फेतुकि !

( रत्नपालं फेतुकी )

अहा ! गपाय् सकं बांलाह्वा प्रामीण सुकुमारी ! गुलि  
भाग्यवती सुन्दरी ! मिखा स्व— पलेखां स्वये हे  
स्वा ! हाय् स्व, महुतुसि स्व, ल्वा स्व— छुकी खिने-  
थाय् दु ? सँ स्व हानं— गुलि ताहाकगु, गुलि हाकुसे  
चंगु !! लहातुति स्व— गुलि गोगोलाना एवं छांट

बना आकर्षकगु ! जि स्वया छुकीसनं हे थव कम  
मजू ! का थव हे मी राजनर्तकी जुइ ! थवयात हे थव  
पद लो ।

**रत्नपाल-** अम्मी राजनर्तकी जुझगु ला ?

**राजनर्तकी-** ख रत्न, अम्बपाली हे थव पदया अधिकारी  
ख । फुक नागरिकतेसं द्यूगु अधिकार अनुसारं नं  
अम्बपालीयात हे जिं ल्यया । बरु छं थवया गामे  
बना थवया मांबैपित थव सुसमाचार न्यंका धन्य-  
वादया भागी जू हुँ । थव छंगु कर्तव्य नं ला ख !

**रत्नपाल-** तर थवयाके चेतना मढु ! अचेतनावस्थाय्....!

**राजनर्तकी-** चेतनावस्था धका ला जिं नं मधया । न जिं  
अचेतनावस्थाय् हे थव पद वी । होश दयेब हे जक  
थवयात राजनर्तकी पद प्राप जुइ ।

**रत्नपाल-** तर अम्मी होश दयेब राजनर्तकी पद स्वीकार  
याइ मखु ।

**राजनर्तकी-** याइ मखु ? थव प्रश्नया उत्तर अम्बपालीयाके  
हे जक कायेगु जुइ ।

**अम्बपाली-** जिके ? जिके ? जिके छु ? अहाहाहाहा !  
हिहिहिहिहिहि ! जिके ? उहुहुहुहुहु ! रत्न ! जि नं  
राजनर्तकी जुइ ! राजनर्तकी जुइ !! राजनर्तकी जुइ !!!  
अँ, अले आमज्यागु वस नं दइला ?

**राजनर्तकी-** वस जक ला छु, जि स्मेतं छंह्वा दासी जुइ ।

**अम्बपाली-** अहाहाहाहा !

( दना तिर्तिम्हुइत सनी । तर कोदली )

[ ४१ ]

**राजन्तर्की-** छिं बना धवयात् तथायंकेगु प्रवन्ध याना-  
दीमाल का विनिश्चय महामात्य !

( बिनिश्चय महामात्यया प्रस्थान )

**राजन्तर्की-** रत्नपाल ! धवया छेँ सुसु दु ?

**रत्नपाल-** सुं नं मदु, अजि छह्य जक दु ।

**राजन्तर्की-** जि नं रत्नपाल, जित राजन्तर्की व्ययायंकू-  
षले सुं नं मदु । अबु छह्य जक दु । अयं नं राज-  
न्तर्की पद बैशाली गणतन्त्रया नारीपिनि लागी  
थुजागु उच्च पद ख, गुकिया अधिकारी जुइह्य मिसा  
महाभाग्यशाली ख । झीत मौगु राष्ट्रै दक्षिणे  
प्रियगु राष्ट्रिय विधान ख । थुकिया पालनया निति  
थगु साधारण स्वार्थ जक मखु, प्राणतक नं बलि  
बौमा । गुली राजन्तर्की जूपिसं थह्य प्रियतमयात  
तकं न्द्यावले लुमंका रूपयमासां तोता राजन्तर्की  
पदे च्वनावंगु दु !

**रत्नपाल-** अयं थपायूधंगु ज्यायू थुलि याकनं निर्णय  
यायेगु कदाचित् झीगु गणतान्त्रिक नियम मखु ।

**राजन्तर्की-** थन याकनंया सवाल मदु । विधान पालन  
गुकथं जुइ उकथं यायेमा ।

**रत्नपाल-** अनुपयुक्त ढंगं हे जूझां ला ?

**राजन्तर्की-** मुम्क च्वँ ! राष्ट्रया सन्देशो संघया स्वीकृति  
बिरोधाभासगु खूं ल्हायेगु छह्य नागरिकयात् मल्व ।  
छंत अम्बपाली राजन्तर्की जुइगु मयसा मय धा !  
हानं छं य हे मयसां अम्बपालीया इच्छायू, राष्ट्रया

नियमे दुने च्वना छँ य धायेगु करं कयं । ख, सुयां  
कला जूसा वया भातयाके न्यनेगु आवश्यकता दुगु  
जक मखु कि राजनर्तकी पदया अधिकारी हे नं व  
जुइफह मखु । कि धा, थव छिमि कला ख धका ।  
खला ?

( रत्नं छयों फितिफिति याइ )

अले ? अले हानं छाय् बिरोधाभासगु खँ ? छंत थह्ह  
प्रेयसी जूसां हे पनेगु अधिकार मदु धासेंजि स्प्रा-  
मीण कुमारी मात्रया नातां पनेदह्ला ?

( विनिश्चय महामात्य नापं नन्दवतीया प्रवेश )

राजनर्तकी- हयेधुन ?

बिनिश्चय महामात्य- चिने तयातयागु दु ।

राजनर्तकी- अयुसा थँ ।

( थह्हं न थनी । अले ल्हा व ह्य ज्वना याताप्याता वंह्ह  
अम्बपाली पित यंकी )

राजनर्तकी- रत्नपाल ! मेमेगु खँय् स्वया नं झीसं थगु  
प्रवेणी पुस्तके, प्रवेणी-पुस्तकया प्रत्येक वाक्ये ध्यान  
तयेमा । ख, गब्लेंगबलें छह्हनिह्ह मनूयात प्रवेणी-  
पुस्तके दुगु गुगुं विधान हे नं इमिगु हृदययात मल्लगु  
जुयाच्वनी । किन्तु ब्यक्तिगत हृदयया अपवादया  
कारणं सामूहिक निर्णय— व नं हितकरगु— विधान  
संशोधन जुइ मखु । ई धालं थपाखे जक न्हाह्हसिनं  
स्वका गणस्त्रया सुरक्षा जुइ मखु ! हुँ बरु थव  
सम्बाद वषा अजियात न्यंका धम्यवादया पात्र जु ।

[ ४३ ]

कर्तव्य पालन या ।

( राजनर्तकीया प्रस्थान )

रत्नपाल- ( गवेत सुंक च्छनेधुंका ) कर्तव्य पालन ? ( विरहमा भावं ) कर्तव्य पालनया लागी शायद जिगु हृदय कागुसा कम-से-कम कायधुंका हानं वेदना छता ला अनुभव जुइ मखु । ( इवलना स बयेका ) परन्तु जिगु थुजागु हृदय काल, गुगु यंकेधुंका नं वेदनाया शिकार जि जुल ! अबोध नर्तकी ! छं छु स्यू, अम्मी जिमि सु धका ? ख्वा स्वस्वं स्वये हे मगावं, ख्वै ल्हाल्हाँ ल्हाये मगानि, वियोग ? थुलि नापनापं वियोग ? जन्म व मरण, लुइगु व बौगु, संयोग व वियोग निगुलि थुलि, थपाय्सकं नापनापं ? अम्मी ! ..... अम्मी ! ..... अ.....म ै... !

( रत्नपाल विरहं प्रव्यवस्थित जुइ )

आ छ राजनर्तकी जुइगु ? अम्मी ! ... अम्मी !

( रत्न छकलं त्वलहयेचाहृथें जुइ । अले भाराङ्क गोतुली )

Dhamma Digital

✽ २ ✽

( राजनर्तकीया भव्य प्रासाद । खाताय् नाइसे च्वंगु लासा लायातगु । थुखे कुने लाङ्क वहया करुवा छग । खाताया क्वे

[ ४४ ]

नं लासा लायातगु दु । व हे साताय् अम्मी उखे स्ववा द्यना-  
च्वन । राजनर्तकीया प्रवेश जुइ । अम्बपालीया साताय्  
फेतुताच्चर्पि यशोवती व नन्दवती दनी )

**राजनर्तकी-** गुलि बांलागु र्खा ! धवया सौन्दर्यया जो  
गन मावने ?

( पलख अम्बपालीयात स्ववाच्वनी । अले तीसकं थुखे  
फहिली । हानं उखे स्वइ )

रूपषती बनदेवीथें ! धवं हे धात्थें थगु सौन्दर्ये  
आत्मविश्वास यावे बह जू ।

( बुलुहुं तीसकं प्रस्थान । पलख लिपा अम्बपालीं ल्हा संकी ।  
हानं पलख लिपा तुति छपा साला कयेकुकी । फांगां ल्हा  
पित हइ । अले न्ह्यले हाली )

**अम्बपाली-** ( न्ह्यले ) सत्य; जिं छंत गुलि माजुया !  
धात्थें ख, उखुनु जिं नं व बुच्हायात खना !

( न्ह्य परिचारिकापिनि न्हायूं प लिङ्क वना खें ल्हाइ । अम्ह  
न्ह्यगु व राजनर्तकी प्रवेश जूगु पालाइ । तर्गेक मिसा कना  
छक स्वइ । अले तमं तं निहासित वनेगु संकेत याइ । निम्हं  
बुलुहुं दनावनी । राजनर्तकी नं बनी । अम्बपाली हाली )

जित छु जुइ ? छुं नं मजू...छुं नं मजू ! का, आ  
जित तोते भतेसा !....आसे ! आ....से.... ! अर्थ्या !

( मेगु झोलंकातगु तुति छपा नं लिसालाकाइ । नापं न्ह्यलं  
नं चाइ । मिखा ब्बेब्बेस्याइ । मूपुली । फेतुइ । चाकलि स्वइ ।  
अले हानं साताय् लाया तगु लासाय् र्खहातं पित्तुपी । फुगे  
छक ल्हातं त्यला स्वइ । आश्वर्यान्वित जुया लासा छक नं

कवयीक स्वइ )

( स्वगत ) जि गन थ्यनाच्चवंगु ? थव न्हाच जि छु  
ह्यनाच्चवंगुला ले ? थव....थव ( लासाय् थिया ) गपाय्-  
सकं नायूगु ! गपाय्-सकं यच्चुसे च्चं ! आश्र्य !!  
न गोंष छ्यग हे दु ! ( दना वहया करुवा कवा ) आहा  
गपाय्-सकं बांला ! गुलि हिसि दुगु !

( उखेथुवे स्वस्वं केतुवनी )

मखु, थव स्वप्न लाकी विप्न ? लहा संकाच्चनागु दु,  
स्वप्न धाये धासा ! विप्न नं थव गय् जुइ ?... स्वप्ने  
नं विप्न धका ह्यनाच्चवंगु ला मखुला ?

( पलख सुक च्वनी )

सुं दुला हाँ ? ( भति तस्सकं ) सुं दुला हाँ ?

( ज्यो धाधां यशोवती वइ )

यशोवती- ( नायुगु सलं ) आज्ञा ! छु सेवा यायेमाल थें !

अस्वप्नाली- ( आश्र्यं जुया ) सेवा !

यशोवती- जि छ्या परिचारिका ख— छिद्ध दासी ।

अस्वप्नाली- दासी !

यशोवती- छिव छु माल थें ! रुबा सिलेत ल मालका ?

अस्वप्नाली- जि भन थ्यनाच्चवंगु ? गनं जि थव महजे  
थ्यन ? थव स्वप्न लाकी विप्न ?

यशोवती- स्वप्न मखु, विप्न हे ख ।

अस्वप्नाली- विप्न ! गय् विप्न जुइ ? स्वप्न ख, फुक  
स्वप्न !

यशोवती- छुखें ला स्वप्न नं ख ।

**अम्बपाली-** गजबह्न हे मनू खनी ! धाधाथे ख ! ....  
आश्र्य !! जि गन थ्यनाच्वंगु ?

**अशोवती-** छुं आश्र्यगु खँ मखु । छित राजनर्तकीं हया-  
दीगु । थव राजनर्तकीया पुष्पोद्याने चवंगु विश्रामगृह  
ख । जिपि छिह्न दासी ख ! ( ल्यूने पाले स्वया )  
नन्दवती !— नन्दा !

( 'ज्यो' धाधां मेह्य परिचारिका नन्दवतीया प्रवेश )

**अशोवती-** हुं, बना ल ठौक या ।

**नन्दवती-** थथें तयार जुइ !

( वनेत्यनी )

**अम्बपाली-** आश्र्य थव स्वप्नथेंज्यागु विप्नं नं !.... जित  
छाय् थव विश्रामगृहे तयेहगु ले ?

( नन्दवतीया पला दी )

**अशोवती-** आ थव छिगु हे धासां ज्यू !

**अम्बपाली-** जिगु ? थया अर्थे ?

**अशोवती-** आ थव फुक्या अधिकारिणी छि ख । इच्छा  
जूसा समां याना उद्यान-भ्रमण यानादीसां जित ।

**अम्बपाली-** छिः, उद्यान भ्रमणभ्रिमण छखे ति । न्हापां  
धा जि गय् थन लावगु, छाय् आमथे लहा बिन्ति-  
बिन्ति याना छिपिं न्हाने वयाच्वनागु ?

**अशोवती-** हिंगया खँ शायद छि लोमनला !

**अम्बपाली-** हिंग ? ( पलख विचा याना ) हिंग.... हिंग जि  
उत्सवे वयाह्न ... उत्सवे सुलिं पसले चवंच्वनागु ।  
अनं थन सुनां हगु ?.... रत्नपाल गो ?

**अशोवती-** राजनर्तकी हयादीगु । राजनर्तकी नं शायद थत्थे  
थन माइ ।

**अम्बपाली-** राजनर्तकी जित छाय् हगु ले ?

**नन्दवती-** शायद ... !

( यशोवतीं छु मधायेगु सकेत याइ )

**अम्बपाली-** शायद छु ?

**अशोवती-** शायद आ थथे हे माइ ( नन्दवती पाखे स्वया ) हुँ,  
ल ठीक या ।

( नन्दवतीया प्रस्थान । अम्बपालीं त्वह्नयेचाया थगु गा स्वइ )

**अम्बपाली-** थव.... थव गा ला जिगु मखु !

**अशोवती-** थव गा राजनर्तकीयागु का !

**अम्बपाली-** राजनर्तकी ! राजनर्तकीयागु !! बयागु गां  
न्ययेत, बयागु थासे च्वनेत, जि नं राजनर्तकी ला ?

( यशोवतीं छु लिस बी मखु । अम्बपाली खाताय् केतुइ ।  
अले खाताया लिकवपाखे यशोवती न फेतुइ ! साधारण  
पोशाके राजनर्तकीया सहसा प्रवेश । राजनर्तकी वयेष यशोवती  
दनी, नाप अकमकगेज्जगु रूपे अम्बपाली न दनी )

**राजनन्दवती-** ( यशोवती पाखे स्वया ) छु आतकं ख्वा सिका  
समां हे नं याके सिमधनि ला ?

**अम्बपाली-** समां यायेगु ? छुकिया समां ?

**अशोवती-** नकतिनि दनादिल.... ।

**राजनन्दवती-** हुँ, याकनं बना ल ठीक या !

( यशोवतीया प्रस्थान । न्हिला रकालं अम्बपालीया ह्ला ज्वना  
खाताय् फेतुइ )

अजुगति चाल लाकी छु ?

अम्बपाली- ( कवथीक स्वया ) छि छि.... सु जुल ?

राजन्नर्तकी- ह्यसीके मफुत ला ? ( मुसुहुँ निहला गम्भीर जुया ) ह्यिग जिके श्रृंगार दु, बांलागु बहुमूल्य बच्च दु, तर वास्तविक रूप मदु। थौं जिके ह्याय् छु अजागु अलंकार व श्रृंगार मदु, तर वास्तविक रूप दु।

अम्बपाली- अः, छि राजनर्तकी ला ?

राजन्नर्तकी- आतक ख धासाँ ज्यूनि ।

अम्बपाली- जि छाय्, गय् थन लावगु ?

राजन्नर्तकी- थव हे लुमंकाबीत ला जि थन बयागु । थव थाय् ला सिल जुइ ?

अम्बपाली- व ला नकतिनि वंभं धाल ।

राजन्नर्तकी- व परिचारिका का । मेह्य छह्य नं परिचारिका दु । छह्यसिगु नां यशोवती, अले मेह्यसिगु नन्दा अर्थात् नन्दवती ।

अम्बपाली- मखु .... जि थन छाय् ? गय् ध्यंगु ?

राजन्नर्तकी- गपाय् सकं लोमंगु व ! ह्यिगयागु घटना छक नं लुमंकास्व सा ।

अम्बपाली- ( भति गम्भीर रुवाल बिचा याना ) ह्यिग छु जि उत्सवे बयाह्य तंगु ला ?

राजन्नर्तकी- उत्सवे तन, तर थन उद्याने लुल ।

अम्बपाली- धागु जि मथुल ।

राजन्नर्तकी- ह्यिगया सांघिक निर्णय अनुसारं न्हूह्य राज- नर्तकी ल्ययेगु ड्या जिं कया । व पदया अधिकारी छ

हे खना । अथवा थय् धा, व सन्मान पदे छ्रंत जिं  
तयेत हया । ह्विग ऐजास्वं कानाच्चवंगुलि ध्व द्या  
थौतकं लिकुनाच्चवन । सु सौभाग्यवतीं जक थुजागु  
गौरवमय पद स्वीकार मयाइ ? ध्व हे विश्वासे व  
बैशाली नारीपिनिगु कर्तव्य पालनया गर्वे हे जिं  
ह्विग छ्रंत थन हया ।

**अम्ब्बप्पाली-** जि राजनर्तकी जुइगु ला ? सुनां धाल... सुनां  
धाल जि राजनर्तकी जुइ धका ?

**राजन्तर्वकी-** आम सौन्दर्य धयाच्चवन, आम यौवनं धया-  
च्चवन, आम कोकिलयात लज्या चायेकीगु बाणीं  
धयाच्चवन, आम ततगोगु बालाबालाचिंगु मिखाया  
आकर्षणं धयाच्चवन, आम प्वात्याप्वात्या च्वंगु शरीरं  
धयाच्चवन, आम खवाया तेजं धयाच्चवन छ हे ध्व  
बैशालीया सर्वश्रेष्ठ सुम्दरी ख, छ हे ध्व राजनर्तकी  
पदया अधिकारी ख ।

**अम्ब्बप्पाली-** तर मनं मधयाच्चवंसा ?

**राजन्तर्वकी-** मनं ध्व नारीत्वया अपमान, सौन्दर्यया  
अवहेलना, यौवनया अनादर यागु जुइ । अले  
आकर्षणया नीचता क्यनेगु जुइ, बाणीयात गिजये-  
यायेगु जुइ, खवाया तेजपूळया उपहास यायेगु जुइ,  
मेगु छु जुइ ? हानं थुलि हे आ वज्जीसंघया नारीपिके  
संघया लागी व्यक्तिगत स्वार्थ त्याग यायेगु ताकत  
मंतला ? इमिगु न्द्यप्पुइ संघया मियम पालन याये-  
गुया महत्व मंतला ? कर्तव्य पालनया ज्ञां मंतला ?  
आ छु इपि व्यक्तिगत रूपया प्रदर्शने, व्यक्तिगत

स्वार्थ ब्वाइपि जुलला ?

अस्त्रपाली- अले छु थव संघया जबरजस्ती मजुइला के ?

राजभन्दकी- जबरजस्ती ? शुकी गनया जबरजस्ती दइ ?

थव ला ज्ञानया, विवेकया, हृदयया खँ ख। अले संघया विचार शक्तिया निस्कर्षित परिणाम ख। गणतन्त्र देशयात साम्राज्यवादया पाखें बचयेयायेत गुलि बज्जीकुमारपिसं थगु हि थव हे कारणे, केवल थव हे कारणे, कि परया गुलाम जुया, थव धरती नं परया अधिकारे लाका पला थतयाच्चने स्वालेमा धका हायेकल जुल ? थगु सामूहिक निर्णयं प्रस्तुत जूगु प्रवेषी-पुस्तकवा विनयया अनुशासने च्चनेगु पलेसा छाह्य व्यक्ति विशेषया पाखें शासित जुइका थच्चने स्वालेमा। अले फीसं हे थगु अनुशासन भंग यायेगु ?

( यशोवतीया प्रवेश। तर छु मधासे सुंक तुं दुर्हा बनी। राजनतंकी उखे छक स्वइ )

गणतन्त्रया लागी यदि फीसं थगु शुक्ति स्वार्थ-रूपया अभिमान— बज्जी बी मफुसा थव नारीया जगे दनाच्चंगु गणतन्त्र राज्य कन्है हे लिगिलिगि सनी, चिष्ठा दनाबनी ! ( पलक मौन ) थव नं लुमंकि, मेगु अप्पा प्पपा-खुपा लिकायेगु व जगया छपा अप्पा लिकायेगु उत्थें भजू ! अले छाह्य नारीया स्वार्थ, माया, ममतां, संकीर्णतां गुलि हानि जहाङु ख, थव हानं छक धायेमागु मदु ! भिकेगु, मभिकेगु नारीया हाते दु,

हानं वं हे समाज सुखी व दुःखी गथे यल अथे  
यानातह ।

**अस्वप्नाली-** ध्व ला जिं नं मखु मधया !

**राजनर्तकी-** मखु मधया ?.... धा, धायेत छाय् गयायेमागु  
दु ? ध्व गणतन्त्रे सकलें स्वतन्त्र ! थ ययथे सनेदु,  
हालेदु । थगु स्वार्थ पूर्ति यायेत मेपिनि स्वार्थया क्षति  
यायेगुली नं स्वतन्त्र !

**अस्वप्नाली-** ध्याचू नकेमागु मह ! जि राजनर्तकी जुइगु  
इच्छा मदुगु छु यायेजिउ !

**राजनर्तकी-** ध्याचू नकागु मखु ! ध्व उच्छृङ्खल स्वतन्त्रया  
परिभाषा ख गुकिं याकनं साम्राज्यवाद्यात आह्वान  
याना स्थापना याकी, ध्व स्त्रतन्त्र गणतन्त्रया नामे  
कलंकया सिहु तिकी । अले गबले थुआगु थ कति-  
लाकेगु स्वतन्त्रे ब्वाना परयात परतन्त्र जूगु ध्यान तड  
मखु, स्वच्छ नागरिक कर्तव्ययात तिलांजलि बी  
अबले सीकि ध्व गणतन्त्र याकनं लिगिलिगि सनी ।  
गबले परस्परे स्नेह, ममता, दया, प्रेम, मैत्री मतसे  
इष्या, द्वेष, जलन, क्रोध भावनाय् छम्हेस्यां मेह्वसित  
चिकाच्वनी, अबले मंतिइ ति ध्व वैशालीया गौरव  
मुकुट नं धूधू जुइ धका ! अम्मी ! हानं ध्व नं ल्वमंके  
मते, संकीर्ण स्वार्थ हे ध्व फुक दोष मनूयाके  
द्वनीगु ख ।

**अस्वप्नाली-** तर जिं राजनर्तकी पदया अस्वीकार यायेगुली  
थुपि दोष मखना ।

**राजन्तर्की-** सर जि खना । थम्हं फुगु राष्ट्रया उन्नती  
मयायेगु नं छगू दोष ख । आपा लाभया न्होने कम  
लाभ जुइगु हे आर्थिक दृष्टि छगू प्रकारया हानि ख ।  
शक्तिया उपयोगिता दयेका तयातयेगुली मदु, गनं  
ज्याय् छथलेगुली जक दु । बिद्याया उपयोगिता व  
महत्व सीकाच्चनेगुली हे निहित जुयाच्चंगु मदु,  
मेपित सीकेबीगु व उकिया प्रश्रय कया थम्हं ज्या  
यायेगुली दु । जले आम रूपया ?

**अस्त्रपाली-** अयसा शुकिया मतलब थव हे जुल कि जिगु  
रूप व सौन्दर्य तथा यौवनया महत्व व उपयोगिता  
थगु हृदयया विरुद्ध दिशापाखे छ्येगुली दु !

**राजन्तर्की-** अम्मी ! थगु हृदयया विरुद्धे जुइकेमागु जिं  
ला छुं हे कारण मखना । व्यक्तिगत व संकीर्ण  
स्वार्थ सिद्ध यायेगुली स्वया राष्ट्रिय व व्यापकगु ज्या  
यायेगुली हृदय मवनीगु गय् ? की सुं वैशाली  
नारीपिसं थीं तक थगु रूपया गर्वे राजनैतिक पद-  
यात अबहेलना यागु मदुनि, बरु थव पद भाग्यवती-  
यात जक वह धयागु विश्वास दु । छखे आम छंगु  
रूप, मेपाखे राष्ट्रिय नियम ! छु छं इकले न्हापां  
राष्ट्रिय नियम मध्ये मिसातेपाखे पालन जुइगु  
विनयया अबहेलना यायेगु ला ?

**अस्त्रपाली** उकिं ला जिं धयागु— जि सीगुली हे राष्ट्रया  
विधान स्वाइगु जुल । अथवा जिगु मरण हे राष्ट्रिय  
विधानया आदर तयेगु जुल !

**राजन्तर्की-** अम्मी ! न्हागु खँय् नं बिचा निखेरं यायेज्यू ।

सीगु छुयात धाइ ? छु सच्छिदँ स्वायेगु हे जक सदां  
स्वायेगु ला यद्यपि जीवने राष्ट्रया लागी छुं हे ज्या  
थमयायेमा ? हानं छु छुं भतीचा थगु स्वार्थ सिद्ध  
यायेया लागी राष्ट्रिय नियमया अवहेलना याना  
तास्वानाच्छवनेगु हे धात्यें स्वायेगु ला ? छु राष्ट्रया  
लागी छगू-निगू थगु इच्छा बलि बीवं मनू सीला ?  
लुमंकि ! राष्ट्रयात भीसं थगु स्वार्थ बलि व्यूसा हे  
जक राष्ट्रं न भीत छुं बी ।

**अस्वप्नाली-** राजनर्तकी ! जिं छ्व ज्या यायेत छगू-निगू  
साधारण इच्छा बलि बीव गा धका मतिइ तयादी  
मते ।

**राजन्नर्तकी-** छाय् ? छंगु आम रुप व सौन्दर्यया उपासक  
जुयाच्चंहा सुं दु लाकी ?

**अस्वप्नाली-** द हे दुसां छुं आश्र्वर्यया खँ मखु ।

**राजन्नर्तकी-** व हे रत्नपाल ला ? व हे रत्न ला ? ...  
अबोध अम्मी ! व ला छंत उखुनु, अबले हे लोमं-  
केगु कुत यायधुंकल गुखुनु छंत राजनर्तकी यायेगु  
धका जिं धया । हानं गुद्धसिनं छंगु परिचय बिडबले  
केवल छद्धा स्वप्रामीण कुमारी धका धाल व छंहा  
प्रियतम ? उज्याहा छद्धसिगु प्रेमे छं छ्व राष्ट्रिय  
विधान पालन मयासेच्छवनेगु गुम्हेसिनं थद्धा प्रेमिका-  
यात प्रेमिका धका प्यद्धा मनूया न्होने स्थीकार याये  
मफु ? हानं गुद्धसिनं ऐलालं काना अचेल जुयाच्चंहा  
छंत हयाबले भचा क्यातुक हे विरोध मया वया  
निंति थपायसकं जिरह यायेगु ला ?

**अम्बपाली-** न्हागुसां जित राजनर्तकी पद मय ।  
**राजनर्तकी-** अम्मी ! य धासां न्हाम्हेसितं दृश्यु षष्ठ नं  
 थव मखु ।

( यशोवतीया प्रवेश )

छं शब्द चाहे यक्को हीका यगु रूपं बाक्य रचना  
 या, आखिर खँया तात्पर्य व हे ख । बिचा या, थौं  
 मखुसा कम्हे हे सही ! हानं लिपा थत मययेवं तोते  
 नं ला मज्ज्युगु मखु !.... अम्मी ! जिं ला छंत थव हे  
 धाये छं न्हातथे यानासां थगु रूप व सौन्दर्य छक  
 राष्ट्रिय विधान मानेयेया । ( यशोवती पाले स्वया )  
 ल ठीक जुलका ?

**यशोवती-** हाच तुं ठीक जुल ।

( राजनर्तकी छ्यों भाय् याइ । यशोवतीया प्रस्थान )  
 का, बिचा यानास्व । बिचा यायेत हे थव न्हाप्पु ख,  
 पुका नयेत मखु ! .... नुँ, उद्याने भ्रमण यावने । ई  
 आपा मंत ।

( राजनर्तकी ह्ला ज्वना थनी । अम्बपाली दनी )

Dhamma.Digital

—◦◦◦—

❀ ३ ❀

( मगधया तापन-गृह । बन्दी बिम्बिसार छवालं दराति दुगु

[ ५५ ]

तापन-गृहे च्वच्वन । स्वाले अपशोचया भाव दु । स्वा खूसे  
च्वं । व न्हापा स्वया बुहा खनेदयाच्वन । वस साधारण गु ।  
हाकुसे खोंथाये धुंकल । इधूधू जुयाच्वनी । गबले ह्ला  
संकी । गबले ल्हा विन्ति यामा च्वे थस्वयाच्वनी । गबले  
च्वे स्वया भुलये जुयाच्वनी । वयागु ल्हा छपा व तुति छपा  
सिखलं क्यंकातगु दु ।

**विम्बिसार-** गुलि विचित्रगु विडम्बना ! छन्हु जिं थ्व हे  
तापन गृहे थ्व खोरे गुलि अपराधीत कुना, थौं जि  
हे छ्लम्ह अपराधी रूपे थ्व तापन-गृहे च्वच्वया ।  
अहाहाहा ! थ्व छ्लचालं च्वंगु नेंया दरालि मनुखं  
दयेकूगु । मनुखं हे कुनीगु, मनू हे कुंकाच्वनीगु !

( छक मुसुदुँ निहली । पलब्र सुम्क च्वनी )

अहा ! जिगु थ्व विचार- क्रान्ति जुयाच्वंथे जि थन  
हापाहापा जेले तयापिनि नं थथे हे विचार क्रान्ति,  
तर्क व ज्ञानंया द्वन्द जूऽना ? .. मजुइगु छु दु ! जि  
गुलि जुल उलि जकं मजू जुइफु, जि गुकथं जुल  
उकथं जकं मजू जुइ, अन्यथा गुलिसितं पश्चाताप,  
गुलिसितं अन्यायया बिरुद्धे रोष छाय् मजू जुइ !  
तर जिथे.... इतिहासे राज्यया निति, ऐश्वर्यया निति  
ल्वाना कायं बौया, बोनं काय्या हृत्या यागु जकं  
न्यने नं, थथे बाह्यसी, बाह्यम्बा जुइकातगु ला गषले  
न्यने मननंी । नयेत छुं बौकेहगु मखुत । अम जिद्धा  
जन्मभरया संगिनी कोशलायात हे नं थन दुतब्ल्लया-  
हगु मखयेधुंकल । मामं बौयात नकेयंकल धका नं  
काय्यात रोष पिहाँ बइगु !! ( छकलं तमं स्वा च्याइ ।

तंया भोके हे ) यदि जि ध्व जेलं पिहाँ बनेफुगु सा !  
( वा किर्किरं न्हया ) छक सिंहथें गर्जये जुया हालेबले  
सु मगथया नरनारी दइ जि पाखे मलीहा ? अले ध्व  
अजातयात ! ध्व प्वाथंनिसेंयाहा, मबूनिबलेनिसेंयाहा  
अजातशत्रुयात !

( वा किर्किरं न्हया )

जिहा उपदेशकं ईश्वरयात मानये मया । ईश्वरं अन्या-  
यया बदला काइ धयागु खँय् जित नं विश्वास मरु ।  
मनूया अन्याब व कर्तव्यया बदला मनुष्य समाजं हे  
बीमा । शुकिया लागी मनू पुच हे दनेफयेकेमा । तर  
गो ! जि जेले लानाच्चनं सुं छहा दनावगु मखु ।  
मेपिं ला मेपिं, जिहा मचाँनिसेंयाहा पासा, राज्य  
यानाच्चनाबलेयाहा महामात्य गन वन ? ( छकलं  
ख्वाले मेगु भाव हया ) मय्‌ल, ध्व फुक आ मने हे हये  
मखुत । भ्यातनां सिलेत भ्यातनालं तुं भूचायेकेगु  
प्रयत्न थाये मखुत । कम-से-कम अजातशत्रुं छन्हु  
पश्चाताप ला अनुभव याइ ! जि अजातयात स्थंकेत  
स्वयां, स्थंकेफतं छु जुइ ? हिंसाया बदला प्रतिहिंसा ?  
थुकिं संसारयात छु दइ ? समाजं यासा धका डकी  
छुं महत्व दइ ! तर ध्व खँ — ध्व जिगु नुगया खँ—  
गय् याना न्यके ! जि थन बन्धने, न्यंकेमार्पि पिने !!  
( नौ संजीवया प्रवेश । झोला मिहा छपा दु । बिम्बसारया  
समवयस्क )

बिम्बसार- येः, संजीव ला ? वा, वा संजीव !! बज्जा  
थौंतिनि गोम्हुखेमछि लिपा छपा परिचितगु रुवा  
स्वयेखन । गुखुनुनिसें जुजु बिम्बसार बन्दी जुल

उखुनुनिसें थह्हा रानीवागु-मखु, मखु राजमातायागु-  
न्हि छक ब थब द्वारपालयागु छकनिक पुलुक्क ख्वा  
स्वयेगु सिबेत मेगु चूलागु मखु । मन आ ला न  
राजमाता खनेदु, न द्वारपाल ! शायद प्रतिबन्ध तया-  
बिल जुइ ! मस्यु दंदं, फिदं-फिनिदँ निभाज मदुगु  
जेले अनेक उद्देश्यं च्वंपिसं गय् याना हि छ्वत जुइ !  
इमिगु हृदयया अन्तरद्वन्दया प्रतिलिपि दुसा .. !  
( पलख दिना ) अँ, धा । छ छाय् .. ( संजीवया मिखाय्  
ख्वबि खना पाश्वर्यान्वित भावं ) अरे छ... छ... छ....  
छाय् ख्वयागु ?

( संजीव ख्वछुना सुकुसुकु ख्वइ )

आश्वर्य !.... छाय् हाँ ? छंत नं जित पासा तयेहल  
लाकी ? छाय् ख्वयागु, छाय् ? स्व जित । गुलि गय्  
जुलं नं मख्वया, हिला हे च्वना । छ छाय् ख्वयेगु ?  
शुजागु परिस्थितिइ ला तथेगतयागु 'मानिबत्त अभि-  
क्कम' धका लुमंकेमा ! छाय् ख्वयागु ? जि हे ला  
हिलाच्वना ।

( धात्यें छक न्हिली )

छाय् ? छ अपराधी जुलला ?

( संजीवं छधों कितिफिति संकी )

अय्-सा छु जिगु दुःख स्ववयाद्ध ला ?

( संजीवं छधों संकी )

अय्-सा छु जित मं ख्वयेकवयामह ला ?

( संजीव सुंक च्वनी । बिम्बिसारं भाव परिवतंन याना भति  
क्रोधावैरो धाइ )

छु छ नं अजातशत्रु जुया जिगु उपहासया निंति  
बयाम्ह का मखा ? तथागत अमिताभ ! छलपोलयागु  
खँ आ र्हं र्हं थुयावल—अविद्या, व्यापाद, मिध्या-  
दृष्टि पाखे अविश्वास यायेगु हे छपु मात्र लँपु दु  
धागु खँ !

( संजीव हानं सुकुसुकु र्हवइ )

तर छ ! तर छ र्हवगु ...

( संजीवया छयों र्हत्तना र्हवै जागु मिस्ता व न्यताले स्मेतं  
र्हविधा वा वयाच्चंगु र्हवइ )

तर छ र्हवगु अभिनय मखु । ( छयो तोता ) छं छाय्  
र्हव र्हववि बयेकागु ? जिगु र्हवविइ आम र्हववि तनेवं  
छंत छु दइ ? हानं जित ल्यूने तुच्छ प्रत्यासा सुलां-  
च्चंगु दया, प्रेम, मैत्री, करणा खना नं वाक बये-  
धुंकल ।

( बिम्बिसार पलख दी । संजीव दना बनेत सनी । बिम्बि-  
सारं न्हापनि । एनं व वं हे वनी । तर बया जवनावगु हिचा  
तोफी । बिम्बिसारं बना काइ । हिचाय् दुने चवंगु पिकाइ )

क्षिञ्चित्सार- ( छगु शस्त्र पिकवा ) र्हव र्हव... र्हव....

छलंचा ! ( बालाक स्वया ) मखु, र्हव भसि तवाला ।  
सँ खायेगु मखु, लुसि ध्यनेगु मखु ! अले छु मिखा  
ल्हयेत जा ? ( बालाक पुइका लुसिइ र्हक थीकास्वया )  
गपाय् सकं ज !

( हानं हिचाय् र्हवा दुच्छया पोचा छपो पिकाइ )

र्हव... र्हव छु ?

( पो पयना रहाते चंकी । घौमलख स्वयाच्चनी अले भति चं  
मे चकां तिका काइ )

ये:, चिमलभत्ता खनी म... लाफ पिया मलभत्ता-चि  
हाहा यायेगु ला ? ( छकलं तं पिकया ) पशु ! अय्  
निपां चूपि जा नपि पशु !! छिपि पूर्ण पशु जुइ  
मफया ड्यां जक, मनोबृत्ति जक पशु जुइपि ला ?  
पशुं हे नं ला थुजागु कुचक्र मगव, नीच कर्म मया !  
इमिगु मनोबृत्ति व ड्याय् उत्थान व उत्कर्षे असम्भव  
जूसां पतने ला परिधि दु ! तर छिपि ? याइपि नं,  
याकीपि नं गुलि ल्ब ! नौ, छंत आजम्म जिथ नाला,  
उपकार याना । आ छ नं जिगु थब दीन अवस्थाय्  
शत्रु जुइधुन का मखा ? छं जिगु सम्पन्न अवस्थाय्  
यानातयागु गुण छक नं लुमंके म्बाला ? जिगु  
बैभया छत्र छायाय् तुतिया लुसी ध्यनाच्चवंहं  
थौं थब दिन अवस्थाय् ला ध्यनेगु ? केवल राजाज्ञा  
न्होने तया थुजागु नीच कर्म यायेत नं तैयार का  
मखा ? प्रेरणा छिमिगु लागी थुलि महान् का मखा ?  
... बैभया दासीत ! ज्ञान व स्वच्छ मनोबृत्तिया  
गबले रूपासक जुइसयेकागु दुला छिमिसं ? ( झं  
उत्ते जित जुया ) कन्हेसनिसें छिमिसं धाँय् न  
धाँय् । .... तर छिमिसं जिगु थब वचनयात गनं  
मानयेयाइ ! पालन यानाथें छुं प्रकारया स्वार्थ पूर्ति  
जुइगु जूसा धका !

( अबले हे नौ बाँय्यवधाक्षतं बिम्बिसारया तुतिइ भोसुया तुति  
कस्सिक जवनी )

**संजीव-** देव, जित क्षमा ब्यु !

**बिम्बिसार-** क्षमा ? छुया क्षमा, गुजागु क्षमा ?

**संजीव-** देव ! प्रेरणाया बले, भयया कारणे, स्वार्थया प्रत्याशाय् कृतधन ज्या यायेत जि थन वया । आम तेजपूर्ण ख्वा खनेवं हे ध्व हृदयं सहयाये मफुत । आम स्नेहशक्ति वाणी हायपने द्वाहाँ बनेसाथं हे ध्व जिगु नुगचु पश्चातापं थरथर खात । प्रेरणाया प्रश्नय तोदुल, भयया शक्ति विलीन जुल । जित क्षमा ब्यु, देव ! क्षमा क्षमा ! जि थत्थे थनं पिहाँ पने ।

**बिम्बिसार-** गन ? गन बनेगु ?

**संजीव-** गन सुं मनू मदु अन ।

**बिम्बिसार-** तर, मनू मदुथाय् पशु जक दइ, पशु !

**संजीव-** अन हे ज्यु । अन हे बने ।

**बिम्बिसार-** संजीव ! छ भ्रमे लानाच्चवन । बरु पशु मदुथाय् मनू जक दुथाय् बने धा । मनूतय्थाय् जक बने दुसा देवपिनिगु थाय् तोता नं बनेमा । बरु ख, मनू मान-बीय गुणं सम्पन्नपि जुइमा !.... संजीव ! जीवन छगू यात्रा ख । यात्राय् थाहाँ-काहाँ जुइ स्वासा गन माली ? परन्तु ध्व यात्राय् थगु प्रयत्नं आपा भति लँ छिका बनेफु । एनं समाजया बल्ह हे थुकी अपो मा । हानं ध्व यात्राया मेगु विशेषता ख समयया अनिश्चितता !

**संजीव-** ( खं त्वाह्नाना ) देव ! उपदेश जित गात । क्षमा ब्यु । जि ध्व ममू पुछले च्वने मखुत, गन ... गन

मनुष्यत्वया पराजय व पशुत्वया विजय जुझु ख ।

बिम्बसार- शुजागु विषम परिस्थिति धैर्य धका यायेमा ।

क्षणिक आवेशं जीवन आत्राया लेंपुइ फनक फहिलेगु  
मचाबले घचा हिता फहिलेथें अपु मजू । दिशा  
परिवर्तन याये न्हो आपालं बिचा यायेमा । यदि  
दिशा परिवर्तने ठीक जूसा साधारण मनू नं छह्य  
असाधारण मनू जुइकु । ठीक मजूसा जीवनभर  
खवयां नं मुत्ता दइमखु । जिं धायेमागु धाये हे धुन ।  
जिह्य तथागत नं ला 'तुम्हे हि किच्चं कातबं  
अक्खातारा तथागत' धयाविजयाइह्य ख ।

संजीव- देव, गात । जित क्षमा छक धा !!

बिम्बसार- हापां छ गुगु उयाया निंति वयागु ख व ज्या  
निं या ।

संजीव- देव ! जि ला क्षमा फवनेत धयाद्वा ख ।

बिम्बसार- क्षमा फवनेगु आवश्यकता हे छु दु ?

संजीव- न्ह्यागुसां जित क्षमा व्यु ! अजे जि वने ।

बिम्बसार- ध्व हिचा ले ?

संजीव- जिगु मखु आम !

बिम्बसार- ठीक ! तर छं ज्वनावगु ला ख । उकि ध्व छंगु  
ख । का, लाफ पीगु मखुला ? का प्यु ।

( लं त्वया गोतुली )

संजीव- ( भति विचा याना ) हति सा देव !

( बिम्बसार शस्त्र बी )

बिम्बसार- ( मिला तिस्सिना ) का, क्षंनिसें पीसां प्यु,

च्वनिसें पीसां प्यु ।

( संजीवं शस्त्र कया छक व्यथीक स्वइ, घले थगु छातिइ सुइयै-सुइयै बानाच्बनी । अले मिला तिस्सिना छातिइ सुइत तयार जुहगु व बिम्बसारं मिला कना स्वइगु पा लाइ । तर बिम्बसारं मखं वहलं भाव परिवतं याना सम्बोधन याइ )

नापित !

संजीव- ( अथे हे च्वना ) देव .... !

बिम्बसार- देव मखु, मनू धा, मनू । जित देव धायेव मनू सुयात, गुजापित धायेगु ? अजात व वर्षाकारथेंजापि मनू ला ?

( तीजक दना नापितया ल्हा काचाकु ज्बनी । अले शस्त्र लाकी )

छं थव छु यायेत्यनागु ? छु छं थथे यायेवं जि बन्दी जीवनं मुक्त जुइला ? मूर्ख ! जिं मनुष्यत्वया हनन स्वयं थगु ह्लातं जूगु स्वयेफइला ? व नं थगु कारणे । का या— छंत राजाज्ञा गय् प्राप्त जूगु ख अय् या ।

संजीव- देव ! जित आ पशु यायेगु प्रयत्न याये स्थाल ।

बिम्बसार- मनू धा, मनू ! वरु छक जक धा । राजा, महाराज, पिता, देव छुं हे सम्बोधन जित मयल । जिगु जीवनया सारा अनुभाविक व अनुमानित ज्ञानं छक थत 'मनू' धायेकेत थव हृदय उत्सुक जुयाच्वन । राजा, महाराज, देव धका सतूगु न्यन्यं ह्लाय् पं ख्वाँय् जुहृधुक्ल ! 'पिता' शब्द खना ला 'घृणा' हे जुहृधुक्ल । अऽदाता धयागु प्रशंसाया शब्द नं वैभव-

यात धागु धका थौं जिं बांका क थुल । उकि मनू धा ।  
केवल छक जक धा । छक जक ।

**संजीव- मनू !**

**बिन्द्वसार- षस् !** आ जित छुं म्वाल । मनू जुया मनू  
धायेका सिनावनेगु सिचाय मेगु छुं संसारे मदु,  
नापित संजीव !

**संजीव- नापित ?**

**बिन्द्वसार-** अँ, छ नं मनू ! मनू !! छंत सुनानं पशु यायेत  
स्वयेवं पशु जुइ मखु । पशु ला थथम्हं जुइगु । छु  
यायेत छ थम वयागु ख व या । मखुसा छथेंज्याहा  
मनू पासायात विशाचत्वं दण्ड बीगु, हनन याइगु जिं  
स्वयेफइ मखु । जि ला अथे नं बन्दी, थथे नं बन्दी !  
थव जेले च्वना बाह्सी-बाह्स्मा गुलि जुयाच्वनेगु ?  
थवयासिकं ला मृत्यु हे सुखकर ख । हानं छन्हु न्हापा,  
छन्हु लिपा सीत्यह्न नं ख । कौ, छु धयाह्गु ख या ।  
लाफ प्यु !

**संजीव-** क्षमा ब्यु । पशुत्वया प्रेरणां दैत्यया ख्वापालं पुया  
देवत्वया हत्या जूगु स्वये मफु ।

**बिन्द्वसार-** छाय् आपा हालाच्वनेगु ! सुम्क छंत छु ज्या  
यायेत आज्ञा वियाह्गु ख याना माथाय् हुँ । चाहे  
मनू पुचलं धाक वया प्यपां चूपिनापं जंगलं-जंगलं  
चाह्य् हुँ, चाहे जिह्वा ज्ञानदाता भगवान बुद्धया शरणे  
चना थगु मनुष्यत्वया उत्कर्ष या, बहुजम हिताय व  
सुखायया ज्याय् सदस्य जूहुँ ।

**संजीव-** जित क्षमा ब्यु, अले जि तुरन्त वने ।

**ब्रिम्बिसार-** न्हाप्तां छं यायेमागु या अले हुँ, जिं पने मखु ।

मखुसा अजातशत्रुं छंत छु याइ स्यूला ?

**संजीव-** बांलाक स्यू ।

**ब्रिम्बिसार-** लासा छं बांलाक मस्यूनि जुइ ! अजातं छु

याइ स्यूला ?.... अबुयात ला थुजागु कर्म यायेत

लिमसवझगु हृदयं छंत छु जक मयाइ ?.... हानं छं

मस्यू जुइ, सीकाति— बांलाक सीकाति । गुद्धसिनं

थगु स्वार्थ पूर्ति याना मविक्ष वया प्रति पिहाँ वझगु

तं मेमेग कारणं पिहाँ वझगु तं स्वया साप कठोर व

अविवेकपूर्ण जुइ, थुल्ला ? अले जि व फुक्क स्वया-

च्चनेगु ? भ्यनाच्चनेगु ? का, म्वागु विचार याये भते ।

याक्कनं लाफ पिया हुँ ।

( संजीव दना बिसिवनेत स्वइ । ब्रिम्बिसारं उबनी )

**ब्रिम्बिसार-** बिसिवनेत्यनागु ला ? थगु विषं निह्न मनू फुके

मते ! मनू साप थिकये, ध्यबां न्यायेगु मढु । न छ

बचयेजुइ, न जी ! जि ला स्व ... छ बनेवं ह्वे ( ल्हाते

च्चंगु शस्त्र क्यना ) छव शस्त्रया पर्दी तया, प्राण पपू

ड्ययेका छयासिकं ह्लापालाक बने ।

**संजीव-** आम अन्याय ख । जित बियाहगु प्रेरणा हे थुक्कि

कठोर व अन्याय मजू ।

**ब्रिम्बिसार-** ( ह्लारारारा न्हिला ) अहाहाहा ! लाफ पीगु,

मलभता— चि हाहा यायेगु हत्या यायेगु प्रेरणा

स्वया नं— आत्महत्या स्वया नं— कठोर व अन्याय

मजू ? छं छु स्यू ? हत्याया कामना स्वया नं नीचगु

कामनां जक थव दरेङ्ग बी ।

**संजीव-** लाफ पीगु आङ्गा जित प्राप्त मजू ।

**बिर्मिक्सार-** फटाहा ! छाय् म्वासां—म्वासां मखुगु खँ हाय् गु ?

**संजीव-** जि मखुगु खँ महाना ।

**बिर्मिक्सार-** अले थ्व खोचा तरकारी तायेत, थ्व चि नं उकी हे तयेत बियाहगु जुइ का मखा ?

**संजीव-** मखु ! केवल पालित चिरयेयाना.... .... .... ।

**बिर्मिक्सार-** ( पलत बिचा याना ) अँ, थुल ! पालि चिरयेयाना मलभता—चि हाहायायेगु ला ? जिगु चंक्रमण खना, जि इधूथिधू जुया नये पित्यागु तंकाच्चंगु, मने भतिचा अशान्ति कम यानाच्चंगु खना इष्ट्या जुल का मखुला ? आसे, गाङ्क छक निं इधूथिधू जुइ ।

( भचा चलाख उखें थुखे, थुखें उखे इधूथिधू जुइ )

( दिना ) नापित ? जित थ्व हे छगू जक अपशोच दु कि जिथगु जीवनया लक्ष्य प्राप्त याये मफुनि । तथागतं कनाबिज्यार्थे राग, द्रेष, मोह मदयेका, थ्व हृदये संकीर्णता मदयेका, नैतिक उन्नतिया चरम सीमा अर्यंका जि अर्हत यदवि प्राप्त याये मफुनि । थ्व हे छगू दुःख दु । एनं वा चिरयेया !... का !

( फेनुना तुति झोलंकाबी । शस्त्र जवंका थम्हं वधागु ह्ला जवना चिरये यायेत सनी । तर नापित ह्ला लिसालाकाइ )

का, का चिरयेया !

( संजीव स्ववि सोसो बयेकी )

छवयागु ला ? तुग मद्धिसा छवबिया गां मिखा

**तोपुया हे सही, तर चिरयेया ।**

( संजीवं तीसकं चिरयेयाइ । चिरयेयालिसे हि पिहां वइ । बिम्बसारं मिखा तिस्सिना वाकुछिना सहयाइ । एनं स्वब्रि पिहां हे वइ । बिच्चे, बिच्चे 'या, या' धयांच्चनी )

**का चिरयेया थुखे नं....**

( मेगु तुति झोलंकाबी । उखे नं चिरयेयाइ )

**आ चि— मलभता हाहायायेगु मखा ?**

( चि मलभता पो काइ । संजीव वाथाइथ दना स्वस्वं वनी )

**अहाहा ! थव हे का हुकुमशाही व साम्राज्यधाद्या सजीव चित्र । आझा हे थव देशया निंदि फुक ! व हे सर्वेसर्वा ! ( छकलं भाव परिवर्तन वाना ) अहा ! थव नौ जक जिह्वा काय् जूसां ... थव राज्यया संचालक जूगु जूसां !! थव हे जक जिह्वा काय् जूगु जूसां !**

( स चिस्स जुयावनी )

**काय् जूगु जूसां ! जिह्वा काय् जूगु ..**

( भाराङ्क गोतुली )

Dhamma Digital  
—:—

❀ ४ ❀

( छगू जंगल । सिमा व सिमा ह सिवे छुं मदु । रत्नपाल छमा सिमा क्वे भवाताहाँ दनाच्चनी । वयागु रवा साप व्यूँ । वस्त्र

[ ६७ ]

व हे राष्ट्रिय उत्सवयागु तुं । तर लोंशाये धुङ्कल, कय्क्य  
कुनेथुङ्कल । घोपलख प्रथे च्वना 'भसुका छक तमा पुतुहुँ  
फेनुइ । पुलिइ ह्ला दिका ह्लाते न छ्यों दिकाच्वनी । अबले  
हे बुन्हा वइ । बृद्धयाके छुं विशेष परिवर्तन मदु । वयागु  
ल्हाते तुतां छु दु । दान्हि व से ताहाक जुइधुङ्कल )

## बृद्ध- मचा ! ए मचा !!

( रत्नपालं यस्वइ । मिळाय् दंक स्ववि । बृद्धं छ्यों ज्वना  
ल्हानी । अले ख्ववि न्यताले सोसो वइ )

मचा ! आम ख्ववि गथे ? गज्यागु नुग घालं पिहाँ  
वगु व ? छंगु हृदयया इच्छायात गज्यागु परि-  
स्थितिया पखालं कुना थन बिस्युवयागु ? धा मचा,  
छंगु विचारं फये मफयेक, हृदयं सहयाये मफयेक,  
मिखां स्वये मफयेक छु जुल ?

( रत्नं छु धाइ मखु । भो तुं सुइ । बृद्ध पलख झुलयेजुइ )

मनुष्यया जीवन नं धारें हे का ! जिं थौंतक मतिइ  
तयाच्वना दुःख बुहा जुइव जक प्वचिक, ज्वनांज्वने  
मफयेक छ्योंले दिउवड्हु धका । तर थष मचां क्यन  
मचातय्सं नं दुःखया ततधंगु हे पा फयेमा खनी ।  
ठीक ख, मनूया चित्र वैचित्र मनोबृत्तिइ नानारंग,  
नानाघटना नं खने हे दयाच्वनीगु ख ! हानं थुजागु  
वैइनाया समये छु धायेफइ ? मं जक दुःख जुइ !  
ह्लानाह्लाना च्यानाच्वंगु मिइ ल भचा लुइथे मखा !  
अत्यधिक हृदय व्यथित जुयाच्वनीबले छपुति सहानु-  
भूति !.... मनू धयाह्ला नं विचित्र हे खनी ! गबले

हिले भते धासां हिली, गबले रुवये मखु धासां रुवये  
हे मालीगु !

( ल्हा ज्वना साली । तर रत्नपालं ल्हा लिसालाकाइ )  
गजबह्न हे मचा खनी !

( ल्हा ज्वनी )

नुँ, मचा ! रुव जंगल ख । थन रुवयां सुनां ह्यायेकवइ ?  
( रत्नपालं ल्हा लिसाली )

बडा गजब ! रुव सिमाक्वे नं अजुगति घटना जू  
का ! उखुनु नं थन छह्न मचा वासयां जागी छ्वांच्वां-  
जुल । व बंगु गुलि दयेधुक्ल एनं वयागु व रुवा जिगु  
मिखाय् आतकं लूनि । वयाके छुं मदुर्थे चवं ? वयागु  
मिखा सुयागुं प्रतीक्षाय् तुंका ह्याउँकाच्वनेमालीर्थे  
च्वला ? वयागु व तेजपूर्ण, स्तिरध, कोमल, आकर्षक  
छ्वाले हिलाया पल्पसा त्वयेगु थासे निराशाया सुपौय्  
जक वया रुव्यूंसे च्वनाच्वनेगु बांला ला ? वया व  
सुगठित शरीर रुव जंगलंजंगलं जुइत ल्वला ? धा:,  
छु धयाच्वंगु जिं ! ल्वमंकाच्छ व अम्बपाली नं !  
( रत्नपाले स्वया ) नुँ, मचा ! जीवने न्हिलेगु व  
रुवयेगु वया हे च्वनी ! सुख-दुःखया मायका-तिका  
समयया हातां साला फीगु दुखापिखा थाइ । याकचां  
छं हे जक दुःख सियागु ला व ? जित स्व, जि नं  
ला थम्हं हे निर्माण यानागु सुखद कल्पनाया महलं  
थ तुं कुतुवया दुघा जुइका थन वया च्वैया । दँ  
मचा, दँ !

( बृद्ध रत्नपालया ल्हा ज्वना साली । रत्नपाल मंमदुगु रूप  
सनी । श्रेष्ठ बृद्ध दिक्क चागु रूप धाइ )

ठीक, नहापायापिसं मखुगु खँ गथे धयावनी ? मानये-  
याज्ञिसे जोजोखायेगु व ह्ययेकूलिसे रुवयेगु मनूया  
षानि हे खनी ! ( तसके ) तर बाबु ! थन छंत ह्ययेक-  
वइपि मेपि सुं मदु !

( स्हा ज्वना साली )

रत्नपाल- तोतादिसँ !

हुच्छ- तोतादिसँ ! .... मचा ! संसारे सुनानं ड्वँब्हगु हे  
मयल लाकी ? तर मचा, जिं छंत छुं याये मखु। जिं  
छंत ज्वना कामना तोतकेबी। छायूधासा, कामनाया  
छुं थागा मदु। अनन्तया कल्पनाय् व चिकीमागु  
पंमां सर्ग ह्वखनेगु कल्पनाय् छुं पा ? मचा ! छं  
कल्पना या, इच्छा या, तर थगु सामर्थ्यनापं लना नं  
स्वयेमा। ध्यनां तज्याइगु कल्पना धयागु स्थूला मचा ?

( रत्नपालया छधों ल्हवना धस्वाकी )

हानं सलिंचां कौं तछ्यायेगु विनार मूर्खता ख।  
समय साप थिकय्, यौवन ला मन हे थिकय्। नुँ,  
जंगले च्वना रुवयेगु मखु !

( रत्नपालया ल्हा ज्वना सालायंकी। रत्नपाल मवनेत स्वइ )

छिछ्रीः ! नुँ, अपो जुइ मते ! छं मजीबले सुं वह  
मखु। छं छेँ मदयेव थव विशाल पृथ्वी नं परदेशर्थे  
जुइ। विना प्रत्याशां छंत छु याइ ? अले जि नं....  
नुँनुँ ! थन ला मं सुं मदु। सिमाया किच, मरनाया  
ल, थव महिक हुईहुई वयाच्चवंगु फय्, थव विहग  
कलरवं छंत सहानुभूति क्यैंवह मखु। नुँ, भतिचा

उखे जिगु पर्णकुटी दु, अन हे पलख बिश्राम या ।  
( वृद्धं साला यंकी । रत्नपाल वनी )

—: ० :—

### ❀ ५ ❀

( व हे अम्बपालीयागु गां । व डे अम्बपालीयागु छे । छेया  
व हे कोठा । कोथाय् अम्बपालीया अजि थुसुयुसु मुसु  
तयाच्वनी )

बुऱ्ही- ( मुसु तं ) अलछिन मुसु ! थपाय् संकं फिनांकी  
मफयेक नं वये धयागु दुला ?

( हानं मुसु तइ )

कायल हे यात, कायल हे ध्व मुसुं ! मं मफयावल,  
मंसं सने थाकुयावल । मं नये मफयावल । मं हालेगु  
सामर्थ्य मदयावल । थुजावले हे लाक चिचिपापा  
याना मायां लहिनातयाह्व छ्रयमच ! छ्रह्व नं ल्यायद्वा  
लिना जित तोतावन । व रत्नपालं ला मसिल धाये  
का ! अम्मी, छं ला स्यु छं जि सु ख, जि छ सु ख ।  
छंत ला छंत अवश्य ध्व पापया फल क्यनीतिनि, ध्व  
मुहीया नुग हाँय् हाँय् खवयेकावंगु !

( बन्धुमतीया प्रवेश )

वा बन्धुमती, वा । ल मंत धका मतिइ जक तया-  
च्चनागु, छ थ्यंकवल । छु याये, जि याना छंत नापं  
दुःख ! थपाय् सकं संकष्ट जुल, दुःख जुल, पीडा जुल,  
एनं सी मफुह्न पापी बुही !

**बन्धुमति-** अजि, छाय् अजागु म्वामदुगु मतिइ लुइका-  
च्चनेगु ? अम्मी लुमंका छु थौं नं खवयाच्चना ला ?

**बुद्धी-** बन्धो ! मरुवया मैं, मरुवया । खवयां छु याये ? बरु  
लोमंके धासां लोमंकाव्ये मफु । बरोबर लुमना-  
वद्दगु ! लुमंके मरु धासां गय् लोमंकेफइ ? थह्न  
मिजं मंत, हानं गुलिचां मदुवं दतंकतंद्वा याकचाह्न  
म्हाय् मंत । अनं लिपा हानं म्हाय् या भात मंत ।  
एनं फुक दुःख अम्मीया खवा स्वया लोमंकाच्चना ।  
थौं व हे छ्यूनं तोतावन । मस्यु वया दुःख ला, सुख  
ला ! जिह्न अम्मी गबले दुःखया पंजाय् मलानिह्न !

( मुसु तइ )

**बन्धुमति-** आ व छंत नुग हिका बंह्न हे छाय् लुमंका-  
च्चना ? अम्मीया पलेसा जि हे अम्मी धका भाषि-  
रे ।

**बुद्धी-** ( मुसु ततं ) अय् हे ला ख नि ! आ छ हे ला छ्यू  
ख नि । छ मदुसा जि गथे याना ल कयाह्ये !  
धात्यें बन्धो ! जि रत्नपालनाप छंत हे बिबाह  
यानाबी धका धयागु । जि स्यू छं रत्नपालयाके प्रेम  
दु । तर छु याये, आ जि छुं याये मफुत । छंत छुं  
यानाबी मफुत । जित अम्मी नं, छ नं उत्थें ख । जि  
झगसे हे.... ।

**बन्धुमति-** (खेत्वाल्हाना) अम नं व हे लुमंकाच्चवनतिनि !

**चुट्टी-** ( मुसु ततं ) लोमंके धासां मज्यू , बन्धो ! लोमंका च्चने, च्चने, च्चने तर गबले मिसी, सास हे फुक्क पूसां च्याइ मखु, अबले व हे मचा मस्स लुमनावइगु ! गबले ( पतासि क्यना ) थव पतासि गनं गूगु सुयाच्चने, मुलुकाँय् तियांती मफयाच्चनो, अबले व हे मचा लुमनावइगु ! गबले गनंगिनं काचाक्क छुं ब्बाँय् कायेके बीके ब्बायेमाली अबले व हे मचा मिखाया न्ह्योने तुगलुक्क च्चवइगु !

**बन्धुमति-** आ व फुक्क लुमंकां छु याये ? छुं यायेमालेवं जित छक सतेव ला गा हे गा नि ।

**चुट्टी-** छु याये ला छु याये हे मखा ! एनं थव पापी मन गन मानयेजुइ ? न्ह्याये धासां व छपा दैमाय् नकातयाद्दा, छपा लासाय् थ्यनातयाद्दा छय् मचा ! वं लोमंकूसां जिं गय् लोमंकेफइ ? ( पलस दिना ) बन्धुमती ! हापा अय् खुरुक्क बने धयागु मदु ! आ जक थव दयावल । हानं बने धाइबले मांबौनं पना नं मत । थव का गणतन्त्र धयागु ! .... हापा वंथवं मस्सीक सुइपिला ज्या यायेगु चलन नं मदु । थुजागु मदुतले परस्परे सन्देह, थवंथवे जलन, आपस्ते इर्ह्या दइ मखु ! गबले परस्परे मैत्री, प्रे म, दया मंत अन देश गबले उन्नति जुइ मखु !.... मूर्ख मचा, छंत बने हे धासा सुनां पनौ ?

**बन्धुमति-** आ न्ह्यागुसां लोमंकाब्बछ । लैंयात गा लैंनं हे महुइ । उखुनु उत्सवे जिनिम्हं नादं खना । लिपा

गन वं, गन वं ! अँ, उखुनु रत्नप्रभां ला रत्नपालथे  
चवंह्वा वेँ छ्वा खना धका धयाच्चरंगु !

**बुद्धी-** रत्नपाल वेँ जुल ? छुया वेँ जुइ ? सर्वाङ्ग भूठ !  
रत्नपाल ला अम्मीनार्प गनं नगरे चवंच्वन जुइ का,  
ष छुया वेँ जुइ ! ... बन्धुमती ! ठीक हे जुल !  
मखुसा छंत लाइगु !

**बन्धुमति-** ( खे त्वाल्हाना खेया बिषय हीकेगु प्रयत्न याना ) अले  
उत्सवे दु नि, न्हूझ राजनर्तकी ल्ययेगु खैं गणपति  
न्यंकूगु ! भीसं छुं मस्यू ! देँय छक शहरे बनीपि ..।

**बुद्धी-** ( खैं त्वाल्हाना तुं ) धात्थे, बन्धो ! जिमि अम्मी नं  
राजनर्तकीया न्होने तसां छुं कम जुइ मखु ! राजन-  
र्तकी सर्वश्रेष्ठ सुम्दरी पदया अधिकारी धासां ज्यू !  
तर आ छु याये, अभागी मचा ! जिं हे मसीक  
थौंतक वेपत्ता जुयाच्चन ! लचिंछ मयाये धुंकल, छुं  
छगू खबर बगु मखु ! आख निग ला बियाह्ये  
ज्यूला ?

**बन्धुमति-** मस्यु गय ख, छु ख !

**बुद्धी-** गय छु जुइ ! रत्न वेँ जुल धका सुनां धाल ? रत्न  
वेँ जूसा ला अम्मी सरासर जिथाय वह !

**बन्धुमति-** आ वयेछासा वह !

( बनेत दनी )

**बुद्धी-** छाय् ? गन घमेगु ?

**बन्धुमति-** का, जि थौं.... .... .... वनेगु ! मासा खवया-  
च्च ! अम्बपाली वह मखुत, वयात लुमंकेगु व्यर्थ !

**चुट्टी-** छाय् मधइ ? अवश्य थइ । जिमि अम्मी अज्याह्न  
मखु । बयाके ज्ञान दु, विवेक दु, बुद्धि दु । थव फुक्क  
दोष रत्नपालयागु । आसे रे आसे, व रत्नपाल नाप  
जक लाके ! धात्थैं नं जिं प्रवेणी-पुस्तक हे पियाच्चवने  
मखु, मागु दण्ड बी । थव बुन्हीया नुग खवयेकूगु !  
थव बुन्हीया नुग खवयेकूगु !

( रंगमंच “बन्धुमति”, “बन्धो” धयागु मिसाम्हेसिगु स थइ ।  
बन्धुमती प्रस्थानया निंति तथार जुइ )

**बन्धुमति-** ( बुहीपाले स्वया ) माँ वल ।

( बनेत पला छी । तर छबुइक देवदासयात लुखाय् तु  
नाप लाइ )

**देवदास-** ( बुहीयात प्रणाम याना ) थत्र अम्बपालीयागु छेँ  
खला ?

**चुट्टी-** ( उसुक भावं ) ख, छाय् ?

( च्वनिसे॒ कवथयंक देवदासयात स्वइ । बन्धुमतीया पना दी )

**देवदास-** जि वैशालीं वयागु । राजनर्तकी बछयाह्नगु ।

**चुट्टी-** वैशाली ? राजनर्तकीचा थासं ?

( बन्धुमती हानं लिहाँ वइ )

**देवदास-** अँ ।

**चुट्टी-** जिझ अम्मी अन दुला ?

**देवदास-** अम्मी हे आ राजनर्तकी अम्बपाली जुझ ।

**चुट्टी-** ( प्राचर्य चाचा ) जिझ अम्मी हे आ राजनर्तकी  
अम्बपाली जुझ ! जिझ अम्मी राजनर्तकी जुल !  
वैशालीया राजनर्तकी जुल !

देवदास- ध्व हे .... ।

बन्धुमति- ( खेत्वालहाना ) राजनर्तकी जुल !

देवदास- ध्व हे खबर बीत व थनया समाचार कायेत जि  
थन वयागु ।

बुङ्ही- क्ष सु ? छंगु नां छु ? क्ष हुलयेयावयागु ला मखुला ?

देवदास- जि बैशालीया विनिश्चय महामात्य पुत्र देवदास !

बन्धुमति- देवदास ! धात्थें अम्बपाली राजनर्तकी जुल  
गबले ?

( दुनें मिसाम्हेसिगु “ बन्धो ! ए बन्धो !! ” धका सत्गु स  
वइ )

गबले जूगु ?

( दुने हानं स वइ— “ बन्धो, लिबात ! ए बन्धो ! ”  
बन्धुमती उखेपाले स्वया धाइ )

बलडवल मां !

बुङ्ही- देवदास ! धात्थें जिमि अम्मी गबले राजनर्तकी जुल ?

( दुनें ‘ बन्धो लिबात, ए बन्धो ’ धयागु स वइ )

देवदास- ( दुनें स वयाच्चंपाले छक स्वया ) थनि ठौक स्ववा  
दत ।

बन्धुमति- } ( पालाक ) स्ववा दत ?

बुङ्ही- } ( दुने ‘ बन्धो, ए बन्धो ’ धयागु स वइ )

बन्धुमति- थन सक्षयातं म्हंफु । छं अनयागु फुक समा-  
चार निं कँ ।

( दुने- “ ए बन्धो, लिबात वा ” )

बल, बल नुँ !

( बनेत्यनी )

देवदास- गन ?

बन्धुमति- थौं पाजुपिथाय् बनेमानि !

बुज्छी- देवदास ! आराम नि या, अले खँ कँ ।

देवदास- मखु, जि थौं हे थनं प्रस्थान यायेमानि ।

बुज्छी- } ( पालाक ) थौं हे ?  
बन्धुमति- }

देवदास- अँ, थौं हे, आ थत्थे हे !

बुज्छी- } ( नापनापं तु ) आ थत्थे हे !!  
बन्धुमति- }

बुज्छी- ( वना देवदासया लहा जवना ) आ थत्थे ला धात्थे नं  
बछये मखु ! धात्थे बछये मखु !

( बन्धुमति न लहा जवनी । निह्यसिनं नापं भाइ )

धात्थे नं बछये मखु !! धात्थे नं बछये मखु !!!



## धा-३

✿ १ ✿

( वैशाली । राजनर्तकीया मनोहर उद्यान । उखेंथुखें स्वांमाय्  
स्वां ह्याच्चंगु दु । भति उखे आराम गृह । शुखे लिङ्कसं लैंह  
छग । अम्बपाली धौय्या रुय्यले सिथे च्चना स्वां त्वलहैं त्वलहैं  
स्वयाच्चनी । गबलें गम्भीर जूसा, गबलें मुसुहुँ निहली, छथों  
सकी । दनावना स्वः छको धवइ )

**अम्बपाली-** छु धवया, धव स्वांया नं उत्सर्गया आवश्यकता  
दुला ? छु धवया नं सौन्दर्य व सुगन्ध व्यक्तिगत  
स्वार्थपाखें फहीका व्ययेमाला ? अथवा स्वाभाविक  
ढंग हे विकाश जुयावंवना रसपानया अधिकार  
भ्रमरयात बिल ?

( नन्दवतीया प्रवेश )

**अम्बपाली-** ( लिफ स्वया ) छाय् ?

**नन्दवती-** भोजनया समय जूगुलि सूचित यावयागु ।

**अम्बपाली-** भोजन ? नकतिनि हे ला फल--मूल नया धव  
उद्यानया भ्रमण यावषा । न धव स्वांया सुगन्धपान  
याये हे गात, न धव छगू हे चा व लखं विभिन्न  
प्रकार व आकाशया रंगया स्वां ह्याच्चंगु वैचित्र्य  
रहस्यया अध्यवन व दर्शन हे सम्पन्न जुल । पलख  
आसे... हुँ, जि वये ।

[ ७८ ]

( नन्दवतीया प्रस्थान )

अस्त्वप्राली- संसारया कर्तव्य पालन सिवाय छुँ हे ज्या  
महुथें चवं ! परिचारिकापि स्व, न्हाबले ग्याग्यां बिन्ति  
जक याजुइत पायःलि ! तर कर्तव्यया सम्बन्धे सुया  
गुजागु गुलि कर्तव्य ख थव धका जिं निर्णय याये  
मफया चवंगु ! राजनर्तकीया खॅ जिं राजनर्तकी व  
सर्वश्रेष्ठ सुन्दरी-पद स्वीकार यायेगु हे लिगु यौवन व  
सौन्दर्यया कर्तव्य ख ! जिं नं श्व खॅ तकै ला अस्तीकार  
याये मफु, तर श्व हृदयं स्वीकार मया ! थौं राज-  
नर्तकी जुइधुंका नं अन्तर विचार क्रान्ति जुया हे  
चवन ।

( फहिलावया मेगु स्वांमापाले स्वयाच्चनी । आकाशे च्वे छक  
थस्वइ । अले फेनुइ )

मानसिक दुर्बलतां श्व हृदये कम्पन हयाच्चन । वियोग  
विहया बुलुगु सुपाँय् समये-समये मुना अश्रु वर्षा  
यायेत सनी । ख ला श्व परिस्थिति नाप संघर्ष  
यायेगु सित्राय छुँ मेगु उपाय मंत । तर गन ज्यू !  
प्यखै सुखीपि, स्वच्छन्दं हास यानाच्चंपि । अले जि  
हे जक थथे वियोग व्यथाया पहाड छयोंले तया  
न्ह्योने पला छीत थाकुइबले श्व हृदय अव्यवस्थित  
जुइगु । अभ थन थुजागु समये भावनाया सहचरी  
सुं मदु । गोन्हु दत, सुं चिर परिचितया ऊषा मखंगु,  
पूर्व परिचित स न्हाय्-पनं मतागु ।

( यशोवतीषा प्रवेश )

छाय् ?

[ ७६ ]

**यशोवती-** विनिश्चय महामात्यया काय् धर्यंकमाल ।

**अस्वप्नाली-** धर्यंकवलाला ? तुरन्त छ्याहति हुँ ।

( समर्थन स्वरूप छ्यों कष्टुका यशोवतीया प्रस्थान )

**अस्वप्नाली-** मस्यु, कुशल समाचार ज्वनावल ला अकुशल  
समाचार ! स्वये छु खँ ज्वनावल ! ध्व न्हाय्पनं छु  
न्यने दइगु ख !

( महामात्य पुत्र देवदासया प्रवेश । वया व है वस गुगु वस  
पुना अस्वप्नालीया छ्ये वनावगु ख )

**अस्वप्नाली-** कुमार देवदास ! याकनं धर्यंकवगुली अनेक  
धन्यवाद । समाचार छु दु ?

**देवदास-** समाचार फुक्कं ठीक है जू ।

**अस्वप्नाली-** थुलि है ला ? ( निहला ) पूर्वक कँ रे—अजिया  
हाल छु दु, अजि गय् च्चवंच्चवन, बन्धुमतीया छु  
यानाच्चवन, जित वं छुछु धाल, रत्नपालया छु याना-  
च्चवन—फुक्क कँ रे !

**देवदास-** बन्धुमति पिहाँ वयेत्यंगु है लुखाय् धोटुक नाप  
लात । अजियागु फुक्क सुसाकुसा ज्या बन्धुमतीं याना-  
च्चवन । न्हापां छिगु समाचार न्यंकावले ला पत्या है  
मजू । लिपा बल्ल पत्या जुल । साप खुशी जुल, थत  
भाग्यवती भापल । वयेत्यनावले धाल—“जिमि  
अम्मी सुखी जूसा जि सुखी जुझ !”

( अस्वप्नालीया मिखाय् स्वबि जाया वइ )

जि....

( खबि वयेक्षगु खना दी )

अस्त्रपाली- ( स्ववि हुया ) धा, धा ।

देवदास- गय् धायेगु ?

अस्त्रपाली- छाय् ? जि छवया ला ? ... अले बन्धुमती ?

देवदास- बन्धुमती जि बनाबले पाजुपिथाय् बनेत ठीक  
जुयाच्चंगु !

अस्त्रपाली- अले रत्नपाल ?

देवदास- रत्नपालया खँ न्हाथनाबले अजि गजब चाल ।  
रत्नपालया अत्तापत्ता है मदु है !

अस्त्रपाली- अत्तापत्ता है मदु ? देवदास ! अयसा भचा  
आराम या । अले मागु खँ हाये । यशो ! ओ यशो !  
नन्दा ! नन्दवती !.... ओ यशो ! यशो !!

( नन्दवतीया हतरपतरं प्रवेश )

हुँ, बना देवदासया निंति नयेगु जोरयेया । आगन्तुक  
गृहे यंका आराम ब्यु ।

( नन्दवतीं समर्थन रूपे छधों कबूकी । अले देवदासयात  
स्वइ । देवदासया अस्त्रपालीपाले छक स्वया प्रस्थान । अः-ब-  
पाली पलख भुलये जुयाच्चनी । अले तहाकयेक भसुका छक  
तइ )

—ः ♪ : —

❀ २ ❀

( जनपदया लै । निह्य नागरिकत खँ ह्लाह्लां वयाच्चनी )

[ ८१ ]

**न्नागरिक १-** धात्थें थुगुसी राजनर्तकी पद छह्या प्रामीण  
बालिकाथात प्राप्त जुल !

**न्नागरिक २-** थुकी छु आश्र्य ? फीगु राष्ट्रिय विधाने  
प्रामीणे व नगरवासीइ छु अन्तर दु ?

**न्नागरिक ३-** एनं ! प्रायः सौन्दर्य व यौवने नगरयापि  
विजयी जुझु !

**न्नागरिक ४-** थुकी छुं नियम दुला ? श्व हे आश्र्य जूसा  
मेमेगु आश्र्य-महाआश्र्य खेयात छु धायेगु ?  
सिद्धार्थ थगु राज्य सोता बन, राज्य ! कला व कायूया  
मायां त्याग यामाबन। थौकन्है ला बुद्ध जुबा प्रचार  
कार्ये ब्यस्त जुयाच्चवन। अजातशत्रुं उखुनुतिर्नि राज्य-  
या लागी थ अबु मगध सम्राटयात जेले तल, अन्ते  
अबुद्ध जेले हे सि नं सित।

( तापाकं रत्नपाल वयाच्चंगु खनेदइ। छ्यों व स्हा संका  
वयाच्चवनी )

**न्नागरिक ५-** हुं वह्न सु ? वें थें च्चं !

**न्नागरिक ६-** वें ? वें वैशाली गणराज्ये गन दह ? वें,  
लुच्चा, खुँ, बद्माशात थथे खनेदयेकवसा श्व गणराज्य  
नं ला मगध हे जुल नि !

( रत्नपाल न्होने ध्यंकबइ। न्हिली )

**न्नागरिक ७-** स्व, व वें मखुसा सु ले ?

( रत्नपाल लिङ्क ध्यनी )

**न्नागरिक ८-** छ सु हाँ ?

**रत्नपाल-** जि ? जि.... अ.... हाहाहा ! जित आ नं सु

धावपि दनि का ! अहाहाहाहा !

नागरिक १- ( मिहाहा नागरिकयात स्वया ) गय् चं जिं  
धयागु ?

रत्नपाल- छु गय् चं ? जिगु लं ला ? अहाहाहाहा ! छु  
गय् चं ? जिमि राजनर्तकी गय् चं ?

नागरिक २- वैँ !

रत्नपाल- जि वैँ ? वैँ ? अहाहाहाहा !

नागरिक २- धयात पागलखानाय् तयेयंकेमाल का ।

रत्नपाल- जित ? जित ? राजनर्तकी अम्बपालीया  
प्रियतमयात पागलखानाय् ?

नागरिक २- सु राजनर्तकी ?

रत्नपाल- सु ! उलि नं मस्यूला ? वैशालीया राजनर्तकी--  
जिह्वा प्रेमिका ।

नागरिक १-- छ पूरा वैँ खनी !

रत्नपाल- जि वैँ ? जि वैँ मखु सिलला ?

नागरिक २-- धात्थे धयात पागलखानाय् तयेयंकेमाल ।  
राजनर्तकी स्यूसा !

रत्नपाल-- राजनर्तकी स्यूसा ! छक सीकाब्यु रे । बिन्ति  
धाये, सत्य बिन्ति धाये ।

नागरिक १-- धात्थे राजनर्तकी स्यूसा !

रत्नपाल-- सीकाब्यु, सीकाब्यु ! स्यूसा छु, जित नाप्पं  
ब्बनायंकी का, नाप्पं !

नागरिक २-- बा, बा !

( पासाम्हेसित साली । व वनी मखु । रत्नपाल इतिइति  
न्हिली )

**नागरिक १--** छ नागरिक अधिकारं च्यूतम्भ ख । उकिं छ्रंत  
थन विचरण यायेगु अधिकार मदु । पागलखाना हे  
छंगु क्षेँ ख, छ च्वनेगु थाय् ख ।

**रत्नपाल--** जि ? हाहाहाहाहाहा ! हाहाहाहाहा !!

**नागरिक २--** ( साला ) नुँ, ठानाय् वना धाथेव ला गा हे  
गात नि !-

**रत्नपाल-** (वनेत्यर्पित) अँ, अनं राजनर्तकीया क्षेँ सत्ती ला ?

**नागरिक २--** अन गन राजनर्तकीया क्षेँ ?

**रत्नपाल--** अय्या जि अन छु धका बनेगु ?

**नागरिक ३--** छ वैँ जुया का, वैँ !

**रत्नपाल-** वैँ ! वैँ !! खँकोसिनं जित वैँ धाइगु । प्रिये !  
धाथें जि वैँ हे जुलला ? वैँ हे जुलला ?

( छकलं गम्भीर चेतना वहा यें जुइ । अबले हे छह्य मिसाया  
प्रवेश । व सरासर वनी । व वयेवं रत्नपालं न्ह्यपना वया रुवा  
क्वथीक स्वइ )

दुरुस्त अम्बपालीयें हे ! हाय् व मिखा स्व—भक्षा  
हे मपा ।

( अबले हे निझं नागरिक रत्नपालया न्होने वइ )

**नागरिक ४--** छ्रंत पागलखानाय् हे यंकेगु नुँ ।

( ज्वनी । रत्नपाल सनी )

**नागरिक ५--** स्वाला, छाय् फीसं यंकेगु ! सूचना बीव हे  
ज्वँबइ नि ।

( मिसा दीव रत्नपाल नं दी । हानं मिसा वनी । व नं बनेत पला श्वनी )

- नागरिक १-- ( बनेत्यहसित लप्पु ज्वना ) वैशालीया नागरिक प्रति थव व्यवहार यायेगु अधिकार छंत मदु ।

रत्नपाल- अधिकार मदु ! ( तम ) चूप ! थव हे अधिकारं ला ख जित वैँ यागु !

( मिसाया प्रस्थान )

नागरिक २- छु धया ? हानं छक धा !

( अहम्हा नागरिकया प्रस्थान )

रत्नपाल- ( गिजयेयायेये याना ) छु धया ? हानं छक धा !

नागरिक २- नुँ, छंत पागलखानाय् हे मयंकुसे तोते मखु ।

रत्नपाल- छंत नं मयंकुसे तोते मखु ।

नागरिक २- नुँनुँ !

रत्नपाल-- ( मिला ज्वेपिया स्वइ । ल्हा फुट्कयेमाना ) हुँ रे ! माथाय् हुँ ! ... जि वैँ हैँ ! वैँ अहाहाहाहा । ( भति गम्भीर जुया ) दिलागुलि जित वैँ धाइगु । आ ख्वये-माल ।

( अन तुं पुतुं च्वनी । ख्वा रूयूसे च्वंकी । तर हानं छक वास्याहाँ निहली । अले हानं ख्वा रूयूकाच्वनी । निहम्हा नाग-रिक व निहू सिपाहीया प्रवेश । नागरिकं पचिनं सुया क्यनी । सिपाहीतेसं द्याक्षतं ल्हा ज्वना साली । छथों ल्हङ्का थस्वकी )

रत्नपाल- आइया !.... आइया !.... आइया ! साप स्या, तोति । तोति !.... छ सु ? जित थी मते ।

स्त्रियाही १-- छंत सतवयागु का नुँ ।

रत्नपाल- गन ?

सिपाही २- गन !

रत्नपाल- अं, गन ? जिमि प्रेमिकां सतकेहगु खला ?

सिपाही १ } ( नापनाप ) ख, ख नुँ !  
सिपाही २ }

रत्नपाल- ख धयाला ?

सिपाही १- छं प्रवेणी-पुस्तक ब्वनेधुनला ?

रत्नपाल- प्रवेणी-पुस्तक ? छु यायेत ? मिइ तया ब्द्धयेका-  
ब्द्धये का जिके दुसा !

नागरिक २- राष्ट्रिय विधान प्रति थुलि अपमान ?

सिपाही १- नुँ, याकनं मव धाइ !

नागरिक २- ख, ख नुँ !

रत्नपाल- अन खला ले ?

सिपाही २- नुँ ला नुँ का नु !

( लहा ज्वना थनी )

रत्नपाल- नुँ, अनसा बनै ! का नुँ ! जिध हे धया नि  
जिमि राजनर्तकीं जित छक सतके हइतिनि धका !

( छहाह्य सिपाही व निह्य नागरिकत न्हिलाच्वनी । रत्नपाल  
ब्वना निह्यह्य सिपाहीया प्रस्थान । अले छहा नागरिक चुटकी  
न्यायेका कहिलीं )

- : ० : -

[ ८६ ]

## ✽ ३ ✽

( अजातशत्रुया राजप्राप्ताद । फुक्त श्रमात्यर्पि सहित सम्राट  
अजातशत्रु योग्य आसने केतुनाच्चवत् । वर्षकार अजातशत्रुया  
जबपाले च्छच्छंगु दु । मेपि गुर्लि जवपाले, गुर्लि जबपाले ।  
सकसियां योग्य पोशाक )

**अजातशत्रु-** ( वर्षकारपाले स्वया ) महामात्य वर्षकार !

अम.... अम नं छंगु ख्वा चमकंनि । मगधया महा-  
मात्य गबले छुं खँय् है चिन्तित जुद्धगु मल्व । न्ह्यावले  
सिंहथें धस्वाना, वज्रथें हृदय कठोर बाना बगु  
समस्या समाधान यायेमा । विशेष याना थौं ला कं  
सिंहथें धस्वाना, गर्जयेजुया खै ह्यायेमा ।

( ववद्धुनाच्छंहृ वर्षकार भचा धस्वाइ )

**षस् ? अम मगानि ।**

( वर्षकार बांसाक धस्वाइ )

ह, आमथे च्वनेमा का ! तर, छंगु ख्वा ख्यूनि । छाय्,  
मगधया महामात्य युद्ध खना ग्या लाकी ? अथवा  
युद्ध मन्त्रणाय् है छंत घृणा दु ?

**वर्षकार-** थव खै मखु, महाराज !

**अजातशत्रु-** अले ?

**वर्षकार-** आपा चिन्ता जुल कि खाया रूप थथे है जुइ ।

**अजातशत्रु-** आपा चिन्ता ! अहाहाहा ! मगधया महामात्य  
वर्षकार युद्ध खना थुलि चिन्तित एवं भयभीतह्य

धका जिं मस्यूनि ! छं छक हे युद्ध भूमिइ पला  
मतनि थयागु जक स्यू । थव हे कारणं चिन्ता जूगु  
जुइकु ।.... अमात्यपि !

अम्नाव्यर्पिं- महाराज !

अजातशत्रु- न्यँ मगधया महामन्त्रीयागु खँ । वयात थगु  
मगधया अधिकार व भूमि स्थित बहूमूल्य वस्तु  
बज्जीतेसं लुटयेयागुली उलि ज्ञोभ मदु, गुलि युद्ध  
मन्त्रणाय् भय व चिन्ता ।

वर्षाक्तार- महाराज ! थव खँ मखु ।

अजातशत्रु- अले ?

वर्षाक्तार- जिगु खँ केवल बज्जीत नाप युद्ध यायेत आपालं  
विचा याना पूर्ण शक्ति संचय यायेमा धयागु जक  
ख । बज्जीगणया एकताय विजय प्राप्त यायेत अत्य-  
धिक विचार व चिन्ता यायेमा ।

अजातशत्रु- एसा छु छं मगधया शक्ति वैशाली विजय  
यायेकइ मखु धका च्वनाला ? जिद्ध सैनिकत फुकं  
सिँयापि कताभरिथे जा ?

अम्नाव्य १- मगधया राष्ट्रिय शक्ति नं ला छुं गुगुं राष्ट्रया  
शक्ति स्वया कम मजू ।

अजातशत्रु- श्यावास अमात्य ! श्यावास !!

अम्नाव्य २- जिपि याकनं हे अन्यायया प्रतिशोध कायेत  
तयार ! छक मखु, निक मखु, देंयदसं धयाथे थव  
बज्जीतेसं वया झीगु मगधया राष्ट्रिय परिधि दुने  
च्वंगु भूगर्भया सम्पत्ति यंकूगु दु । थव छु झीगु

[ ८८ ]

अथहेलना मखा ?

अजातकान्त्र- न्यैं, महामन्त्री न्यैं! हायूपने गमुलिं सुला न्यैं।  
वर्षाक्तार-- थुकि छुं न्यनेगु आवश्यक मदु। जि स्वयं मिखा  
दुह्म ख, विचार दुह्म ख, महाराज ! एनं ...

अजातकान्त्र- 'एन' हानं छु ? एनं, तर, परन्तुया वास्वविक  
मान ख हापा बंगु खँयात काटयेयायेगु। मगधया  
महामात्यं 'एन-इन' धयाच्चवनेगु हिसि दुगु खँ मखु।

वर्षाक्तार- तर, महाराज ! इब 'एन' या दुने हे वज्जिगणयात  
कत्यलेगु ताकत सुलाच्चवंगु दु। थथें युद्ध यायेव मीगु  
शक्तिया अपव्यय जुह। वज्जितेखं आतकं हयूगू  
अपरिहाणीय धर्म पालन यानि ! राष्ट्रिय विधानया  
निंति वलि बीगु ताकत इमिके दनि। सुं अपराधीयात  
दरड़ बीत हे महामात्य, व्यवहारिक अमात्य, सूत्र-  
धार, अष्टकुलिक, सेनापति व उपगणपति विचा याना  
अक गणपति तकं विचा याइसिनि। अले ... ।

अजातकान्त्र- ( खं त्वालहाना ) चूप ! छं ह्यू गनयागु पोशाक  
दु स्व। छंगु न्होने मगध सम्राट दु लाकी वैशालीया  
गणपति महापाल ? मगध छु वैशालीर्थे मूर्ख ला छह्य  
अपराधीया परीक्षायू हयूह्यसिगु समय बीत ? वैशा-  
लीया मूर्खताया उपासक ! मगधया राजद्रोही !

अन्नात्यर्थि- महाराजया जय ! महाराजं सत्यगु खं धया-  
दिल !

वर्षाक्तार- तर महाराज, जिगु खँया तात्पर्य इब मखु।

अजातकान्त्र- अले छु ले ?

वर्षाक्तार- न्हागु ज्यायू नं त्रिवेकपूर्णं न्याय जू, परस्परे

प्रेम, मैत्री, एकता दु धयागु सम्म ख । हानं सकले  
मुना थौंतक बांलाक सन्निपात यानि, करणीय धर्म  
व्यक्तिगत स्वार्थया बलि बीगु आवश्यकता सकसिके  
दनि । न्याय हे इमि निति दो तिनि । बृद्धपिनि  
खँय् आदर व विवेचना जुझु आतकं दनि । कुलया  
स्त्री व कुमारीपिनि प्रति छुं प्रकारया प्रभुत्व जमये  
यायेगु चाला मदुनि ।

**अज्ञातशत्रु-** ( तम ) वर्षाकार !....( भचा शान्त जुया ) छ वेँ  
ला मजूला ? मगध सम्राटया न्होने वशालीया  
गुणगान यायेत भति लज्या नं मचाला ?

**अन्नात्य १-** उकिं अन मिसात नं न्हागुं व्याय् न्होने  
च्वँबझु ! युद्धे नं बहु !

**अन्नात्य २-** ( इववस्थित रूपे ) अँ, मिसातनाप ल्वाये साप  
थाकु !

( धायेथुका सँहालये जुइ )

**वर्षाकार-** ( तम ) चूप ! छिमिसं छु स्यू ? एकतानाप  
ल्वायेगु ह्वितेगु मखु !

**अन्नात्य ३-** तर महामात्यजु ! राजनीतिक ल्वापु धयागु  
ह्वितेगुथें ख ।

**अज्ञातशत्रु-** वर्षाकार ! छ थुलि ग्यासा छाय् माहामात्य  
पदे च्वंच्वना ?

**वर्षाकार-** महाराज ! अब भयया व्याख्या मखु !

**अज्ञातशत्रु-** अले छु गणतन्त्रया स्तोत्र ला ? का धा छ  
सम्राट अज्ञातशत्रुया महामात्य लाकी वैशालीया

उपगणपति ?

बर्षीकार- महाराजया दीन सेवक !

अजात्काशन्त्रु- धा ! हानं छक धा ! मगधया चि मया वैशालीया गुणगान याइङ्ग कृतघ्न ! नयागु भुइ खिफाइङ्ग दुष्ट ! ( अमात्यपिनि पाले स्वया ) अमात्यगण ! वर्षीकारया नेतृत्वे थव युद्धे विजय सम्भव मढु धयागु बांलाक खनेदत ! ( वर्षीकारयात स्वया ) रथाफरा ! वैशालीया छङ्ग-छङ्ग नागरिक मगधया शत्रु ख, सिल मखुवा ?

बर्षीकार- महाराज, थव ला जि नं धयाच्चना ।

अजात्काशन्त्रु- धयाच्चना ! महामात्य वर्षीकारं बांलाक हे धयाच्चन ! उखुनु नं छं धाक्क छाय् म्वासां-म्वासां कृषि वाणिज्यद्वारा सुखीपिंत दुःख बीगु धका ! जिं थव नं न्यना छं छिंग-ह्वीग गणतन्त्र देशयात भेट नं बछल हैं । छु छं मगधया विरुद्धे बनेगु मतिहू तया गुप्त रहस्य ला प्रकट याना मब्द्याका ? अमात्यपि ! छिमित थौं सतागु युद्ध मन्त्रणा यायेत मखु, महामात्ययात दण्ड बीत ख । महामात्य वर्षीकार ! मगधे च्चना, मगधया महामात्य जुया मगधया प्रतिद्वन्द्वै गणतन्त्रया महापाञ्चयात छु उपहार बछयागु ? का धा ।

बर्षीकार- सम्राट ! व उपहार मखु, पराजित याइगु शस्त्र ख । जन्मदिया उपलक्षे छुं साधारण वस्तु उपहार बछासा मित्रताया विश्वास बियागु, अले छन्हु अक-

स्मात् युद्ध याना पराजित यायेत तयार यानागु राज-  
नैतिक प्रपञ्चया पृष्ठभूमि !

**अजातशत्रु-** भूठ ! बिलकुल भूठ !! वैशालीया भक्तं व देश  
स्यंकेत गवले थपाय्‌हाकगु कुचक गवइ मखु, । हानं  
थपाय्‌हाकगु कुचक गवयेत छं थत्थे ला ? सम्राट गन  
बन ? छं सु अथे यायेत ? .. वर्षाकार ! छं लिपाया  
लँ आवनिसें द्येकूगु भू सीदत । जि छंत दण्ड बीगु  
हिंग हे निश्चय यायेधुन । ( अमात्यपिनि पाखे स्वया )  
अमात्यपिं !

**फुक्कक अम्नात्यपिं-** महाराज !

**अजातशत्रु-** हिंग तकया महामात्य थौया महाअपराधी,  
कृतधन देशद्रोही वर्षाकारयात थौं हे छ्वाले हाकलं  
पाका देशं निर्वासित या ! सैनिक !

( निहू सैनिकपिनि प्रवेश )

वर्षाकारयात ज्वँ ! अमात्य ! थत्थे यंकि हुँ !

**अष्ट्राक्कार-** ( तम ) महाराज ! ध्व अन्याय ख !

**अजातशत्रु-** थन वैशालीथेंजागु न्याय विधान मदु !

**वर्षाक्कार-** ( तम हे ) तर थुकिया फल भिंगु जुइ मखु ।

**अजातशत्रु-** भि-मभिया बिचा आ छं यायेमागु मदु,  
राजद्रोही !

**वर्षाक्कार-** थुलि अन्याय ! थुलि अन्याय ? दय् ! दय् !! ज्यू !

**अजातशत्रु-** सैनिक ! याकनं यंकि ।

( सैनिकतेसं साली । वर्षाकारयात सैनिकतेनापं अमात्यपिं  
दुर यंकेत सनी ।

**बष्टीकार-** ( लिफ स्वया ) तर महाराज, आत्मक लानि !  
थुकिया पत्त.... ।

**अजातशत्रु-** थुकिया फल छु जुइ अब जिं बाँलाक स्यू ।

**बष्टीकार-** तर, महाराज !....

( सैनिकतेसं सालायकी । अमात्य छहा नं वनी )

**अजातशत्रु-अमात्य !** बष्टीकारयात छं स्वयेधुन मखा ? आ  
तप्यंक व वैशाली नं घनेफु । उकिं आ यथे इपि सतर्क  
जुइ । युद्ध स्थगित यानाच्छ । मगधया प्रमुख शस्त्रा-  
गार, सैनिक आवास स्थान हीकि । हुँ, आ थुकिया  
द्यवस्था छं या । युद्ध यायेगु चर्चा गनं याये मते ।  
अब युद्ध छन्हु अकस्मात जिगु संकेत अनुसारं जुइ !

**अमात्य-** ( छधों बढुका ) आज्ञा !

( अमात्यया प्रस्थान । अजातशत्रु छक मुसुहू निहली )

**अजातशत्रु-** ( स्वगत ) बष्टीकार ! थपाय्धंगु कुचक्र थुलि  
याउँक जुइ धका मतिइ हे मतया । स्वये आ थुकिया  
परिणाम छु जुइ ।

( राजमाता कोशलाधा सहसा प्रवेश )

**कोशला-** अजात ! अम छं भूल यानाच्चन । अम नं कने-  
धुंगु मिखा तिरिसनाला ?

**अजातशत्रु-** छाय् मां ?

**कोशला-** छाय् ! छाय् जुइ छं थगु हृदययाके हे छक न्यनास्व  
रे ! मनूया पाखे द्वनी । तर आपालं लहनांलहने मफ-  
येक, भिकाभिके मजीक, जीकांजीके मजीक स्यंके  
मते, द्वंके मते । पिरुहत्याथेंज्यागु भूल जुझुंकल,

अम नं थगु भूल न्होने तया पलापत्ति सुधार याये  
मज्जूनि ? छु छं युद्ध मंत्रणा, कलह, ल्वापु, बैमनश्य  
बाहेक छुं ज्या मदुला ?

अजातशत्रु- ( अव्यवस्थित रूपं काचाक ) छु ज्या ?

कोशाला- छु ज्या, छु ज्या ! शुलि नं छं खंके मफुला ? छु छं  
आ यानाच्चनागु हे जक ज्या ला ? वर्षाकार छाय्  
तिंतिन्हुया वंगु ? वयात छाय् निर्वासित दण्ड  
वियागु ? जव ह्वायात दण्ड विया छु कुचक ग्वयागु ?  
आ छु यायेगु विचा ?

( अजातशत्रु छु धायेत्यनी । अबले हे कोशलां हानं धाइ )

थुजागु ज्यासिबे छं छुं ज्या मदुला ? भगवान बुद्धं  
छु धयाविज्यात ?

अजातशत्रु- भगवान बुद्ध ? भगवान बुद्धं धयाविज्यात-  
इच्छाया दमन या ! तर थव गय् जुइफइ ? हानं थव  
ज्या मखु, धर्म धका ख ।

कोशाला- थव हे ला छंगु भ्रम अजात ! ज्या व धर्मे छु  
अन्तर दु ? धात्येंगु ज्याया मेगु नां हे धर्म ख । युद्ध  
याना द्वेष, इर्ष्या यायेगु जक ज्या ला ? दुःखीपित  
करणा तयेगु, नये मखपि फुक्सितं नये खंकाबीगु,  
प्याय् चापित ल बीगु, रोगीपित वास बीगु— छु थव  
फुक्स ज्या मखुला ? थव हे धर्म मखुला ?

( धार्म अजातशत्रुया न्होनेपाले वसी )

थव गुजागु चाका ! छहसिनं मेहसित संकीर्ण हठिट-  
कोरणं स्वयेगु, संकुचित भावना हयेगु, अले परस्परे  
इर्ष्या, द्वेष, संदेह यायेगु !

( अजातशत्रु ल्यूनें तुं तीसकं प्रस्थान । कोशला थगु  
प्रसंगे धायावच्चनी )

छद्म जानवरं मेद्धा जानवरयात न्याजुइ, ज्वँ जुइ, स्या-  
जुइ । मनुखं नं छद्मसिनं मेद्धासिगु ह्हा त्वाहायेगु,  
छधों धयनेगु, नुगचु ल्हयेगु, नुगले ह्हगंक भालां  
मुइगु ज्या केवल अन्धविश्वासया प्रेरणां याइ ।....  
युद्ध ! युद्ध छु ख ? इव प्रत्येक न्यापु दुपिसं विचा  
यायेमागु खँ ख । अले निशास्त्रीकरणे ब्बति कायेगु  
सकसिगु कर्तव्य । अले अजात !

( लिफ स्वइ )

अजात ! वनेधुक लाकी छु ?.... जि छु व्यर्थे ह्वे  
हाज्ञाच्चवनला ले ? गन वन व ? अजात, छंके व ह्वे  
मूर्ख समाजयाके मेगु न्द्वागुं यायेत समय दु, मनं व,  
तर थगु हृदय निर्मल यायेगु, थगु लोभ, द्वेष, मौह  
आदि नीच प्रवृत्ति कत्यज्ञा थगु मानवीय गुणयात  
थत कायेगु धर्मया खँ व उपदेश न्यनेत समय मढु,  
मन मवं ! शायद इव निरर्थक धायेत नं छिमिसे  
लिफ स्वइ मखु ! धिकार मनूया अन्ध विचा !!

( कहिली )

—: ० :—

✿ ४ ✿

( राजनर्तकीया प्रमोद भवन । शृङ्गारं भक्त धायाच्चवन ।

[ ६५ ]

बांलागु लासा लायातगु दु । अन्ति व सोला नं अनसं दु ।  
अम्बपाली लासाय् पुलि चुया बीणा थायेत तयारगु मुद्रय्  
फेतुनाच्चन । व मुसुमुसु का । छ्यों नं भावावेश सना दे च्चंगु  
दु । बयागु अंग चालये यौवनया मादकता, सौन्दर्यया आकर्षण  
दु । व थों मस्त जुधा बीणा सत्थान यानाच्चंगु दी )

नन्दवत्ती- वज्जीकुमारपिं पिने फायाच्चंगु दु ।

अम्बपाली- विश्राम- गृहे फेतुका मवयाला ?

नन्दवत्ती- अन हे दु ।

( अम्बपालीं छक बीणाय् ह्ला संकी । बीणाय् छगू भंकार  
वइ )

अम्बपाली- दय् ।

( नन्दवत्ती वनेत्यनी )

थनस्थ ।

( नन्दवत्तीं लिफ स्वइ )

चकी स्व ।

( पचिनं सुषाक्षयंगु अन्ति कदा नन्दवत्तीं संकास्वइ )

थन हृति ।

( हया बी । दक्षो सोलाय् वंकाकाइ । श्वले मेगु तयाहयेगु  
भाव याना अन्ति नन्दवत्तीया ह्लाते बी । नन्दवत्ती अन्ति  
जवना वनेत्यनी )

थन छक निं स्व ।

( नन्दवत्तीं लिफ स्वइ )

वज्जीकुमारपिं थन छयाहृति ।

( छथों कवचुका समर्थन याना नन्दवतीया प्रस्थान । अम्बपालों  
अले ऐला दुगु खोला ज्वनी । पलख लिपा त्वनी । हानं त्वनी ।  
अले खोला क्वे तथा थगु तिसा व वस मिलयेयाना बीणा छक  
मंकारित याइ । अबले हे वज्जीकुमारपि निद्यसिगु प्रवेश ।  
छह्य देवदास हे )

**अम्बपाली-** ( दना ) स्वागतम् ! स्वागतम् !!

**वज्जीकुम्भार-** अनेक धन्यवाद !

**अम्बपाली-** धन्यवादया पात्र अम्बपाली मखु, वज्जीकुमार  
ष देवदास ख । छुं सेवा ?

**देवदास-** ( खं त्वालहाना ) सेवा ? थपायसकं धिनम्र छाय्  
बयागु कारण हे मधयानि ! तर कारण कनेमागु नं  
ला मदु । कनेगु हे सुयात ?

**वज्जीकुम्भार-** मुमाथाय् बयाच्चना बयात । हाहाहाहाहा !

**देवदास-** बीणा नं ला स्वयं मंकारित जुइत तयार जुयाच्चन ।  
**अम्बपाली-** येः, संगीत ला ?

**वज्जीकुम्भार-** संगीत धा अथवा न्हाय् पंया सर्वप्रिय बस्तु  
धा, खँ छगू हे ख ।

**देवदास-** अले खँ ह्यायेगुली थव ला बाथ हे जुल !

**वज्जीकुम्भार-** स्वयंसिद्धगु खँ ह्यायेवं गय् बाथ जुइ ?  
( नन्दवतीया अन्ति ज्वना प्रवेश )

**देवदास-** अह, अन्ति नं ध्यन का !

**वज्जीकुम्भार-** धयागु नां जित साप बांला ता— “नन्द-  
षती.... नन्दा” क्या हिसि दु !

**देवदास-** मिसातयूगु नां दक्को मिजंतयूत बांला, मिजंतयूगु  
नां दंक्को मिसातयूत । “नन्दा, यशोमती, बन्धुमती,  
पुष्पा, रूपा” गपायसकं बांला !

**बज्जीकुमार-** वाह, वाह !! नामकरण आयेगुया आचार्य !

( जनुकासे छथु दाइ )

**देवदास-** अले वाहवाही यायेगुया थ्व !

( बयात न छथु दाइ )

**बज्जीकुमार-** आया ! बदला धयागुली अपो मात्रा द हे दु  
खनी !

( भं तसकं देवदासयात दाइ )

**अम्बपाली-** ( खोलाय अय्ला लुलु न्हिला ) बज्जीकुमारपि भचा  
बमलानिथे च्वं । अकिं बल छक निं तयादिसँ ।

( स्वन्हेस्यां अय्ला त्वनी । सकले न्हयु ख्वा । देवदासं  
अय्ला त्वैत्वं धाइ )

**देवदास-** तर बीणा ला खवया हे च्वन ।

**अम्बपाली-** हाषां खवसा धका लिपा हिलेदइ । का, जिं  
हीकाबी ।

( बीणा काइ )

**देवदास-** मखु, अथें जक हिलेगुसिकं नृत्यनाप जोलायेब  
मं हिली ।

**बज्जीकुमार-** ध्व खै नं बिलकुल ठीक !

**नन्दवली-** असत्य मखुगु फुक्कं ठीक !

**देवदास-** ( गम्भीर जुया ) बज्जीकुमारपिनि ख्या दसां, नी  
• दसां, दुने जूसां पिने जूसां, सन्देह व असत्यं इपि

**न्हाव तापा ।**

**बज्जीकुम्नार-** बज्जीकुमारपि विशेष याना खँ हायेगुली,  
वादविवाद यायेगुली, विनोद यायेगुली वृहस्पति हे  
ख । ( देवदासयात पचिनं सुयाक्यना ) ध्व दक्ले  
वृहस्पति ।

**देवदास- छ शुक्र !**

**बज्जीकुम्नार- ज्या शनि !**

( सक्ले न्हिली । देवदासं अम्बपालीयाके चंगु बीणा क्या  
स्वर सन्धान याइ )

**अम्बपाली-** ( नन्दवती पाखे स्वया ) यशोवतीयात सति ।

( नन्दवती बना यशोवती ब्वनाहयेव देवदासयाके चंगु  
बीणा काइ )

का, यशोवतीयात ध्व । नन्दा, ( ध्याक्वे चंगु पकवाज  
क्यना ) छंत व ।

( राजनतंकी अम्बपालीया नृत्य जुइ । यशोवतीं बीणा थाइ ।  
नन्दवतीं बाजं )

**देवदास- गुलि आकर्षण, गुलि निपुणता !**

**बज्जीकुम्नार-** मर्त्यलोकया र्वशी ! ना ध्व मोतिमा--नृत्य-  
या उपहार ।

**अम्बपाली-** थुकिया आघश्यकता मदु ।

**देवदास-** बज्जी गणतन्त्रया सर्वश्रेष्ठ सुन्दरी रूपश्री राज-  
नतीकीयात छुकिया अभाष जुइ ?

**बज्जीकुम्नार-** बहुमूल्य अलंकार, वस्त्र, शृंगार सामान !  
लुँ, वह, हीरा, मोति, रत्न !

( अम्बपाली 'रत्न' धायेवं भसंग वंये जुइ । खाले परिवर्तन  
वइ )

बज्जीकुम्नार- थव पूर्ण चन्द्रमाय हाङुगु सुपाचं गय छकलं  
क्यूबगु ?

अम्बपाली- शायद नृत्यं शरीरे शिथिलता हल ला ? क्षमा  
आनादिसँ, विश्रामया निंति जि अन्तरंग प्रकोष्ठे बने ।

बज्जीकुम्नार- अवश्य, अवश्य !!

देवदास- तुँ मी नं ।

अम्बपाली- भति भपा ला मासँ !

( राजनर्तकी अम्बपालीया प्रस्थान )

बज्जीकुम्नार- ज्यू, थव नं ठौक....

( दनेधुक्कपि हे फेतुइ )

गय हां, छकलं अम्बपाली राजनर्तकीयात छु जूगु ?

देवदास- थुकिया रहस्य जिस्यू ।

बज्जीकुम्नार- छु रहस्य ?

( लोलाय् ऐला लुना काइ । देवदास नं कया त्वनी )

देवदास- रत्न व अम्बपालीया न्याक सम्बन्ध दु ।

बज्जीकुम्नार- रत्न व अम्बपालीया ?

यशोवत्ती- सु रत्न ?

देवदास- रत्न माने रत्नपाल !

बज्जीकुम्नार- हँ ! रत्नपाल धयाई....

( राजनर्तकी अम्बपालीया दुनें खगु स वइ )

अय् ! सु खगु हँ ?

( देवदास हृतपतं दनी । अले सकले दनी )

—: ० :—

## ❀ ५ ❀

वैशाली नगर । लैंपु छपु खनेदु । व राजपथ स । छहा-निम्ह  
मनू सिबेत उस्त जुयाच्वंगु खने मदु । पश्चिम पालें बन्धुमती  
व छम्ह मेम्ह मिसा खैं ल्हाना बयाच्वन )

**बन्धुमति-** थव हे ला छंगु भ्रम ! थुकिया छाँ सकसितं  
आवश्यक । धात्थें जित ला थव खबर साप हे आश्वर्य-  
जनकथें चं ! मगधया महामात्य मगधया द्रोही  
जुहगु ! अले वैशालीं बयात उषगणपति पदे तयेगु !

( अबले हे पूर्वं बर्षकारया प्रवेश )

**बर्षकार-** ( स्वगत ) गपायूसकं नायुगु व बांकागु स्वभाव  
थव गणतन्त्रया नागरिकपिनि ! जि अनुभव याना-  
च्वना नर्क स्वर्गे थाहाँ बयाच्वना धका ।

**स्निस्ता-** ( प्रणाम याना ) परिचय प्राप्त जूसा जिपिं आभारी  
जुइ ।

**बर्षकार-** ( निहला ) परिचय ? जिथें जाह्व तुच्छ मनूया  
परिचय छु र्खलेदु ? एन थन सुनानं सुयातं परिचय  
मबीमामु मदु । जि ख मर्त्यलोकया अमरपुरी  
वैशालीया सेवक बर्षकार !

**बन्धुमति-** ( आश्चर्यं चाया ) ओ, मगधया महामात्य !

[ १०१ ]

**बर्षकार-** भणे, आ मगधया नां छबा न्यंके मते । जि  
अनया महामात्य मखु । मगधया महामात्य ला  
मगधे तुं सीधुंकल । जि ला मगधया महाअपराधी  
ख, थव गणतन्त्रया दास उपगणपति ख । औँ, बरु  
छिलिसे.... ।

**बन्धुमति-** जिलिसे हु ?

**बर्षकार-** ( छ्यों संका ) म्वाल, मागु खँ मखु !

**बन्धुमति-** मखु, थन छुं प्रकारया आशंका यायेम्वा । जिमि  
पाजुया है म्हाय् ख ! जिं सिक्को खँ थवं स्यू, थवं  
सिक्को जिं ! नकतिनि नं जिमि निम्हे छिगु है  
सम्बन्धे खँ जुयाच्वंगु ख ।

**बर्षकार-** एन थव खँया थन आवश्यकता मदु । जिझासां  
मनूया ज्ञान ला बढये यानाबी, तर नापनापं है  
आनावश्यक जिझासां ज्ञान ध्वंश यानाबी !

**बन्धुमति-** थव ला ख ! मं पतन नं सम्भव दु । एन ...

**बर्षकार-** व्यर्थे थव हानं व एन छाय् भद्रे ! ( बनेये याना )  
वने का ।

( थम्हं है न्हापा प्रणाम याइ, श्ले बन्धुमतीं व मिसां याइ ।  
वर्षकार भति तापाक वनी )

**बन्धुमति-** व्यबहारे अम नं साम्राज्यवादया छाप मतंनि  
खनी !

**स्निस्ता-** आखिर जुयाच्वंगु तुति, नयाच्वंगु म्हुतु है मखा !

( वर्षकार वनेधुका छ्यों कवद्धुका भति उखे दी मानो  
धायेला, मधायेला जूम्हयें च्वंक । अबले है बन्धुमतीं लिफ  
स्वगु प्रालाई श्ले नापं च्वंम्ह पासायात वनेगु सकेत बिया

बन्धुमती वर्षाकारपाखे वनी । भति सत्तिक बनेवं वर्षाकार  
लिहां वया लिङ्क वनी )

### बन्धुमति- छायू उपगणपतिजु ?

वर्षाकार- ( उखेध्यंक बनेधुक्कहा मिसापाखे स्वइ, घबले हे मिसां न  
लिक स्वगु पा लाइ । मिसावा प्रस्थान बुइंव ) न्हाच धाये  
धयागु ख, तर लज्या चाळ । साम्राज्यवादे च्वनेगुया  
छगू तधंगु दोष धव ख । इमिसं तधंगु पदे च्वना  
तधंगु हुकुभ जक बीफु, तर संसारया पूरा परिचयला  
छखे ति, दैनिक जीवनया विषये हे अज्ञानी जुया-  
च्वनी । उकि ला गबले-गबले मूर्खतय् पाखे नं भजुइ-  
थें जागु मूर्खतापूर्णगु ज्या पणिडतपिनि पाखे नं  
जुहगु । ला मनू सर्वेसर्वा मखु । एनं धव ला लज्या  
चाये हे मालीगु खँ ख ।

### बन्धुमति- छु खँ ख ?

वर्षाकार- ( पलख सुंक च्वना ) म्वाल, म्वाल ! मागु खँ थें  
मच्वं ।

बन्धुमति- मखु, धया हे दिसँ । धयादिसँ, छायू जिज्ञासा-  
यात अपमान यायेगु ?

वर्षाकार- खँ ला छुं मखु । थन वज्जी देशे विशेष छु तर-  
कारी दयेकीगु ? तरकारीइ चि-मसला नं मेमेथायथे  
हे तइगु खला, मखुला धयागु न्यनेगु उत्सुकता जुया-  
च्वंगु ता दत । तर न्यने मछा । थौं हे नं छु तर-  
कारी ...

बन्धुमति- ( खैं त्वाल्हाना ) धात्थे धव ला साधारणगु हे खैं  
ख । धव ज्ञान ला भ्याम्हेसितं मां । नयेमाकोसिनं

नयेगु जोरये नं याये सयेकातयेमा ! छु थब ज्ञान हे  
मगधया महामात्ययाके मदु ?

वर्षांकार- मगधया महामात्य शतप्रतिशत थुजागु खँय् मूर्खे !  
थथे धाइ धका हे सुयाकें न्यने मछागु ।

बन्धुम्भति- एनं थब ला सीका मतसें हे मज्यूगु । (वनेंये याना)  
खँ थुलि हे मखा ? पासा गन थ्यन थें !

वर्षांकार- अले छु थब जिगु मूर्खतापूर्ण खँ वयातनं कनेगुला ?  
बन्धुम्भति- तोपुइगु थन चाला हे मदु । छाय् धासा गुमि  
आशंकायात जन्म बी ।

वर्षांकार- एनं उयुसा...

बन्धुम्भति- ( पूर्वपाखे प्रस्थान यायां ) थुकी छु खँ दु धका !

( वर्षाकार छक गम्भीर विचारे लीन बुइ । छक न्हि नं  
लिली । अले फन्कु फहेला पूर्वपाखे तुं वनी । अबले हे पूर्वं  
बिनिश्चय महामात्यया प्रवेश )

बिनिश्चय महामात्य- प्रणाम उपगणपतिजु !

वर्षांकार- ( प्रणामं तुं प्रत्युत्तर बिया ) ओ, बिनिश्चय महा-  
मात्यजु ला ! दन्धुमछि लिपा दर्शन जुल ।

बिनिश्चय महामात्य- थौंकन्हे भचा ..

वर्षांकार- ( खँ त्वाल्हाना ) जिस्यू, जिस्यू, जित फुक  
खबर थ्यं । गणतन्त्रया सेवां छित थौंकन्हे अवसर हे  
प्राप्त मजू । ( बिनिश्चय महामात्यया प्रसन्न मुदा स्वस्वं )  
छिकिपिनिगु थुजागु प्रयत्नयात सु मनुखं, सु देवं  
प्रशंसाया हृष्टि मस्वइ ! थुजागु हे निःस्वार्थ सेवा  
राष्ट्रया झग ख । धात्थे थब गणतन्त्र गपाय्सकं

शक्तिशाली ! थनया विधि-विधान गुलि बाला,  
बल्ला ! मृत्युलोकया अमरपुर ! हानं छिकिपिंथे-  
जापिनि निःस्थार्थ सेवां ध्व अमरपुर सदा सर्वदा हे  
अमरपुर जुयाच्वनी । तर ...

**विनिश्चय महामात्य-** हानं छुकिया आशंका, उपगण-  
पतिजु ? थन गनं 'तर' वल ? वैशाली 'तर' 'किंवा'  
शब्दया जरूरत गबलें मदु । थौं गयू उपगणपतिया  
नुगलं जरूरत अनुभव जुल ?

**व्याख्यात-** ( मुलये जुया ) अयूसा म्वाल ! अथें जिगु म्हुतुया  
अभ्यस्तां प्रयोग जुल धाये का ।

**वि. म्न.-** मसु, ध्व 'तर' या अर्थ धाये हे माली ।

**व्याख्यात-** ध्व छु जबरजस्ती हे ला ?

**वि. म्न.-** ज्यू, उपगणपतिया न्होने विनिश्चय महामात्यं धया-  
च्चंगु आवश्यक समझयेजुया हे ख । ध्व वैशाली  
'तर', 'किंवा', 'परन्तु', 'अयून' धका खैं पूरा याये  
ज्या मछिंगु गनं वल ? सारा शंसय, अन्याय, दुष्प्र-  
पिनिगु सम्बन्ध जि लिसे दु । दोषीतेत दण्ड मबींगु,  
निर्दोषीपिंत दण्ड बींगु जिगु अपराध ख ।

**व्याख्यात-** बस्, बस् ! विनिश्चय महामात्यजु ! ध्व कने-  
गुसिंक मकनेगु फायदा खना हे जक जि 'तर' यानागु  
ख ।

**वि. म्न.-** एनं जि ध्व खैं न्यनेत उत्सुक ।

**व्याख्यात-** ( ल्हा विन्त याना ) हे भगवान् ! थुकिया फल  
छु जुइगु ख !

ब्रिं. स्न०. याकनं धयादिसँ, छु खँ ?

ब्रष्टचकार- धाये हे मागु ला ?

ब्रिं. स्न०. माला हे न्यनाच्वनांगु ख ।

ब्रष्टचकार- हे भगवान् ! जिगु थव न्ह्यपुं हे भाय् महात !

थव छु धयागु खँ ! ... ख हे ला ख नि, लोके गुलि  
परिश्रमे रसमय फल प्राप्त जुइ, उलि हे कटु रस नं  
व्यंगात्मक व इर्ष्यात्मक रूपं प्राप्त जुइ । मानवीय  
दृष्टिकोणया विभिन्नताया दक्षिणे स्थूल परिचय थव  
हे मखा ! गुह्य मनूया बिचारं दोषीतेत दण्ड मवीगु,  
निर्दोषीपित दण्ड बीगु थगु अपराध धका खंका-  
च्वन, व हे महान्, न्यायी महामात्य गथे अन्यायी  
जुइ ! हानं छु कारणं वयात हे थथे धागु !

ब्रिं. स्न०. ( आश्चर्य ) जित ? जि अन्यायी ? सुनां धाल ?

वैशालीया विनिश्चय महामात्य हे अन्यायी ? सुनां  
धाल ?

ब्रष्टचकार- ( न्हिला ) आश्र्य चाजला ? उकिं ला म्हाल

धयागु ! वं हे असत्य खँ ह्यागु धका मतिइ तये,  
थके द्वन्द मदयेकाब्द्ये । मखुसा मगधं विद्रोही जुया  
थव गणराज्ये वया नं जित शान्ति दइ मखु । हानं  
विनिश्चय महामात्यजु, न्ह्यागु ज्याय् नं अपवाद स्वरूप  
छगू-निगू खँ अवश्य वयेकु । अले सेनापति थथे  
धालं छु आश्र्य चायेमागु मदु ।

( पूर्वपाखे पला छी । नापं विनिश्चय महामात्यं नं छी )

ब्रिं. स्न०. ( पला छ्युछ्यु ) सुनां धया ? सेनापति धयाज्ञा ?

**बष्टिकार-** ( दिना ) वयात सेनापति धायेगु ? हाहाहा !

**चि. न्न.-** वं छु धाल उपगणपतिजु ?

**बष्टिकार-** वं ?

( हानं पला छी )

**चि. न्न.-** ( नापं वैवं ) याकनं धयादिसँ ।

**बष्टिकार-** ( पला दिना ) वं छु धाल धयाका ?

**चि. न्न.-** ख, ख याकनं धयादिसँ । वयात जि जिगु न्याय क्य-  
नाबी । श्व देवभूमिइ च्वना हि छफुति ह्य दत्तले  
अन्यायया विरुद्ध दनेत तयार ! चाहे व गणपति  
थजु, चाहे उपगणपति, चाहे सेनापति, दण्डनीय  
कर्म यायेव इपि नं अवश्य दण्डनीय जुइ ।

**बष्टिकार-** जि नं ला ?

**चि. न्न.-** यदि दोषी जूसा छि नं । दोषी न्हाह्य थजु दण्डनीय  
ख !

**बष्टिकार-** ( पश्चमपाले फहेली ) तर वया हाते तरवार दु,  
सैन्य दु ।

**चि. न्न.-** ( पश्चमपाले हे ल्यूल्यूवना ) जिगु हाते नं ला न्याय  
दु, गणतन्त्रया लँपु प्रवेणी-पुस्तक दु ।

**बष्टिकार-** एनं....

**चि. न्न.-** थन शस्त्रया न्होने ग्यायेगु आवश्यकता मदु,  
उपगणपतिजु !

( वर्षाकार दी । विनिश्चय महामात्य नं दी )

वैशालीया प्रत्येक नागरिक राष्ट्रिय बिधानया उपासक,  
उपासिका ख, भक्त ख, अनुचर ख । अले इपि फुक

तलवार व्यना पिहाँ वयेत नं तयार, सीत नं तयार ।  
याकनं धबादिसँ, सेनापति छु धाल ?

ब्रह्मचार- विनिश्चय महामात्यजु, अपायसकं द्वेष चरित्र-  
जुयां गथे ज्या यायेकइ ? व नं मेगु ज्या मखु,  
न्यायया ज्या !

( पूर्वपाखे पला छी । नापं विनिश्चय महामात्यं नं )

जिं नं उपगणपतिया हैसियतं छगू-निगू प्रश्न याये ।  
जिगु गनतक विचा दु, ( पला दिना, गम्भीर जुया )  
इच्छा, द्वेष निगूपाखें हे जुइ । तर समझये जुइ मते  
जिं सेनापतिया पक्ष लित धका । जि नं न्यायया  
लागि हे न्यने, छु क्षिकिपिनि परस्परे द्वेष दुला ?

ब्रि. भ.- द्वेष ! एव गणतन्त्रया सुं नागरिकिपि परस्परे द्वेष  
तये मस, सन्देह याये मस । इपि फुक्क छपा हाया  
न्यापचि पचिथें ख । छपु सुकाय् हनातगु स्वांफोतथें  
ख । थौकन्हे गनंगनं ल्वायेगु बरु बानि दयावल ।  
नकतिनि नं अनसं लङ्घ निझा मिसात ल्वानाच्चन ।  
वं वयात, वं वयात दोष बियाच्चन ।

ब्रह्मचार- दोष बियाच्चन ! अले इमिगु न्याय यायेधुनला ?  
ब्रि. भ.- इमिगु ल्वापुया समस्या साप जटिल । इमिगु  
फैसला यायेगु दिं बियावयेधुन ।

ब्रह्मचार- इपि छु वंचुगु पर्सि सिनातपि खला ?

ब्रि. भ.- ख । बिश्वास मया धयागु हे इपि ल्वापुया कारण ।

ब्रह्मचार- ख, इपि नकतिनि थनं वंपि । एसा फासँ, वना  
उकिया निं निसाफ यानादिसँ ।

**बि. स्न.-** हापां थत धागुया निं न्याय जुइ । ( हरबराय् चाचां )  
धयादिसँ, सेनापति जित छु धाल ?

**वर्षकार-** अझ व हे खँ !

**बि. स्न.-** याकनं धयादिसँ रे, याकनं !

**वर्षकार-** हे भगवान्, ध्व देवभूमि छु जुइगु ख ! छह्य  
गुलि च्वे ध्यंह्य, छह्य गुलि क्वे ! क्वे जक मखु,  
नके— महानके !

( पश्चिमपाले फहिली, प्रले खँया सूरे विनिश्चय महामात्र्यं  
नं पला छी )

**बि. स्न.-** धयादिसँ, वं छु धाल ?

**वर्षकार-** विनिश्चय महामात्र्य ! छिगु हृदय थुलि अन्यव-  
स्थित जुइगु बौमला । छपा ह्यातं गबलें लापा थाये  
जीमखु । छका सिं जा मबू । वं अथे धायेत छुं  
कारण नं ला दयेमा । बनाप परम्पराया विद्वेष दु  
लाकी ?

**बि. स्न.-** अहँ, ध्व नं मदु । मखु, वं छु धाल, ध्व निं धया-  
दिसँ ।

( पला दी । वर्षकार बुलुहैं बना हे च्वनी । प्रले विनिश्चय  
महामात्र्यं नं पला छी )

**वर्षकार-** बडा गजब !

( फहिला ल्यूने वयाच्वंभू विनिश्चय महामात्र्ययात स्वइ )

**बि. स्न.-** ( दिना ) धयादिसँ याकनं ।

**वर्षकार-** हे भगवान्, ध्व गुजागु उत्सुकता ! ममिगु थत  
धागु, थत दीन यागु खँय् नं मनूया ध्व जिज्ञासा

गनं वल ?

चि. स्न.- उपगणपति ! याकनं धयादिसँ, जिं थर्थें थव तलवारं  
असत्यया बदला काये !

( तलवार पिकाइ )

बर्षाक्कार- ( ल्हा ब्वयेका ) शान्ति ! शान्ति !!

चि. स्न.- आ शान्ति जुह मखु । याकनं बयागु अपराधयात  
थन स्पष्टं धयादिसँ, जिं दएड बी ! दएड बी ! थव  
तलवारं दएड बी !

बर्षाक्कार- तर अमात्यजु ! बैशालीया विधान अनुसारं  
सुयातं दएड परीक्षा याना हे जक बी । अम्भ बयात हे  
विधान ब्वंका दएड बीगु विधान छु खिचाया हिपने  
घाकाव्छयेगु ला ?

चि. स्न.- थुलि यानाच्वनेत थव हृदयं पियाच्वने फइमखु, फ नं  
मफु । मागु याये, अले दएड यानाया दएड हानं स्वयं  
जि फयेमासा फये । बरु याकनं धयादिसँ, वं जित  
छु धाल ?

बर्षाक्कार- थुलि घमएड ? थुलि गर्व ? छिं छु यायेकु  
बयात ? छु यायेमु ?

चि. स्न.- ( वा न्ह्यया ) बयात ? बयात ला ? बयात जि छु  
यायेकु धयाला ? थव तज्जवारं बयागु गप नि प्यखुले  
का ! का याकनं... ।

बर्षाक्कार- बस्, बस्, म्वाल । विनिश्चय महामात्यजु !  
थन थव आवश्यकता मदु । छिके थुलि शक्ति दसेलि  
व धागु खँ असत्य अर्थे हे जुल नि ! थुलि शक्ति व  
स्फूर्ति दुम्हेसित छु सुनानं हय्यपुस्तानिसेयाह्व कातर,

भीरु, ग्याफर धालं छु कातर, भीरु, ग्याफर जुइला ?  
वं राष्ट्रिय पतने नं थगु भीरुतां वास्ता मतइह्वा धयां  
सु कां पत्या ज़इ ?

वि. स्न.- न्हयुपुस्ताया कातर ? राष्ट्रिया पतने नं थगु भीरुतां  
वास्ता मतइह्वा ? छु व सेनापति जुइवं जक शस्त्र  
चालनया निपुणताय् व विज्ञताय् थुलि अभिमान ?  
क्वनाबी जिगु कातरता वया छ्यों थव तलबारं  
त्वाहाना ! क्यनाबी सु वीर धका थव हे तलबारं छ्यों  
लैंचा पालेथें चटक पाला ! सु कातर, सु न्हयुपुस्ताया  
कातर ?

( तमं मि जुया ब्वां वनेत स्वइ )

वर्षीकार- ( ल्हा ज्वना ) अय् न्यायमंत्रीज ! भचा बिचा ला  
या । छिं हे थथे न्यायपाखें मिखा तिस्सिनां छु जुइ ?  
थव नं छक छिं बिचा या ।

वि. स्न.- नित तोति ! तोति ! जिगु कोधं आ छुं बिचा याये-  
फइ मखु । बिचा यायेमागु नं मदु । व खास दोषी  
ख । स्वये हे मासां लिपा स्वये, न्यायपाखे लिपा  
स्वये !!

( वा न्हयइ, मिखा हाउक कनी )

वि तोति !

( जबरजस्त ल्हा छुयेयाना वनेत्यनी )

वर्षीकार- ( विनिश्चय महामात्यं छुं लिस मविसे लिफ जक स्वइ )  
ए स्व, जिं धयागु हे अथें धागु धका मतिइ ति ।  
अन्यथा थुकिया फल बांजाइ मखु । थव जिं अथें  
ल्वाकेत, परीक्षा यायेत धागु धका मतिइ तथा थगु

क्रोध शान्त या । जिं अर्थे धयागु अर्थे !

( क्षुं लिस मविसे वनेत्यनी । वर्षाकार ज्वनी )

वि. स्म.- उपगणपतिज् ! आ जिगु क्रोध शायद स्वयं कालया

न्ह्योने हे रोकयेजुइ । आ छिं जित ह्येके फइमखुत ।

वर्षाकार- छगू खँ ला न्यँ ! सत्य जिं अर्थे धयागु !

वि. स्म.- ( तलवार चाहीका ) बस् , म्वाल .. . . . म्वा .. ल ।

( बां बां थनौ )

वर्षाकार- छक ला स्व !

( विनिश्चय महामात्यया लिफ हे मस्वसे ललवार चाहीका पूर्वपाले हे प्रस्थान )

—: ० :—

❀ ६ ❀

( वैशालीया पागलखाना । वेंत निम्ह स्वम्ह अन च्वच्वंगु दु ।  
रत्नपालया नं दान्ही तहाक जुइधुंकल, म्हय् लिति दयेवुंकल )

वें१- ( रत्नपालयाथाय् वना मनचा ज्वना ) बाबू ! नये पित्यात ? ओ बाबू ! साप नये पित्यात ?

( रत्नपालं वयात छत्यु दायाब्द्विः । धव हश्य खना मेम्ह वें उखे च्वना इतिइति न्हिलाच्वनी । पलख सकलें वें पहलं सुंक च्वनी )

वें२- जिमि अबुजु गणपति स्यूला, गणपति ?

[ ११२ ]

वें १- अले जिहा आबु ला भं महागणपति स्यूला ? उकिं ला  
ध्व महले तयेह्यातगु । ( रत्नपालयातं चोलापचिनं सुभा )  
अले वया न्द्रापाया प्रेमिका राजनर्तकी अमषपाकी  
स्यूला ?

वें २- हाले मते वयागु खँ !

( रत्न प्रपशोच व दिक्ष भावं च्वनी । निम्हं वें न्हिली )  
रहन्नप्राळु-धात्थे ! आ ला.... .... आ... ....ला....जि वें हे  
जुल ! वें हे जुल !!

वें १- छ ला राजनर्तकीया भात का स्यूला, भात ?

( रत्नपालं मिखा तम्गोयेक कना स्वइ )  
वें २- ( भति लिज्जाना ) मेसं कनेथे का कंगु !

रहन्नप्राळु-धात्थे जि हापा वियोगं वें जुल । आ त्रिचारं  
नं । गोन्हु दयेधुंकल, पूरा जिगु परीक्षा यागु मदुनि !  
ध्व देते पुचले तयेहल । जिगु खँय् भ्या हे विश्वास  
मया । राजनर्तकी जिहा प्रेमिका धयां शुमित विश्वास  
मजू.. गबलेंगबलें जिअयथय हे धाये भफयेक खँ  
व विचा बावइगु ! गो, गबले परीक्षा व चिकित्सा  
जुझगु ख ! मयल, ध्व छुं हे लुमके मखुत, छुं हे ।

( दिक्षगु भावं मौन जुयाच्वनी । तर पलख जायेका हानं  
छयों सकाहइ मानो वयागु हृदये भावं जायावल । पलख  
लिपा घ्ये हाली )

### स्थे

जि दु थन, छ गन-गन,  
पागलखानाय् द लया, थ महले च्वन !

( वेंतेसं लापा थाइ )

अम्मी, छ महले चन,  
अम्मी, छ महले चवन ।

बैं २- ( यगु पहलं ) अम्मी, छ महले चवन ।

रत्नपाल- बैं, बैं धाधां, धायेका चवच्वं,  
बैं है जुल स्व, नुग जि स्वस्वं ।

बैं १- ( इतिइति न्हिला ) वाह आह !!

( छयों संका ताळ बी )

बैं २- बैं है जुज स्व, नुग जि स्वस्वं !

रत्नपाल- ( यगु धूने ) अम्मी, छ महले चवन ।

बैं १- अम्मी, जि आ बैं जुइन !

( रत्नपाल छक हीचाइ । पलख सुंक चवनी, हानं हाली )

रत्नपाल- स्वप्ने छ न्होने, बिप्ने छ ल्यूने !

( रत्नपालया मिलां स्व-बैं वइ )

बैं २- ( काचाङ्ग धाइ ) तर न्होने छ गबलें मखं ।

बैं १- ( रत्नपालया न्ह्योने वना ) बाबू ! ओ बाबू छाय् रुवया ?

बैं २- ( म्येया रुपे ) तर त्यपुचा चककंका ला नयेदु !

बैं १- ( म्येया रुपे ) अम्बपाली छ न्होने खने मदु ।

( लंयूलयूतातां लापा थाइ । अबले हे छद्य मतूशा प्रवेश ।  
रत्नपालं ह्ला बिन्ति याना वयात स्वया धाइ )

रत्नपाल- जि बैं मखु धया ! जित राजनर्तकीयाथाय् छक  
यंकाढ्यु । अले पत्या जुझ, जि धया प्रियतम खला,  
मखुला । ध्व बैं पुचले तया जित बैं याये मते ।

मन्त्र- बागबैं जुया थन चवँवल । आ पूरा बैं जुल का ! छंत

नापलायेत व्रया फुरसत मदु, वे !

रत्नपाल- थुलि अपमान ! छ सु ? सु छ ?

मनू- वे वा, वे !

रत्नपाल- अम्मी ! छ अम्बपाली धायेका सुंक सुखं  
च्चनाच्चन, जि.... !

मनू- हाले मते वे !

रत्नपाल- ( तम ) जिगु न्याय याकनं यानाब्यु । जिगु  
परीक्षा याकनं यानाब्यु ।

मनू- परीक्षाया निंति समय मदु ।

रत्नपाल- समय मदु ! विनिश्चय महामात्य सताब्यु ।  
केवल छक नापलाये ।

मनू- व ला सेनापतिनार्पं मंत । हालेहिले मते । सुंक च्चना  
नयाच्चँ । देशया परिस्थिति बांमला । समय मदु ।

वे १- अय्, जित नं छक राजनर्त ही नापलाकाब्यु रे ।

वे २- जित नं छक ।

रत्नपाल- मंत ? गय ? ( आत्मीय भावं ह्ला ज्वना ) देशया  
परिस्थिति गय बांमला ?

मनू- गय, गय ! छ वेनं रहस्य सीकेफइला विनिश्चय  
महामात्य व सेनापतिया निग छधोंनं धराशायी  
जुयाच्चंगुया मतलष !

वे १- जिं कु ... छाय् मफु !

वे २- अले जिं नं ।

रत्नपाल- ( आश्चर्यं चाया ) धाथें ला ? गुकथं ?

**वें २-** सु राजनर्तकी ? छङ्घा प्रियतमा ?

**वें १-** व सितला ?

**मन्त्रू-** सुंक च्वँ वेंत ! छिमित नयेगु हइन हे जुइ ।

( मन्त्रया प्रस्थान जुइत्यनी )

**रत्नपाल-** ( न्होने बना ) छक बांलाक खँ निं कँ । बिन्ति धाये !

( धात्यें बिन्ति वाइ । मनू छक न्हिली प्रले लिस मधिसें वनी । पलख लिपा रत्नया मिखां खबदि वइ )

**वें २-** थव वें नं आ वें जुल । थम्हं छुं स्वबइगु मखु ।  
खालि छक बल, स्वल, बन ।

**वें १-** ( रत्नपालपाले स्वया खवगु खनेव ) छाय् बाबू, छाय् ?  
राजनर्तकी सिना ख्ययागु ला ? म्वाल बाबू, म्वाल !  
राजनर्तकी नापलाये मखनेवं ख्ययेगुला ? अय्  
ख्वल ! ख्वल ! ख्वल !! ख्वल !!!

( रत्न खबदि । वें निम्हं रत्नया लिङ्क वनी )

—: ° :—  
*Dhamma.Digital*

# धा-४

✽ १ ✽

( राजनतंकीया आगन्तुक अन्तपुर । व्यपाति लासा बांलाक  
लायातगु दु । स्वान भझ धायेक छायेपातगु दु । मशोवतीं  
लासा छपा ज्वनाच्चंगु दु । वया व लासा उखे लायेला युखे  
लायेला जुषाच्चन । छक उखेपाखे कुने माइ, तर हानं थना  
युखे लाई । अम्बपालीया प्रवेश । वयाखतं न्यनी )

**अस्त्रपाली- गो मफानिला ?**

**अशोवती- नापं ड्वनाहति ला धयाच्छयागु दु ।**

( राजनतंकीं मौन जुया चिन्तना याइ । अम्बपालीया स्वालै  
गबलै चिन्ता, गबलै कोध वयाच्चंगु बांलाक सीदु । पलख  
इधूथिधू जुइ । प्रले बच्चे चटू लिक स्वया धाइ )

जिगु अभ्यंतरे च्चंगु तलवार कय हति हुँ ।

**अशोवती- ( आशचर्चन्वत जुया ) तलवार ?**

**अस्त्रपाली- ख, ख तलवार ! हुँ, याकन कयाहति । नन्द-  
वतीयात नं तलवार ज्वंकि, छं नं छपु ज्वँ !**

**अशोवती- थथे.... थथे छाय अचानक आर्या !**

**अस्त्रपाली- थुकिया खँ लिपा कनेस्वाक हे थुइ । हुँ, वना  
मटू धयाथें कया जक हति ।**

( मशोवतीया प्रस्थान । राजनतंकी इधूथिधू जुइ )

[ ११७ ]

( विना ) मस्यु आ जुइगु छु ख ! छु जुइगु ख ?

( हां छक-निक भावूक रूपे संका इधूथिधू जुयाच्वनी )

थौं जि इतमत नं गुलि कंगु ! थथे गबले जिगु ममया  
स्थिति जूगु मदुनि ! ( पलख मौन जुया दिना लुमंथें  
यायेधुंका ) मस्यु, जुइधुंकल ! तथागत नादिता जिगु  
आम्रवने विजयाबले निमंत्रणा विया लिहाँ वयाबले  
छक थथे हे लिमलागु, मन इतमत कंगु दु ! उकिं ला  
तथागतयान निमंत्रणा विया लिहाँ वयाबले वज्जी-  
कुमारपिनिगु रथनाप जिगु रथमा घचा ल्वागु !

( यशोवतीया प्रवेश । अम्बपालीं लिफ स्वइ । श्रले यशोवतीं  
तलवार बी । अम्बपालीं कया दापं तलवार पिकया चाहीकी ।  
पलख लिपा यशोवतीयात बनेगु संकेत बी । तलवार स्वयंती ।  
धाइ )

थन स्व ।

( यशीवती दी )

छिमि नं तलवार ह्य् भेरयेयानाति ! ... स्वाक्ष हुँ !

( यशोवतीया प्रथान । इधूथिधू जुजुं भाववेशी तमं धाइ )

छंत ला छंत ! पशु !! नीच !!! जिंहे, जिंहे थव  
तलवारं ( तलवार पिकया ) “निकू मथसा ! छ थुलि  
नीच कि छंत धायेबगु नीच व जुद्र शब्द हे थव  
संसारे मदु ! छंत ला छंत !!

( हानं इधूथिधू जुइ । नन्दवतीया प्रवेश । वयाके नं अम्ब-  
पालीयाकेये हे तलवारा भरयेणनातगुदु । छघों कवचुका  
अभिवादन याइ )

छाय् ?

नन्दचत्ती- विशेष कारण ला.... !

अस्त्रपाली- गयाये मते, गयाय मते ! आ हानाथे मिसा  
धका कय् कय् कुना, कक्कुना, सुलासुला, सुयां न्होने  
हा जक बिन्ति याना न्हाहसियां न्होने विनीत जक  
जुयां जी मखुत ! ध्व समय मिसा व मिजं निम्हं  
छैझ जुयाच्चनेगु समय ख ! तर ध्व समानाधिकार  
वैशालीइ मदुगु मखु, दु ! एनं मगा ! छिमिसं थके  
दुगु तारुत म्वाम्वागुलौ फुकावयाच्चन ! बरु बांलाक  
ज्वँ तलवार !

( अह्यं ज्वना कग्नी ! पिकयातगु तलवार हृथिधू जुजुं  
बिच्चे दिना दुब्बिइ )

शायद छ थगु उत्सुकता मदयेकेन थन वह्न जुइ !  
धैर्य ति धैर्य ! आ हानाया युद्ध काजीन समयेथं छे  
च्चना शस्त्र जक ज्वनेगु मखु, निजं नाप नुं ल्वावनं-  
मालीगु समय जुल ! अँ, छु गवले तलवार ड्रैने-  
नंगु नं दुला ?

नन्दचत्ती- ध्व जिमि निति अनिवार्य शिह्ना मध्ये छ्रता ख !  
राजनर्तकीया अंगरक्षाया भार नं जिमिगु हे ख !

अस्त्रपाली- ठीक ! तर स्वरक्षाया निति मखु, पररक्षाया  
निति ! छिपि हे ख तलवार ज्वंका समर क्षेत्रे व्यना-  
यंकीबले गयाना ब्रिसिवइपि, अले दुने च्चना तलवार  
चाहीकीपि ! पिका तलवार !

( अम्हं तलवार पिकाइ ! नन्दवती अकमकयेजुइ )

पिका, पिका ! स्वये, मचाबले साम्राज्यया विरह्वे

ल्वाना हितेष्वले कथि चाहीकेगु व ( तलबार स्वया )  
अव तस्वार चाहीकेगुली गुलि अन्तर दु ! छन्दु अव  
दिन नं वहतिनि धको मस्यू , मस्युसा मचाँनिसें तल-  
बार चाहीकेगु स्यनेगु ख ! पिका, पिका !

( नन्दवतीं तलबार तीजक पिकाइ । अले अम्बपालीं गा  
वांछइ । नन्दवतीं न वांछइ । पर्सिचो ल्यूने यंका कसक  
स्वचाशी )

का, का वा !

( नह पां नन्दवतीं तलबार फइ । अम्बपालीं आघात याइ ।  
अले बुलुहुँबुलुहुँ तलबार चलयेयायां ग्यानापुसे ग्यानापुये च्वंक  
तलबारया घात-प्रत्याघात जुड । पलख लिपा नन्दवतीया  
तलबार अम्बपालीया तलबारया आघातं कुतुबनी ।

बस् ! थथे हे जुल धायेव भखा जि त्याइगु, च्वे लाइ-  
गु ! मेपिनाप मस्यु, व हे चण्डालनाप ल्वायेगु ! व हे  
छल प्रपंचया प्रतिमूर्ति पिशाचयें च्वंझ वर्षाकार  
ब्रह्मूयात परास्त यायेगु !

( अबले हे यशोवतीया प्रवेश । वे अकमकयेजुइ । अम्बपाली  
निहली )

छाय अकमकेयेजुया ? वा, छलिसे नं छक तलबार  
हितास्वये ! याकनं गाक अभ्यास यायेमाल ।

यशोवती- तर आर्या, पिने गणपति महामात्यजुं दुदाँ वयेत  
सूचित आकेहगु !

अम्बपाली- ( भस्ज वर्षें यामा ) गणपति ! जि रा सतके  
ब्रह्मागु हे ल्वमन का ! हुँ नन्दा !

( नन्दवती गा कया वनेत्यती )

छंगु तरवार ने क्या हुँ रे । आ गबले तौते मते  
आम तलवार ! ( नन्दवतीं तलवार कायेवं ) स्व, जिगु  
गा ने यंकि !

( गा काइ । यशोवतीं काचाकाचां लासा मिलयेहाइ । अले  
नन्दवती व यशोवतीया प्रस्थान । अम्बपाली ने तलवार दाके  
दुच्छइ । पलख लिपा गणपति महापालथा ल्यूल्यू यशोवतीवा  
प्रवेश । राजनर्तकी अम्बपालीं पुर्लि चुया प्रणाम थाइ । गण-  
पति अकम्कयेज्जुइ )

म्हाप्याल- राजनर्तकी ! वैशालीया सर्वश्रेष्ठ सुन्दरी ! छंगु  
ध्व वेश-भूषा खना जि आशर्चर्य जुल ।

अम्बप्याली- पूज्य गणपति ! विनिश्चय महामात्य व सेना-  
पतिया निग छथों नापं त्वादलाच्चंगु घटना खना  
आशर्चर्य मचाला छि ?

म्हाप्याल- ( अम्बपालीयात मिला फुति मयासे स्वया ) ठीक !  
ध्व हे गणतन्त्र वैशालीया अभूतपूर्व घटनां ला  
नैराशया गहून अन्धकारे लाना जिं छुं हे खंके  
मफयाच्चंगु !

अम्बप्याली- मनासिब धयादिल ।

म्हाप्याल- हानं थुजागु नैराश्य-काले हे डपगणपति वर्षाकार  
गन वं, गन वं जुइक बेपत्ता जुल । जित छुं खँया  
खबर हे मदु । जिगु शंका ला ( पलख दिना ) जिगु  
शंका ला ..... ....

( अम्बपालीयात स्वइ )

अम्बप्याली- छिगु ला शंका, तर जिगु दृढ निश्चय, पूरा  
विश्वास दु, वर्षाकारयात आ मगधपति अजातशत्रुया

फौजया न्ह्योन्ह्यो च्वनावइवले हे नाप लाइ । स्व थ्व  
तलवार ! ( तलवार पिक्या ) वयागु हे छथों त्वाहायेत  
तयार जुयाच्चंगु दु ।

( गणपतीं थगु तलवार पिक्या अम्बपालीया तलवारे सहसा  
आघात माइ )

**न्ह्याप्यालू-** अले थ्व तलवार आम तलवारया ल्यु ल्यु  
किपालुथे वयेत न्ह्यावले तयार दु । राजनर्तकी अम्ब-  
पाली ! आ जिगु आशंका पूर्ण निश्चये रूपे परिवर्तन  
जुल । गोदँतक थ्व तलवार गन खायागु ख, अन हे  
च्वनाच्चन । थौं अकस्मात् थुकिया आवश्यकता  
अनुभव जुया ज्वनावया । एन वर्षाकार प्रति मनूत्यू  
थुलि विश्वास, घनिष्ठता, संपर्कता दु कि जि निराश  
जुया सि जक भसीनि ।

**अम्बप्याली-** ( सगवं ) देवभूमि गणतन्त्र वैशालीया गणपति  
थुलि निराशाय् प्रवेश जुइगु मल्व । सास दत्तले, ह्याय्  
हि छकुति दत्तले मांदेया लागी बलिदान जुइत उत्सा-  
हित जुइमा । वर्षाकार निगू पक्षया नं प्रेम पात्र  
अवश्य जुइ । ल्वाकीद्वा मनू ल्वापिं निहसियां यइगु  
ला स्वभाव हे ख । तर व भ्रम ! गबले व भ्रम मीसं  
जनतायात थुइकाबीफइ, अबले इमिगु परस्परया तं  
अवश्य व हे वर्षाकार प्रति लावनी ।

**न्ह्याप्यालू-** तर देवी, इमित परस्परया इष्या, द्वेष, सन्देहया  
थुलि तीक्र रोगं धियाच्चनेधुक्ल कि छुं प्रकारया  
वासलं हे थी थाकुइ ।

**अम्बप्याली-** अपाय्सकं निराश जुयागु ला ?

**राणपचलि-** ख देवी, निराशा धासां ज्यू, वास्तविक खँ धासां ज्यू। अनताया बिचे धनी-गरीब, कातर-शूरवीर, विज्ञ-मूर्खया परस्परया आक्रेपं थुलि चित्त बाया-च्छने धुंकल कि शायद हे इपि न्हापाथें छहा-छकू जुइ ! मिसाया शत्रु मिसा, मिजंया शत्रु मिजं, मचाया वैरी मचा, ल्याय-द्वल्यासेया दुश्मन ल्याय-द्वल्यासे, बुहा बुहीया विपक्षवादी बुहा-बुही हे जुइ धुंकल। अब फुक्या कारण नं जिं छन्वेषण यायेधुन। थुक्यिया हा वर्षाकारया कुचक्र हे ख ।

**अस्त्रपाली-** राजनर्तकी अस्त्रपालीं प्याखं ल्हुइया सट्टा छाय् थथे हातुति संका जागयेजुयाच्वन, न्ये हालेया सट्टा छाय् थय् ततसलं हालाच्वन, तिसा व घसया थासे छाय् तलवार ह्याय् तल ? वं नं अब हे खँ सीका ख ! उखुनु यशोवती व नन्दवती हे नं फायाबिल। स्वन्हुतक इपि नमतू। यशोवतीयाके वर्षाकारं थौं छु तरकारी नया धका न्यन हँ। तर अब हे खँ न्हायूपं-लिक बना नन्दवतीया मिखा छलयेयायेथें याना खंके-चिया धाल। अले नन्दवतीं न्यंबले यशोवतीं व खँ कन, तर व गय् पत्या जुइ ! अब हे ल्बापुया कारण जूवन। जिपा जिं इमित वर्षाकारं ख्या यागु धका चित्त बुक्येयाना। तर नुगलंनुगालं छन्हु तलवार चलयेजूवनीगु, यावनेमालीगु खँ जि खं !

( गणपति महापालं ध्यान द्विया न्यमाच्वनी )

गणपतिजु ! मेगु ला छु, वर्षाकारं जित स्यंकेत नं कम कोशिश यागु मदु। गुलि गोक या जिगु प्रशंसा

यात ! प्रशंसां मनूयात याकनं थपाखे सालेगु, अले स्वार्थ पूर्ति यायेगु कुर्शज्जता वयाके गुलि दु, थव लुमंकेबले जि हे आश्र्य !

**म्हाप्पाळ-** जि नं थुजागु यको कुचक्र सीकेधुने ।

**अम्बप्पाळी-** सीकेधुन ? गबले ? सीकसीक थौंतक गय् उप-गणपति जुयाच्चंवंगु ?

**म्हाप्पाळ-** देवी, थव हे छगू ला गणतन्त्रया दोष ! जनताया भ्रम व अधिक लोकप्रियताया म्होने जिगु छु खँ सत्य जुइ ! थव विषये बिचा यायां घटनाचक्र थन ध्यन, धुलि विषमताय् ध्यन !.... छ धात्थे राजनर्तकी मखु, रण-दुर्गा ख—राजनीतिया बिदुषी । धा, आ गय् यायेगु ?

**अम्बप्पाळी-** गणपतिजु ! थव जिगु प्रशंसाया समय मखु । थव ख विषम अवस्था ! वैशालीया स्वतन्त्रता धिति-धिति च्चंनाच्चंवंगु त्तण ! मीगु स्वतन्त्रे लीन जुयावंपि शहीदत नं ग्यानाच्चंवंगु ताल ! आ छु यायेगु- थव जि गय् धायेगु ? जित राजनीतिक चेत्रे छु अधिकार दु ?

**म्हाप्पाळ-** देवी रण-दुर्गा ! छंत जित स्वया नं अप्पो अधिकार दु । धा आ गय् यायेगु ?

**अम्बप्पाळी-** अनेक धन्यवाद ! तर जित उक्तिमछि म्हा । ज्या यायेत जक समय ब्यु । आ गय् यायेगु धयागु खँयात याकनं नायँक्कि च्चयेका महासन्निपाट यायेमाल का । नगर, प्राम जनपदया प्रत्येक नागरिक उपस्थित यायेगु आवश्यकता दु ।

**महापाल-** तर देवी, एव ज्याय् सफल जुइत आपालं प्रयत्न  
यायेमानि । मखुसा सुं मूँवइ मखु ।

**अम्बपाली-** छाय् ? मवइगु छाय् ?

**महापाल-** वर्षाकारं उखुनु विसिधने न्हो एव पुक ज्या  
यानावने धुंकल । महासशिपाटया निति स्वक नाय् खि  
च्चयेकलं नं मनूत नीडवे छब्ब हे ममुं । गुलिसिनं  
बल्लापि जक वनी धाल, गुलिसिनं ध्यबा दुपि वनी  
धाल, गुलिसिनं झां दुपि जक वनी धाल । हानं  
गुलिसिनं जिपि नं ध्यबा दुपि ख धापि फवगीत  
वनी, गुलिसिनं जिपि नं बल्ला धापि वनी धका  
ताम्सा स्वत । गुलिसिनं जिपि नं झां दु धापि मूर्खत  
वनीगु स्वये धाल ।

**अम्बपाली-** ( विरक्त व विरही भ व ) जिं एव क्षु न्यनाच्चना ?  
जित क्षु न्यंकाच्चना गणपतिजु ? एव देवभूमिया  
पतन थनतक जुइधुंकलला ? ... ( तम ) वर्षाकार  
चण्डाल !! छं वैशालीइ स्वतन्त्रताया दुगक्वेँ त्वथु-  
लेगु स्वत ! एकताया सुका चचकुत । पुक अपरि-  
हार्णीय धर्मे कुमंत्र प्रवेश आनावनेधुंकल ! छंत ला  
छंत !

( वा कुरु - कुरु न्हृइ )

**महापाल-** प्रयत्न थासा अभ नं यको सुधारया सम्भावना  
व आशा दनि ।

**अम्बपाली-** सम्भावना ? सम्भावना जक छाय् निश्चय  
सुधार जुइतिनि, गणपतिज् ! वैशाली गणतन्त्रया  
गणपति महापालया म्हुतुं थुलि निराश व आशंका-

पूर्ण स पिहाँ वगु न्यना जिगु थव हृदय दुकाटुक्रा  
 जुल। बर्षाकार !! छ साप छल प्रपंचया विज्ञ ! तर  
 राजनर्तकी अम्बपालीं थत छ स्वया गबले कम सम-  
 क्षये मजू ! छं एकताया सूत्र चचमच फुनाबन। आ  
 जिं व स्वातुस्वाना छंगु आम पापं ग्वारा जुयाच्चवंगु  
 छथों धूधू जुइक न्हुइकेत थनाहयेतिनि ! अले ( तुति  
 बस्वाना ) थ्वात्तुध्वाना थव तुतिया भकुंगवारा याये-  
 मानि ! ( गणपातपाले स्ववा ) गणपति महापाल !  
 याकनं विनिश्चय महामात्यया काय देवदास व  
 सेनापति-पुत्र कुमारयात इमि अबुपिनि पद बिया  
 पितृहत्याया पलिसा कायेकेव्यु ! गणपिनि भ्रम  
 मदयेकेत माको प्रयत्न या ! निराश जुइगु छाय् ?  
 सास दत्तले आशा !

**महापाल-** राजनर्तकी ! छ धात्थें रण संचालिका जुइबहङ्गा  
 स्व। आ जित छुं भय मंत ! गणपिनि भ्रम मदयेकेत  
 छंगु आम रूप व शब्दया कारण हे थजु छं आपा  
 लोकप्रियता प्राप्त याना ज्या यायेकु ! उकिं छ हे थव  
 भाला कायेत योग्य जू।

**अम्बपाली-** आज्ञा ! थव जिं यायेगु जुल !

**महापाल-** बस्, आ थव बुद्ध शरीरयात मेगु बल म्वाल।  
 बलागु छपु तुतां दत ! रण-दुर्गा, हति आम तलवार  
 छक !

( अम्बपालीं तलवार बी । व दे तलवारं थगु पचिने घा  
 याना हि पिकया न्हापां तलवारे तिकि नंकी । अले अम्ब-  
 पालीमात सिन्ह तिकी )

बने का आ रण-चिंडका ! संमय आपा मदु, ज्या  
यको दु । बजी गणतन्त्र !

**अम्बपाली- अजर-अमर जुइ !**

( गणपतिया प्रस्थान । अम्बपालीं तलवार छक हीकी )

**स्वये, छु छु जुइगु ख, गय् गय् जुइगु ख !**

( अम्बपाली तलवार संकुसंकु बनी )

—: ♫ :—



✽ २ ✽

( संस्थागारया लिक्सं च्वंगु रथ । भतिचा धर्यायाय् माल  
च्वयातगु दु - 'राजनर्तकी अम्बपालीबा मावहान म्ये' । मनूत  
मुनाच्वंगु दु । गणपति महापालं धयाच्वनी )

**महापाल- स्वतन्त्र नागरिकपि ! राजनर्तकी बइन, राज-  
नर्तकी बइन । पुलख धैर्य ति ।**

( विनिश्चय महामात्यया वेशो देवदास व सेनापतिया वेशो  
कुमारबा प्रवेश । पनख लिपा अम्बपालीया सैनिकया वेशो  
प्रवेश । वयाके शृंगार आदि छुं मदु । हाय् तलवार दु )

**अम्बपाली- गणतन्त्रया बीर नरनारीपि ! थौं जित थव  
वेशो खना सकलें त्वह्येचाल जुइ । तर देशयागु  
परिस्थितिपाले स्वयेव छुं आशर्चर्य चायेमागु ला**

[ १२७ ]

मदु सक्सिनं हे स्यू जुइ, मगधया अधिपति अजात-  
शत्रुं फीगु थव देशो आक्रमण यायेत तयार जुया-  
च्चंगु दु ।

नागरिकपिं थव जिमिसं स्यू ।

अम्बपाली- स्यू ! गय् स्यू ? गबले सिल ? सुयां ह्यू शस्त्र  
मदु, सुयां ख्वाले वीरताया भक्तक मदु । छाय्, छु  
कारणं ? थन जि आह्वान म्ये न्यंकेत ला वया, तर  
व मनोरञ्जनया निंति आह्वान मखु, युद्धया निंति,  
विद्रोहया लागी, शक्ति संचयया कारणे, सकले छपुच  
जुइत आह्वान म्ये न्यंकेत वयाह्वा ख । थव तलवार  
( तलवार पिकया ) छाथ् जिगु ह्यू च्चवँवल ? जिगु  
शरीरे ला नाना अलंकार व कोमल वस्त्र दयेमागु  
ख । तर, थव तीव्रण तलवार छाय् ? राष्ट्र बचये  
यायेत अलंकारया सट्टा थव तलवार ह्यू च्चवँवल,  
देवभूमि परतन्त्र मयायेया कागी कोमल वस्त्रया थाय्  
थव सैनिक वेशं काल, गणतन्त्रया म्ये सदां हाले  
दयेकेत थव जिगु विनम्र, मनोहर जुइमागु स नं थथे  
तस जुयाच्चवन । स्वतन्त्र देशया नागरिकपिं ! थव  
समय हिलेगु व प्याखं लहुइगु मखु; वथें ल्वायेगु  
व रुयायेगु समय नं मखु । विदेशी हस्तक्षेपं बचये  
जुइत सकले दैँ ! न्युलं चायेफि !! मिखा कना स्व !!!  
अले हातं तलवार व भाला ज्यैं, मखुसा फीगु देश  
परया पाखे पददलित जुइ !

नागरिक २, से ह्या- पददलितया विरुद्धे ल्वाये मासा  
बीर धापि ल्वावइ का ! जिपिंला ग्याफरात ।

अम्बपाली- ग्याफरा ! ग्याफरा ! सुनां धाल ? गबले धाल ?

स्वतन्त्र देशया वज्जी वीरपित सुनां ग्याफरा धाल ?  
थव स्वतन्त्र देशो गवलेनिसे ग्याफरातेसं, कातरतेसं  
पला तक ? गवलेनिसे मूर्खत दत ? ... गवले मदुनि !  
गवले मदुनि !! गवले मदुनि !!!

न्नारारिक्त २ ह्य- वज्जी गणतन्त्रया बीर धापिसं धाल ।

अस्त्रप्ताली- गवले धागु, गन धागु ? थके हि छफुति  
दत्तले परया हस्तक्षेपया विरुद्धे दनीषि, ल्वाइषि  
वज्जीगणतन्त्रया वीरपित सुनां थय् धाल ? छु  
छिमिगु न्होने धागु खला ?

न्नारारिक्त ३ ह्य- धाल का वर्षाकारं ! गणतन्त्रया उपगणपति  
हे धाल ।

अस्त्रप्ताली- हः, न्यै ! स्वतन्त्रताया प्रेमीषि ! थव वर्षाकारया  
कपोल कल्पित खै ख । वर्षाकारं थवंथ ल्वाका झीगु  
गणतन्त्र देश कथुइ मथाक नयेगु चिचा यागु ख ।  
अकिं छिपि थवंथ ल्वानाच्चनेव तुकिं पुइस्वाक फसं  
पुइकीथे थव गणतन्त्र देश परतन्त्र जूवनी । वर्षाकार-  
यात छिमिसं स्यूला ? व गन बन आ ? गन बन व ?

न्नारारिक्त २ ह्य- वैशालीया विद्वेष भावना खना, वाक  
बया गनं जंगले बन ।

न्नारारिक्त २, ३ ह्य- ख, ख, विनिश्चय महामात्य व  
सेनापति छन्हुं हे अभूतपूर्व हृषं मृत्यु जूगु घटनां  
ग्याना उदास जुया जंगले बनजुइ का मखुला ?  
( देवदास जुरुक्क बनावड । वया सबा ह्याउसे च्चनेधुंकी । तर  
राजनतंकीं पनीरुलि फेतुइ )

अस्त्रप्ताली- जंगले ? वैशालीया विद्वेष भावनां वाक बया

जंगले वन ! बिज्ञा, स्वतन्त्र प्रेमी, बीर नागरिकपि !  
 गुलि याँड़क धयागु छिभिसं ! हायूध्यनं मस्यू,  
 हिकालं मस्यूपि जुइ मते ! न्यैं, हायूपं बांकाक  
 चायेका न्यैं । वर्षाकार फुक ज्या-खैं ईद्यालं थपाखे  
 स्वका वन । ( जोश पिकया ) वर्षाकार ! व ला पशुका !  
 नीच का !! चण्डाल का !!! वयात जंगले मसु,  
 अजातशत्रुं युद्ध सेना ज्वनावहबले, सेनापति जुया  
 वयाच्चवनीवले नापलाइ का, खनी का ! नागरिकगण,  
 वर्षाकार नीच ख ! गुह्यसिनं वैशालीया गणतन्त्रया  
 निर्मल स्वच्छ पुखुलिइ छह्य पशु जुयावया ल फोहर  
 यानावन, वैशालीया एकताया सूत्र चक्रफुनावन वया  
 प्रति छिभिगु थुज्जागु विश्वास खना जिगु विचार शक्ति  
 हे शून्य जुयावन । वर्षाकार ला गपते खिपतं चिना  
 धौबजि नकूल्य का, ग्वायू पुया बिन्ति याद्य का ।  
 गणतन्त्रया प्रशंसा यायां स्यंकूल्य, स्यंकेधुंका जंगले  
 बनेगु धका धेखा बिउद्ध नीच का ! स्वतन्त्र प्रेमी !  
 वं मीत मीगु विद्वेष भावना खना जंगले वना धका  
 मुस्या ग्ययेकावन ।

( पलख दी । हानं जोशं हे धाइ )

ज्वैं ! तलबार ज्वैं, आतले लानि !! खालि हातं च्वने  
 मते । सुनानं सुयातं ग्याफरा धागु मदु । थव वर्षा-  
 कारया कुचक ख । वैशालीया प्रत्येक मचा, ल्यायूङ्ग,  
 ल्यासे, बुहा, बुही बीर ख । सु वयेत्यना इमि  
 न्होने ? उकिं नुँ, युद्ध-भूमिइ बने ।

नागरिक १- तर जिपि गरीब ख !

[ १३० ]

**नागरिक रह्य-** जिमित स्वतन्त्र-परतन्त्रया वास्ता छाय् ?  
**नागरिक १ ह्य-** मासा धनीपि बनी का ! धनया घमण्डु  
दुपि बनी का !!

**अम्बपाली-** ( तसकं ) अब हे ला भ्रम ! सुनां धाल वैशाली  
गणतन्त्रे दुने धनी-गरीबया भेद दु धका ? अब भेदं  
कीगु राष्ट्रिय ज्या-खँ छु जूगु दु ? धनी, गरीबया  
दुःख न्हथना परतन्त्रया दुःख न्यानाकायेगु ला ?  
मसुसा हृदये शक्ति संचय या, ( वा न्हया ) वा  
कुरुरु-कुरुरु न्हया देश परतंत्र मयायेत फुफुगु शस्त्र  
ज्वना शत्रुनाप ल्वायेत तयार जु !

**नागरिक २ ह्य-** शोषिततेसं साम्राज्यवादया विरुद्धे छाय्  
दनेमागु दु ?

**नागरिक ३ ह्य-** ख, ख, जिमिके....

**अम्बपाली-** ( खं त्वाहाना ) हे गणतंत्रया स्वर्गीय बीरत !  
छिमिसं अब स गव् न्यनाच्चवना ? गय् न्यनाच्चवना ?  
ता ला गय् धाल ? छु धाल ? इमित छुया वास्ता हँ !  
( पलख निस्तब्ध ) नागरिकपि ! अब फुक स बीर  
पूर्वजपिसं— गुमिसं गणतंत्रया लागी थगु प्राण  
अर्पण यानावन इमिसं— मतायेक तसकं हाले मास्ते  
व। चिलाय् दना हाले मास्ते व। तर अब म्हुतुइ थुलि  
शक्ति मदु। अब हाते थुलि ताकत मदु, अन्यथा  
याकचां युद्धया प्रतिकार याये। शोषण- शोषितया,  
धनी-गरीबया खं देश परतंत्र यायेगु ? हानं थन  
सुनां शोषण मया ? लाख दुम्हं दो दुक्षसिके, वं नं  
व स्वया कम ध्यवा दुपिंके शोषण यानाच्चवन | अब

समस्या समाधान यायेमा ख, म्हा धका नं सुनां  
 धायेछाली ? मीझी मिलयेजुया याये । छु ध्व हे  
 कारणे थगु देश सहित मेपिसं शासन याकेबीगु ला ?  
 हानं मीगु स्वर्वे तकं मेपिसं आधिपत्यं जमयेयावइगु  
 दक्षिणे तधंधु शोषण मखुला ? ( भृति गम्भीर जुया )  
 स्वतन्त्र नागरिकगण ! मीपिं हापा गुजापिं ख ? आ  
 गुजापिं जुल ? लिपा गुजापिं जुइगु ? हापा छी सक-  
 सिके बीर व ग्याफराया बैमनध्यता, धनी व गरीब-  
 या शत्रुता, ज्ञानी-मूर्खया बैरीपम मदु । आ दयेका-  
 हयेगु ला ? लिपा नं दयेकावंवनेगु ला ? लुमंकाति,  
 दयेधुंकुगु गुण मदयेकाव्यये मज्यु, मदुगु जक  
 दयेकाहयेमा । अकिं वांछ फुक वर्षाकारया देन !  
 वयात बांलाक छासीकि । व अजातशत्रुं पितिना बद्ध  
 मखु, पितिका बद्ध ख, पितिका ! मीगु सहानुभूति  
 कया मीत तुं कफायेत बद्ध छली ! नीच ! वयात ध्वं  
 ( तलवार लह्ना ) निकू थली ! वं छु पुसा पिल व हे  
 सइ । मी जक ला व लुसिथें जाना शत्रुया मुकाबिला  
 यावनेनु ।

**नागरिकपर्व-** तर जिमिके बांलागु शस्त्र मदु ।

**अन्नप्रपाली-** श्यावास गणपिं, श्यावास ! श्यावास !! हापां  
 मने शक्ति हति । अले शस्त्र नं पिहाँ बइ । नयेत  
 ग्याचं पनी मखु । सु बहादुर ख वयात शस्त्र दु,  
 वयात सुनानं परास्त नं यायेफङ्ग मखु ! ध्व देवभूमि  
 स्वतन्त्र राष्ट्रया मनूत बीर ख, उद्योगी ख, समान  
 ख । अले भगवान बुद्धं हे मीत गायतिल देवतोकया  
 गणया उपमा ड्यूगु ल्यमनला ? ( पचिन सुया ) ध्व

व हे स्थान ख । हानं भीपि व हे बार पूर्वजपिनि  
 सन्तान ख, सुनां थव संस्थागारया निर्माण यानावन ।  
 हानं गुगु थासे शंखनाद व घणटनाद जुइव सुं छङ्ग  
 ल्यायद्व इ छेँ मदयेक तलवार, भाला आदि शस्त्र  
 ज्वना लुखाय्-लुखाय् दँवह, सकलें तितिम्हुया थइ,  
 ह्वा तमं खाकाच्वनी, मिखा कोधं अस्थिर जुयाच्वनी,  
 वगु विपत्तिलिसे थगु हृदये स्पन्दन दत्तले, शरीरे  
 चेतना दत्तले ल्वाइ व हे थासे च्वंपि झीपि ख । तर  
 थौं जिं थव छु स्वयाच्वना— आह !

( इवा त्वयुइ । पलख निस्तब्ध । अले देवदासं धाइ )

**देवदास-** गणतन्त्रया पासपिं ! झीत थगु मेलमिलापे,  
 शान्ति सौन्दर्ये अभिमान दु । थुजागु छुं मदयेका  
 ज्वंकाच्वने, चिकाच्वने, कुंकाच्वने सुयाय ? ज्वंका-  
 च्वनेगु मध्ये परतन्त्रं ज्वंकाच्वनेगु मञ्यू, चिका-  
 च्वनेगु मध्ये सुं बिदेशाया व्यक्ति बिशेषया म्हुतुया  
 विधानं चिकाच्वनेगु मभिं, कुंकाच्वनेगु थगु इच्छा व  
 जानीय उत्थान कार्य छुं याये मजीक छैथाय छगू  
 विचारे हे सीमित जुयाच्वनेगुयात धाइ । चिकाच्वने  
 सुयाय ? छङ्ग सिचायात विनाति, व गुलि सनी  
 मेमेपिथें जुइदयेकेत ! छङ्ग फंग कुनाति, व गुलि खबइ  
 मेपिथें स्वच्छन्दं व्ययाजुइ मदया ! अले झी ? पशुं  
 ला अभ्यस्त जुइव परतन्त्र सहयाइ ! तर मनू ?  
 बयात ला वौद्धिक विकासया आवश्यकता दु । अले  
 झीगु देशया शासन मेपित याकेबीगु ? अजातशत्रु-  
 यात याकेबीगु ? स्वतन्त्र प्रेमीगण ! झीगु स्वतन्त्रता

हे भीगु जीवन ख । व हे भीगु स्वतन्त्रता-प्रेम थौं  
 छह्या छली बंजालं थकये यानायंकल । भीगु परस्पर-  
 या प्रेम व एकता नं व हे बंजालं यंकल ! क्रोध व द्वेष  
 विद्या प्रेम व एकता यंकल । अह्नान विद्या ज्ञान  
 यंकल !

**नागरिक २ ह्य-** व छली वंजा सु ?

**नागरिक १ स्त्व-** व छली वंजा आ गन वन ? गन यंकल  
 वं ?

**देवद्वास-** यंकल, यंकेधुंकल ! भीगु मातृ-भूमिया नितिं  
 बलि जुइगु विचार, स्वतन्त्र-प्रेम, परस्परया प्रेम, मैत्री  
 फुक्कं व हे बंजालं यंकलं । व बंजा सु स्यूला ? व  
 छली ख भी विश्वासपात्र वर्षाकार ! उकिं भीसं  
 वयात लिना, हत्या याना लिनकयाहये । सकलें छक  
 तलबार उवनावने ! युद्ध-भूमिइ भीसं वयात धोदुइ ।  
 .... आ छक धा — वज्जीगणतन्त्र !

**नागरिकपिं-** अजर-अमर जुइ !

**देवद्वास-** पासापि ! जिमि अबुजु विनिश्चय महामात्य व  
 सेनापतिया गुगु हत्याकाण्ड जूगु ख, उकिया रहस्य  
 नं थुइकेधुन । श्व उयाया अपराधी व हे छली ख !  
 उकि वा, छलं भीगु देवभूमि गणतन्त्र काये धका  
 वपित क्यनाबी, वैशाली कायेगु चन्द्र-सूर्य कायेथे  
 ख, मचायाके च्वंगु छगू हिवसा कायेथे मखु धका !  
 उकि� तु युद्ध-भूमिइ !.... आ हानं छक धा— दज्जी  
 संघ !

**नागरिकपिं-** विजय व विजयी जुइ !

**अम्बपालो-** ( न्होने वया ) श्याबास ! नागरिक, वज्जीगण  
अजर-अमर जुइगु, वज्जीसंघ विजय-विजयी जुइगु  
ज्या व खँ जनद्रोही, गणद्रोही, देशद्रोहीया विरुद्धे  
ल्वायेगुल्ली च्वनाच्वंगु दु । उक्ति नु कीपि तयार  
जुयावने । रण भेरि झंझं सत्तिनावयाच्वंगु दु ।  
विपक्षी दलया तलवार मीगु गपते लाइथे-लाइथे  
च्वंच्वनेधुंकल । तर ग्यायेम्पा । ग्याइपि मीपि मखु ।  
बीरगण ! न्यँ, सफले आद्वान म्ये न्यनेत वर्ति ख ।  
ध्व, जिं न्हाच धाये हे धुन, मेमेगु आद्वान म्ये मखु,  
राजनर्तकीया आद्वान म्ये मखु धका । ध्व ख रण  
प्रेमी अम्बपालीया बीर आद्वान म्ये । का हानं छक-  
गेणतन्त्रया !

**नागरिकपिं- जय !**

**अम्बपाली-** भचा तस्सकं धा— वज्जीगणतन्त्र !

**नागरिकपिं-** ( सोल्लास व तस्सकं ) अजर-अमर जुइ !

**अम्बपाली-** अझ तस्सकं— वज्जीगण !

**नागरिकपिं--** विजय-विजयी जुइ !

**अम्बपाली-** बस् ! आ स्वयं काल हे वसां सुं छह्य गण-  
तन्त्रया नागरिकयात युद्ध-भूमिं लिचिकेफइ मखुत ।  
का नु, साम्राज्यवादीतनाप ल्वावनेनु । ध्व हे जिगु  
आद्वान म्ये ख ।

—: o :—

✽ ३ ✽

( मगधगा राजप्रासाद । राजर्षी वेश सम्रात् अजातशत्रु मूल  
सिहासने केतुना बिचारे लीन जुयाच्चन । दना इधूषिधू जुइ ।  
बिच्चे दिना थाइ )

**अजातशत्रु-** मस्यु, विजय जुइगु खला पराजय ! सिंहलिसे  
बनया मेमेपि पंछीत आक-याक ल्वावनेगुथें एकताया  
न्होने ल्वावनेगु जुइगु खला !.... वर्षाकार ! छं  
तछं धानावगु, त्वथुलावगु एकता हानं बिपस्तिकाले  
राष्ट्राय प्रेमया क्लिसलं भू हे सी मदयेक स्वानाच्चने  
धुंकल ला छूँछू ! छं-भुलिमुलि जुइक खुनावगु स्वतंत्र  
एकताया पताका हानं सुया ब्वयेकातयेधुंकल ला  
छूँछू !! अब प्रवृत्ति नं थुलि ज्या यायेफु, थुलि बल्ला  
धकु जिं गबलें मनिइ मतया । गौतम बुद्ध धासा  
थव हे मदयेकेगु शिक्षा बी, मदयेकेफुगु दावा नं  
आनाबिज्याइ । ( छहा चर पुरुषया प्रवेश जुइब उत्सुक  
भावे ) छु खबर दु ?

**चर-** महाराजया जय ! छुं चिन्तनीय खँ मदु । राजनर्तकी  
अम्बपाली हे अब युद्धया संचालिका ख ! गणपति  
महापालया नायकत्वे युद्ध जुया हे च्चन । गणतन्त्रया  
भूमिइ मगध सम्राट्या अधिकार पल्लपलपत्ति सैनि-  
कतेसं बढयेयानावनाच्चंगु दु ।

**अजातशत्रु-** मेगु छुं बिशेष समावार ?

**चर-** मेगु खँ, महासेनाध्यक्ष वर्षाकारं लँय् बिच्चे हे छुं भति

सैन्य सहित बिश्राम यात ।

अजातशत्रु- ( आश्चर्यं चाया ) अले युद्ध सञ्चालन ?

चर- युद्ध सञ्चालन सेनाध्यक्षं यानाच्चन ।

( अजातशत्रु भुजये जुइ )

अजातशत्रु- अले मेगु छुं खै ?

चर- महाराजया जय ! मेगु ला ..

( पलख सुंक च्वनेधुंका 'एसा हैं' धका अजातशत्रुं धायेवं चर पुरुषया सादर पूर्वकं प्रस्थान । अजातशत्रुं पलख सुंक च्वनी । अले इधूथिधू जुइ )

अजातशत्रु- वर्षाकार ! छंगु कुचक गुजागुजागु रूपं चाह्यु  
मस्यु । छंगु विचार गुखेगुखे व्वा ! तर थुलि ला  
बिचा दु, छंगु विचारे निखें धार दु । छाय् छ दिना ?  
विजयया आशा मदया ? जित न सूचना वगु मखुनि  
युद्ध-भूमिइ पला तयेत । छाय् ? मखु, थव छं न्हापां  
हे अनुमान यायेफु । अले छं छाय् थ मब्बासें मेंपि  
व्वाका ? छ धात्थें मिखाय गां चीत, धलंधलं व्वाकेत  
बृहस्पति हे ख । स्यंकेगुली शनिश्चर !


( पलख सुंक च्वना इधूथिधू जुइ । छयों नं संकी मानो वं खै  
थुल )

तर वर्षाकार ! छंत नं महत्वाकांक्षां व्वाकातल । अले  
ला दंदं जा-केै नयागु पलेसा पुळेग् सट्टा युद्ध-भूमिइ  
व्वाकल । अले जित ? ( पलख सुंक च्वना चीसकं )  
बुद्धयाथाय् वना पितृहत्याया पश्चाताप नं शान्त याये-  
धुन । एनं जिं जित थामयेयाये मफु । जित व्वाकातल

वैशालीया सर्वश्रेष्ठ सुन्दरीयात रानी यायेहयेगु  
 इच्छायूष सुनानं त्याके मफुगु, सगर्व छथों लह्नना-  
 चवंगु वैशालीइ छक पला तयेगु, नहुइगु, बिजयी  
 जुइगु कामनाय् । स्वये, गय्गय् जुइ ! स्वये ष वैशा-  
 लीया सुन्दरी राजनर्तकी अम्बपाली !

( पना छिना थुखे वइ )

- : o : -



( अम्बपालीयागु व हे कोठा गन गीत व नृत्य जुइगु ख । तर  
 थों अन नाना शृंगार मदु । बीणा छग पूर्वस्थाने हे दु ।  
 अम्बपाली इधूयिधू जुयाच्चन । बधाके शृंगार व अलंकारया  
 सट्टा सैनिक पोशाक दु, तलबार भेरयेय नातगु दु । खवाले  
 बीरताया स्पष्ट चिं दु । बिजय सिद्ध कपाले दु । अकस्मात्  
 वया मिला अंगले खायातगु बीणाय् वनी )

**अम्बपाली-** यशो ! ( पलख प्रतीक्षा याना ) ओ यशो !  
 यशो !!

( यशोवतीया प्रवेश )

अशोवती- जित सतादियाला ?

**अम्बपाली-** स्व, स्व व ( पचिनं सुया बीणा वयना ) व छग

[ १३८ ]

गयू ल्यंगु ? छधाय गनं ध्याकुने तयेयंकि ।

यशोवती- आर्या, थव बीणा जुया.... ।

अस्त्रप्ताली- बीणा जुलं छु ? थव बीणाया फंकार पिकायेगु  
समय मखु, तलबारया टंकार पिकायेगु समय ख ।  
मधुर गायन न्हि छधायेगु बखत थव मखु, थव ला  
बीरतां जागु बीरगाथा ब्वना लिमलागु बखत ख ।  
( भचा जोशं ) हुँ, छु स्वयाच्वना ? यंकि थन बरु  
दाल व तलबार खायेहति ।

( बीणा जवना यशोवतीया प्रस्थान )

मस्यु, युद्धे नं छु जुन थे ! ध्यानाच्छयागु, थुइका-  
वियागु कुमंत्रया प्रभाव मारयेयानागु गाला, मगाला !  
बर्षाकार युद्ध भूमिइ ला खंके, अले जिगु प्रयत्न  
बांलाक है सफल मजूसा ! वयागु ख्वा खनेवं है  
बज्जीपिके व है न्हापाया एकता, शक्ति फुकं जिहां वइ ।  
तर व कूटनीतिज्ञ युद्ध-भूमिइ है मवयाबी धयागु  
भय छता दु । वैशालीया हलू-पालु थस्हं स्युसां मेपिं  
बछाहइ ! कना जक हइ !... नन्दवती !

( यशोवतीया प्रवेश । ढाल, तलबार जवनावया न्हापा बीणा  
खायातथाय् खाइ )

नन्दवती गो ?

यशोवती- लुखाय् पा च्वंच्वन ।

अस्त्रप्ताली- ( भुलये जुषा ) एसा म्वाल । बरु हुँ, छ नं वना  
थगु प्रांगण्या रक्षा या । कम-से-कम युद्ध भूमिइ  
मिजंब वैसेली छेँया रक्षा ला मीसं यायेमा । गनं  
विच्चं वसा ल्वायेत ताकत ला थके दयेकाच्वनैमा ।

बना स्व संघर्षा प्रधान संस्थागाएव प्रासादया रक्षा  
षांलाक जुयाच्चं लाकी मच्चं । ... हुँ म्बाल !

( यशोवती वनी । घोपलख अम्बपाली आकुल-ब्याकुल रूप  
इधूथिधू जुइ । दिना धाइ )

मस्यु, इत्र वज्जीपिनिगु देवरकते पिशाचत्वया कीटाणु  
दुहाँ वनेधुंकुगुया बास यानागु जीला, मजीला ! युद्ध  
भूमिया समाचार नं गो आतकं ध्यंगु मखु ! बृद्ध  
गणपति छु जुल थेँ !

( हानं इधूथिधू जुइ । हानं दिना धाइ )

गो, द्यो ख्युँईन ! अम नं छुँ ख्येया खबर हे ध्यंगु  
मखु ! थथे ला जुइ हे मदुगु ! .... जुइ हे मदुगु !  
अवश्य सुँ छक्का ला बयेमागु ख । गण नायकं अवश्य  
सुँ छक्का बछयेहयेमागु । शायद... ( इधूथिधू जुं ) अहँ,  
ध्वं जि भतिइ हये हे योग्य मजू । शरीरं बृद्ध जूसां  
मन बलायेत्र मन बमलापि ल्यायद्वित स्वया छु कम  
जुइ ? ख, शरीर ता दयेवं अर्जर जुइ, तर अनुभव ला  
मंकं हष्ट-पुष्ट जुइ !

( अहा सैनिकया प्रवेश । वया सास हे की मफु । अम्बपाली  
लिङ्क वनी )

ध्वाँय् वयागु ला ? छाय् ? छु खबर दु ?

स्वैनिक- युद्ध-भूमिया समाचार साप जटिल, साप  
दुःखपूर्ण !

अम्बपाली- साप जटिल, साप दुःखपूर्ण !

स्वैनिक- युद्ध-भूमिइ वर्षाकार मदु ।

**अस्वप्नाली- अते ?**

**सैनिक-** उकीसनं मगधया सिपाहीत बिना कारणं आक्रमण  
यावगुया पलिसा कायेनु धाधां वयाच्चन । फौज नं  
यको दु । सल, किसि नं यको हे दु ।

**अस्वप्नाली- धा, धा, याकनं धयायंकि । अँ अते ?**

**सैनिक-** अले नागरिकत गुलिसिनं धोखा जुल धका शस्त्र  
वांच्छत, गुलिं अन तुं दित, गुलिं ला बिसि नं वन ।

**अस्वप्नाली- गणपति महापाल गन वन ले ?**

**सैनिक-** अन युद्ध भूमिइ हे दु । सकसितं वर्षाकार ल्यूने दु  
ल्यूने धयाच्चन । आक्रमण इमिसं यावगु ख, इमिगु  
म्हुतुया बीरगाथा धूर्त, कानरतयूगु गाथा ख, इमिगु  
गाथां बीरताया उपहास आनाच्चन, व ला जालि खँ  
जक ख धका हालाच्चन ।

**अस्वप्नाली- अते ?**

**सैनिक-** मेगु खँ, गुलिं फौज बाया पश्चिमपाखे वन । उकिं  
कन्हे कीगु फौज नं न्हूद्ध सेनापतिनाप उखे हे छ्यये-  
त्यन ।

**अस्वप्नाली- मेगु छु खँ दु ?**

**सैनिक-** मेगु ला छुं मदु ।

**अस्वप्नाली- अयूसा हुँ, थतथे वना पश्चिमपाखे वनेत्यंगु  
फौजयात उत्तरपाखे छ्ययाव्यु धा । पश्चिमपाखे  
छ्ययेगु आपश्यकता मदु ।**

**सैनिक- छायू ?**

**अस्वप्नाली- छायू ? इपि अन वइ मखु । साम्राज्यवादीया**

खँ व बुद्धि फुककं वैशालीयाथे मखु । उपि कि दक्षिणं  
वइ कि उत्तरं, हानं इपि गुगु दिशां वइ वया चुलिं-  
चूगु दिशां अजातशत्रु व वर्षाकार वइ । अजातशत्रुं  
मगध तोतेधुंकल । जि स्वयं दक्षिणपाखे वने । का हुँ  
याकनं !

( सैनिकण प्रस्थान )

गुगु जित आशंका दु, व हे जुल । तर वर्षाकार ! छ  
स्वकु हाकसा जि गुँकु हाक जुड्फु । युद्ध लेत्रे हा  
तयेधुंका आ जि जक लु तप्यनाच्चनीला ? युद्ध !  
छल प्रपञ्चया खेल व हत्याया व्यवसाय सिवे मेगु छु  
जुइफइ ?.... यशो !

( पलव इधूर्थिधू जुइ । यशोवतीया प्रवेश )

विनिश्चय महामात्य देवदास रुति ।

( यशोवतीया प्रस्थान )

दं हं ल्वाहत्तें जक बूद्धसित लित्तु लिनाजुइ । मनुखं  
नं छु एव हे स्यनाकागु ला ? मखु, मखु— पतन  
जुइव पशुयासिकं पतन जुइमहं वयागु नकल याये-  
मागु मढु । या हे यासां घटीबढी यायेत वयात छुं  
थाकुगु ज्या मखु ।

( देवदास या प्रवेश । नापं यशोवतीया )

देवदास ! स्व, एव गुह व गणतन्त्रया प्रधान भवन  
हानं संस्थागार एवं शास्त्रागार आरक्षाया भार जिं  
छिंत बिया । दक्षिणपाखे जि हे मवसे जीथें मच्वन ।  
अनं शायद अजातशत्रु व वर्षाकार वइ । उत्तर व  
पूर्वपाखे वना हे च्यंगु दु । पश्चिमपाखे आ थत्थे  
छुं संकट मढु ।

[ १४२ ]

**देवदास-** ज्यू, जि थुकिया लागी तयार जुह । थव शरीरे....

**अस्त्रपाली-** ( आरचं चामा ) धा, छाय् दिना ?

( छह मनूया प्रवेश । मनुखं च्वयातगु छगू ताल-पत्र बी ।  
अम्बपालीं कया बडनी । अले देवदासयात बी )

स्व, जेलया व्यवस्थापकं बियाहगु ! ( मनूयात स्वया )  
ज्यू हुँ, तोताब्यु धा ! बहु पश्चिमपाखे बछयाब्यु धा ।  
इपि अपराधी जुया भयार्खानाय् च्वंसां राष्ट्र प्रेमं  
युद्ध भूमिइ वनेत तयार जुल । थव बधन स्वया  
गुलामीया बन्धने च्वनेमालीगु तच्चो नं ख । मस्तिष्क  
दोषं बा विशेष कारणं अपराध जुल, एनं सुयाके  
थुजागु विवेक, देश प्रेम, जन प्रेम, गण प्रेम दु वयात  
शत्रुनाप ल्बायेगु गय् हनन यायेगु ? हुँ, तोता  
पश्चिम पाखे बछ फुक !

( व मनू वतेत्यनीबले हे मेह्म मनूया प्रवेश । वयाके नं ताल-  
पत्र छगू दु । अम्बपालीं कया स्वइ । अले देवदासयात बी )

ठीक जू, भावनायात थामयेमाये मफया, हृदय  
अब्यर्थित जुया उन्मत्त जुल । वेदनाया तोरं शरम  
व विवेक एवं विवेचन शक्ति चब्बुत । आ राष्ट्र प्रेमं  
स्वानांबल । हुँ, तोता पश्चिमपाखे बछ ।

**सन्दू १-** तर, छह्य वेंनं आर्या हे नापलाये धयाच्वन ।

**अस्त्रपाली-** वेंनं जित नापलाये धाल ! सु वें व ? गुजाह्य  
वें ? हुँ, जित समय मदु धा । ( मनुखं छुं धायेत्यनीबले  
हे ) हुँ, हुँ, निम्हं याकनं हुँ ।

( निम्हं प्रस्थान )

स्व देवदास मीरु राष्ट्रया वास्तविक रूप ! समया  
अभाव, मनूया अभाव, फुक्क खँया अभाव । हुँ यशो,  
वना ठीगु सैन्य दल तयार या ! सल, किसि माको  
ठीक या । हुँ, फट हुँ । अले देवदास ! का याकचिग्  
भरे थ्व फुक्क तोता बने । गणपतिनापं सेनापति  
मब्जसां ज्यूगु, मखुसा बयात थन दयेगु अथवा  
पश्चिमपाले छ्लयेदइगु । अन नं मा ! का, बालाक  
तयार जुयाच्व । बाँताक बुद्धि बिचा याना उया या ।  
थ्व गबले ल्वमके भते, बुद्धि बलया कसौटी ख ।  
का हुँ ।

( निम्हं वनी )

छु धाये ! गबले छुं याये मनंपि शुजापि सुकुमारपिनि  
हाते थ्व कठोरगु ज्याया भार ! विषस हे मखा !  
मुनां स्यू, ममय गुजागुजागु बयेय । मनुखं मनू  
स्यायेगु, व नं थ बचये जुइगु कुत याइपि निम्हं हे !  
शोषण खना ग्याना शोषक गुझगु पाप, अले सीगु  
खना ग्याना स्यायेगु, स्यायेत न्हावनेगु महापाप  
मखा ! परतन्त्र खना ग्याना, हक खना ग्याना, मनू-  
यात मल्वगु पाशविकसा खना ग्याना हे मखा थ्व  
युद्ध ! मस्यु, थ्व गबलेतक शोषक-शोषित दइतिनि  
अबलेतक हे थ्व युद्ध धयागु दइतिनिगु ला ! थ्व  
गुजागु समय !

—: क्ष : —

## ✽ ५ ✽

( दक्षिणापाखे च्वंगु गांया छां चुक । हरबरयेचाचां अम्ब-  
पालीया प्रवेश । ह्लाते हि किनाच्वंगु तलवार दु । अम्बपाली-  
या ल्यूल्यू छह्य मेह्य मनूया प्रवेश । अम्बपालीनाप वया  
तलवारया धातप्रत्याधात रयानार्थानापुसे च्वंक जुइ ।  
अम्बपाली गोतूवनी । तलवारे तुंति न्हुया छातिइ तलवारं  
सुइत तयार जुयाच्वनीबले रत्नपालया सहसा प्रवेश । अम्ब-  
पालीयात अर्थे तोता रत्नपालनाप वया धातप्रत्याधात जुइ ।  
अम्बपाली मदंसे गो हे तुलाच्वनी । रत्नपालं वयात  
पेलयेयाइ । धातप्रत्याधात यायां मनू लिज्यांलिज्यां वनी । व  
चिसिवनी । रत्नपालं लिना यंकी । अम्बपाली दनी । हानं  
रत्नपालया सहसा प्रवेश । वया तलवारे हियाहि )

**अम्बपाली-** ( अव्यवस्थित रूपं ) रत्न !

( ब्वांवना ध्याइत्यनी । रत्नपाल लिज्या वनी )

**अम्बपाली-** ( दिना ) रत्न !

**रत्नपाल-** अम्मी ! ध्व प्रेमालापया समय मखु, युद्धया  
समय ख । युद्ध संचालिका नं थुलि अव्यवस्थित  
जुझुगु सिल्लाला ?

( वनेत्यनी )

**अम्बपाली-** ( बिवहल रूपं ) रत्न !

**रत्नपाल-** ( दिना ) स्व, अम्मी ! छंगु प्रेमे जि वैं जुल ।  
पागलखानाय् नं च्वनाधयेधुन । एनं जि थन ध्यन  
केवल स्वदेश रक्षाया लागी ! ध्व थाय् युद्ध चेत्र ख,

अले फीपि योद्धा !

अस्वप्नाली- ( न्ह्या ववं ) तर रत्न ! छक नापलाये ..

रत्नपाल- ( खें त्वालहाना लिज्यां वेंवं ) तर अम्मी ! जिके नं  
उइंयात नापलायेत समय मदु । जि छंदा प्रेमी मखु,  
रणजेत्रे बयाच्वंहा छंदा योद्धा !

( सहसा प्रस्थान । अम्मी तोल्हयेजुया च्वनी )

अस्वप्नाली- जित नापलाये धयाहद्धा रत्न है ला ? व छु वें  
जुलला ? तर व थन गय् थ्यन ?

( पलब भुलयेजुयाच्वनी, अबले हे हानं रत्नगालया सहसा  
प्रवेश )

रत्नपाल- अम्मी ! छता खें धायेमाला हुंकन थ्यंक थ्यने-  
धुंकद्धा हे हानं लिहाँ बया । व खें थव हे ख-प्रेमया  
षिषये चिन्तना यायेगु समय थव मखु ।

अस्वप्नाली- तर छ गय् थन थ्यन ?

रत्नपाल- गय् ? गय् धयाला ? थव तुति थ्यन । स्वतन्त्र-  
ताया प्रेमं थ्यन । मखुसा मेगु छुकिं थव वेंयात  
तरवार ज्वंकेफइ ? आँ, दक्षिणे आपद दु धागुलि  
जि थुखे वया । तर छुं खने मदु । उत्तरपाले अजात-  
शत्रु व वर्षाकार ल्यूने मुलासुला बयाच्वंगु दु । जि  
उखे हे पूर्व जुना वने । दक्षिणया रक्षण भार छंगु !

( रत्नपाल वनी । अस्वप्नाली छक भुलये जुइ । सुरन्त स्वाले  
मेगु भाव हया तलवार चाहीकाच्वनी । अबले हे छह्य चर  
पुरुषया प्रवेश )

अस्वप्नाली- छु खवर दु ?

चर- अजातशत्रु उत्तरं पश्चिमपाखे वल ।

अस्त्रपाली- अले महापाल गणनाथक ?

चर- थ उत्तरपाखे वना उत्तरयापि पश्चिमपाखे छक्त । अन नं  
छुं भचा ला फौज दु ।

अस्त्रपाली- ( छद्यों बाना ) अले मेगु खबर ?

चर- मेगु ला छुं खबर मदु । वर्षाकार उत्तरपाखे दु । बज्जी-  
पिनि पक्षे गांगामे सचातधी, बुहा-बुही सकले  
तलवार, भाला, त्रिशूल आदि शस्त्र ज्वना लुखापत्ति  
च्यंच्वंगु दु ।

अस्त्रपाली- ठीक ! अले मेगु ?

चर- मेगु ला ... .... ।

अस्त्रपाली- म्बाल हुँ । बांलाक सतर्क जुया ज्याया । छिमिगु  
आत्मीयताय् हे देशया रक्षा निर्भर जुयाच्वंगु दु ।  
हुँ ।

( चर पुरुषया प्रस्थान )

उखे वंसा थुखे वल, थुखे वंसा उखे । राजनीतिया  
प्राण छल प्रपञ्च हे मखा ! आ हानं पूर्वपाखे खालि  
जुल । रत्नपाल अन बंगुसा ज्यूगु ! ( भाव परिवर्तन  
याना ) अन सु ? सु हाँ ?

( जि, जि धावां छहा बृद्धा प्रवेश । व व हे न्हापा जंगले  
च्यंच्वंहा बुहा ख । आ नं व हे वेश । तर ल्हाते तुतांया सट्टा  
भाला दु )

अस्त्रपाली- ओः, थन गनं ?

कृद्ध- छ गनं थन लावल, अन हे जि नं, अम्मी !

**अम्बपाली- अम्मी !**

**बृद्ध-** अँ, अँ अम्मी ! आ छ मचा मखुत । बुद्धि दत, ह्वान  
दत, विवेक दत । उकिं मचा मधासे अम्मी धया ।  
धायेला मास्ते वगु ख छक मचा हे ! भिपिं जुकसित  
मचा धायेमास्ते व । तर आ छंत धाये मल्व ।

**अम्बपाली-** ( भति . रोष ) थन थुजागु सम्बादया लागी  
समय मदु । थव युद्ध क्षेत्र ख, जंगल मग्व ।

**बृद्ध-** ( छयों संका ) ख, ख, युद्ध क्षेत्र ख । उकिं ला कथिं  
चुया मजुसे थव भालां चुयाजुया । सुं शत्रु ध्वदूसा  
थुकिं हे !

( अम्बपालीयात भालां सुइयें वाह, अम्बपालीं काचाक्क तल-  
वारं पना लिज्या वनी )

हाहाहाहाहा ! आ छ धात्थें वौर नारी जुल । रथाफा  
मचा मखुत, जंगलं-जंगलं वास माजुइङ्ग अबोध  
वालिका नं मखुत । रण भूमिइ घात-प्रत्याघाते कमर  
कसयेयाइङ्ग रण-दुर्गा जुल ।

**अम्बपाली-** आषा समय मदु, याकनं छु धायेमागु ख  
धया हुँ ।

**बृद्ध-** समय ला जिके नं मदु । धायेगु नं क्षु दइ ! ख, दुश्मन-  
यात पालेत, स्यायेत थव बुहाया नुग नं छक उत्सुक  
जुल आ थव निर्बिज ल्हाते हापार्थे तलवार चकये  
यायेगु ताकत मदुसां तवि ।

**अम्बपाली-** छं न्हापा नं थगु परिचय मब्यू । आविर छ  
सु ? छं शत्रु सु ?

**बृद्ध-** ( थत पचिनं सुया ) जि ? जि ?

**अस्त्रपाली-** ( तं पिकाया ) याकनं वैशालीया रण-संचालिका राजनर्तकी अस्त्रपालीयात थगु परिचय द्यु !

**बृंद-** अहाहाहाहा ! तं पिकाये मते, तं पिकाये मते, जि छाह्य मगधयाह्य मनूख, तर गणतन्त्रया पुजारी । हानं ..

**अस्त्रपाली-** फटाहा ! भूठ ! छली ! धूर्त ! छिमिके ताकत व शक्ति मदु, अले छल प्रपञ्चं ल्वावल । नीच प्रकारं रण याइपि ! वर्षाकारं जिमिगु गुलिं सहानुभूति क्या उपगणपति जुया धरण न्यायेकर ! का, थगु भाला सँझालयेया । छं नं थोदैँ-थोदैँतक जंगले चवना बगुलाभक्त जुया का मखुला ? म्हायमचायात बोह विया भौमचा न्याइपि, द्यांच्वे च्वना न्या बंच्छ काइपि, मुले केतुका ग कीपि चण्डालत ! तर होश या, आ वजीरण मूर्ख मखुत, इमिगु मिखाय धुलं छाकेकह मखुन ! का, भाला सँझानयेया चण्डाल बुहा !

**बृंद-** अहाहाहा मनू ! हे मनू ! हे मनू धयाह्य ! स्व, छं गुलिं पासापि थुलि भिया पोशाकं पुना नीच जुल, जुयाक्यन कि आ धार्थें भिष्म मनू नं धन मभि जुझुंकल । वया प्रति नं विश्वास याये थाकुइ धुंकल । तर, रण चण्डिका ! एनं मनूयके मनू परीक्षा यायेगु क्षमता दयेके हे मा । मखुया भिपि मनूया गौरव मदयेव थन भिपि सु ल्यनी ? जि. मगधयागु प्रायश्चित भोग यायेत थन चंचवैवाच्वनागु ख ।

**अस्त्रपाली-** जित विश्वास मदु । मनूयके फुक दोष तौपुइगु म्हुतु छप्वा साप बांजा ! का, तयार ज् युद्धशा

लागी ! तयार जु ! जिगु लागी मगधया छहंछह्य मन  
वर्षाकारथें छ !

**बृद्ध-** श्रव छंगु भूल ख देवी ! बरु व चण्डाल वर्षाकारयागु  
नां छाय् बरोबर कयाच्चना ? बयागु नां हाय् पने  
दुहाँ वन कि है पाजिनिसे मि छ्यावहगु !

**अस्त्रपाली-** सु वर्षाकार ?

**बृद्ध-** सु ! वैशालीया रण-टुर्गि ति वर्षाकारयात सुनानं ह्यम-  
स्यू ! एनं छता मरयू जूइ— व जिह्वा शत्रु ख, शत्रु !

**अस्त्रपाली-** छाय् ?

**बृद्ध-** छाय् धयाला ? गुह्यमित जिं थगु प्राण-कण भापाच्चना,  
थगु हृदयथें न्हावले नुगले घानाजुया, नेत्रथें प्रेम  
याना लहिनातया, वं है जित प्राणतक नं कायेगु  
गवसा गवसेली व जिह्वा मित्र जुइ लाकी शत्रु ? व  
कृतज्ञ खना वाक बया बयागु छुं भात पापया  
प्रायश्चित यायेत ला जंगले बया । शान्त वातावरण  
कोता इव रण-रवं जागु थासे पला तवया । बरु धा,  
व चण्डाल व अजात गुखेपाखें बयाच्चन ?

**अस्त्रपाली-** छु छं व थ लाला ?

**बृद्ध-** थ ! मखु, मखु, सुनां व चण्डालयात जिह्वा थ धाल ?  
इपि गुखेपाखे दु ? इमिगु छर्चों त्वाह्नाये, चसुप्ता  
ह्वयने !

**अस्त्रपाली-** युद्ध समये इव खैंय गय् विश्वास यायेगु ?

**बृद्ध-** विश्वास ! विश्वास मजूसा छु बायगु इच्छा दु, या !  
( वट्टूना भचा लिङ्क वनी ) इव थुलि अविश्वास जुइका

च्वनेमागु नं वयागु हे कुकर्मया जित नं क्यूवगु  
पापथा फज्ज मखा ! का, चौसां च्यु, कुनेयंकेसां यंकि !

( पलख निष्ठतंड )

मखु, मखु, याउँसे च्वंक आम तजवारं निकू थलाव्छ ।  
( लिङ्क वनी )

अस्वप्नाली- हे भगवान् , थव छु घयागु दश्य ! जिं गय्  
विश्वास यायेगु ?

बृद्ध- ( खैं त्वाल्हाना क्वद्धुना ) रण चसिड्का ! जि म्बाये  
मयल ! आम तजवारं निकू थलाव्छ, निकू ! व  
चरण्डालयाव निकू थलेत च्वांवने मखुत, जित हे  
आउँक छं निकू थलाव्छ ।

अस्वप्नाली- निकू ?

बृद्ध- ख, ख ! निकू, स्यकू, प्यकू, छं गोकू यज बोकू !

अस्वप्नाली- आसे, झापां व हे चण्डाल बर्षाकारयात निं  
निकू थले, अले छंगु बारे बिचा याये !

बृद्ध- बिचा ! बिचा आ हानं छाय् ? जि मगधयाह्न ख !  
मगधया मनूत वज्जीगणया शत्रु ख । का, का याकनं  
पा ! पा !! थव बृद्ध शरीरे दुने थव हृदय तया आ  
आपा कष्ट बी मते । सत्य, च्वनांच्वने मफुत ।  
प्रतीक्षा याये मफुत !

अस्वप्नाली- छु छ धात्यें बैशाज्जी गणतन्त्रया प्रेमी खला ?

बृद्ध- मखु बाचा, मखु ! जित स्यानाव्छ !

( छ्यो छक ल्हनी । हानं क्वद्धुना धोयानाबी )  
का, का मटू !

**अस्वप्नाली-** न्यागुसां स्वाल । हुँ, ( अना ) छ गणतन्त्रया  
प्रेमी ख, मखु स्वये । छं मगधया सु भवूयात दकले  
हापां प्रहार याये ?

**बृद्ध-** थगु देशो च्वर्पि सुयात प्रहार याये ! देशया भेम  
जिगु ह्वा कय्कुनी, जोशं कुण्ठित जुयावनी । उकिं  
याकनं थन हे जित मेगु लोके ब्रियाव्यु । अन च्वना  
हे वैशा लीया विजयी जुइगु स्वये ।

**अस्वप्नाली-** छं अनयापि गध्ये दकले सु शत्रु ?

**बृद्ध-** सुं नं मखु ! फुमा केवन व हे चण्डाल छझिति ज़ि  
हे हत्या यानावनेदुसा ज्यूगु ख !

**अस्वप्नाली-** एसा हुँ, उत्तरपासे हे दु व चण्डाल !

**बृद्ध-** धात्थे ? धात्थे खगु खं धयाच्वाला ?  
( बनेत्यनी )

**अस्वप्नाली-** वैशालीया सुं नर्नारी थौंतकं असत्य खं  
हायेगु स्यना मकानि ।

**बृद्ध-** ( तम खाना ) ख मखुला ? ख मखुला ?  
( नमं हे भाना सरा भ.वावेश प्रस्थान )

**अस्वप्नाली-** मस्यु, जि स्वप्ने का चिप्ने ला ! अब स्वया-  
च्वनागु, जुयाच्वंगु वास्तविक खला छगू भ्रमात्मक  
दृश्य मात्र !

( इधु अधू जुइ । अबले हे छह्य मतू ब्रवांवहं )

**मन्त्र-** देवी, अन सत्तिक....

**अस्वप्नाली-** गन ? नुँ !

( निम्हं बनी । तर पलख लिपा हे लिखतंलिखतं अस्वप्नाली

तलबार चलयेयायां बधाच्चवनी । वया प्रतिदृष्टदीरुपे प्यहु-  
न्याहु मतू वइ । अर्ले इपि सकलेलिसे ल्वाना हे च्चवनी ।  
स्वाल्वां-स्वाल्वां अन्ते छहसिनं अम्बपालीया जव लहा हे  
ज्जवनी । अम्बपाली सनी । छहसिन तलबार लाकी । अम्ब-  
पाली हाली सनी । तर अन हे ची । अले साला वंकाच्चवनी )



# धा-५

❀ १ ❀

( अम्बपालीयागु व हे गां । भिखार्देया लुखाय् बुही सुंक  
फेतुनाच्चन । बया ल्हाते तलबार दु । नापं वन्धुमति नं दु ।  
बयाके नं नांगा तलबार दु )

**बुद्धी-** बन्धो ! छं जित गुलि सेवा यात ! तर छंत जिं छुं बी  
मफु ! अम्मी बन । अम्मीया लिपा छ जिद्धा छ्यू-  
मचा जूबल । अम्मीया छु हाल थे ! रत्नपाल गन  
बन ! अम्मीं रत्नपालयात लो हे मंकेधुंकल जुइ !  
छं ला लोममंकूनि । व नं दुसा अवश्य धब युद्धे पिहाँ  
बइ । बयात देशया गुलि प्रेम दु, व जिं स्यू ! बया  
जन्मदिनखुनु हे छक जि सम्राट धका बद्ध पासायात  
सिँकाचं दागु आतकं जि बांजाक लुमंनि ।

**बन्धुमति-** ( बनेयें याना ) जि बने का ।

**बुद्धी-** छाय् ? रत्नपालयागु नां हे भयलला ? छंत रत्नपाल  
दुसा भाग्यमानी जुइ का ! जिं का छंत बनाव हे  
इहिपा यानाबी । शायद राजनर्तकी जुइधुंकूद्ध अम्ब-  
पालीं बयात स्वीकार याइ मखु ।

( बन्धुमतीं स वयें च्वना ग्हायपं तिस्वाका न्यनी )

**बुद्धी-** छु ? बल लाकी ?

**बन्धुमति-** मव ! छुं मखु ।

**चुट्टी-** आ रत्नपाल नापलाम्या जिं छंत बनाप हे इहिपा  
यानाबी। छिमि मासं जिगु विचार आतक मानये हे  
यानावयाच्चंगु दु। निहसिगुं विचारे अन्तर न  
आपा मदु। उक्कि वं अवश्य पनी मखु।

**बन्धुमत्ति-** पिने छक बनावये न्है ?

**चुट्टी-** अवश्य यानाबी। छं जित निक्क सीधुंझ म्वाका सेवा  
यायेधुंकल। छंगु इच्छा छगूनं जि पूर्ण याना मत्तीगु  
ला ? रत्नपालयागु नां काल कि छं छाय् खँ हीकीगु,  
उकिया वास्तविक अन्तरनिहित अर्थ छु ख जि स्यू !  
स्वप्न नं विप्नया निति अनुपयोग सिद्ध मजू। स्वप्न  
ला विप्नया, हृदयया, ज्ञानया पर्दीय् खनेदइगु किच  
जक ख। छं उलुनु ह्यगसे छु धया ?

**बन्धुमत्ति-** छु धाल हाँ ?

**चुट्टी-** छु धाल ! छं हे थगु हृदययाके न्यनास्त्र !

( बन्धुमत्तीं छु न्यनेयें-याइ । तापाकं शंखनाद नापं जनरव  
न वइ )

**बन्धुमत्ति-** शंखनाद !

( तलवार ज्वना दनी )

**चुट्टी-** छ मायाथाय् हुँ ! जिं छंत बचये यायेकह मखु। हुँ,  
हुँ, हुँ....हुँ, याकनं हुँ ! बन्धो, हुँ, हुँ मटू !

**बन्धुमत्ति-** थन सु दु ले ?

( शंखनाद व भेरि शब्द सत्तिक वइ । सलया पला स नं  
तायेदइ । मनूत बवंजूगु पना स न )

**चुट्टी-** ब्वांहुँ ! ब्वांहुँ ! ब्वांहुँ !

( सहसा अजातशत्रु व वया कौजया प्रवेश । मनूत अकोउ  
नं बुइ । तलबारया घातप्रत्याघात जुइ । उखेंयुखें लिमला-  
फमला घाररघुरहरु जुइ । सकले चिच्चाय् दनावनी । बुही  
व बन्धुमती नं वज्जी कौजलिसे मिलयेजुया ल्वाइ । व हे  
कौजया हूलनापं बुही व बन्धुमतीया प्रस्थान । अजातशत्रु व  
निहायह्य सैनिकत बाकि जुइ )

**अजातशत्रु-** सैनिक ! नुँ, तयार जु । आराम यायेत समय  
मदु । दक्षिणपाखे वना अनं संस्थागारे थ्यं रवने ।  
राजनर्तकी अम्बपाली उच्चनातये धुंकल ।

**स्वैच्छिक-** महाराजया जब !

**अजातशत्रु-** नुँ, तयार जु ! सकले मुंकि !

( अबले हे अजातशत्रुया कौजं प्रवेश य इ )

—: o :—

Dhamma Digital

( वैशालीया प्रधान संस्थागार । संस्थागारया छगू चुक ।  
पिने भेरि शब्द, शंखनाद व धंटनादं कोलाहल जुयाच्चन ।  
शहसा वर्षकारया प्रवेश ।

**वर्षकार-** गो, थन ला सुं हे दुथें मच्चं ! पूर्वपाखेया नगर  
द्वारनिसें थनतकं सुं हे प्रतिद्वन्द्वी नापमला ।

[ १५६ ]

( सहसा देवदासया प्रवेश )

देवदास- तर जि छह्य प्रतिद्वन्द्वी जक मखु, स्वयं काल हे  
थन दु !

( निर्झे तलवारया धातप्रत्याघात जुइ । देवदासयात अत्यु  
ला न लाइ । हि पिहाँ वइ । तर व त्वाना हे च्वनी । अबले  
हे हाने गणनायकया प्रवेश )

चाणन्नायक- वर्षाकार ! छंत उत्तर द्वारंनिसें ल्युल्युं बया-  
च्वना ! छ थन ध्यन का मखा ? का चलयेया  
तलवार !

( तलवार पिकया निर्झं वर्षाकारलिसे ल्वाइ । ल्वाल्वाँ वर्षाकार-  
यात पालीये-पालीये निकस्वक च्वनी । मगधया योद्वात  
स्वह्य द्वाहां वइ । महापाल व देवदासनाप ल्वाइ । ल्व त्वां  
निर्झं परास्त जुइ । से नकतेसं पालेत्यनी )

वर्षाकार- ज्वँ, ज्वँ, स्याये मते !

( महागणनाथक महापाल सनी । देवदास नं सनी । अले  
काचाङ्क छुतयेजुया ल्वा नं ल्वाइ । तर तुरुन्त हानं ज्वनी )

सने मते, छायू सना ? ( महापालपाले स्वया ) महा-  
पालजु ! जित ह्यास्यूला ? वर्षाकार प्रति न्हावले  
आशंकां स्वयाच्वनागु मखुला ? आ छु जुल ?

महापाल- चरहाल ! छु छ मनू खला ! दुष्ट ! छंत स्वयें  
ला अंधकार स्वयेगु हे भिं ! धूत ! अझ नं छंत  
बिजयया गर्वे ? छल व प्रपंचयात वीरपिनि साधन  
धाइला ? द्विमिगु नीचतां, कातरतां वीरतानापं  
कलंकित जुइ ! पशु !

वर्षाकार- सैनिक ! हुँ, ध्वयात यंकि !

( महापालयात यंकी )

अले छ नवयुवक ?

देवद्वास- नवयुवक मखु, विनिश्चय महामात्य धा वर्षीकार !

बष्टीकार- ( अट्टाहास याना न्हिला ) अहाहाहा ! विनिश्चय महामात्य धाये-  
केमास्तेवगु मतंनिला ? नवयुवक ! नोकरं जक  
धाधाथें याइ । जि सु शूला ?

देवद्वास- छ ? छ ? छंत सु मनुखं ह्यसीकी !

बष्टीकार- ( तुति बस्त्राना ) छम नं थुलि घमण्ड ? यंकि  
छवयात नं ।

( साला यंकी । वर्षीकार याकचा जुइ । अले इधूथिधू जुइ )

सु दु आ वइपि ? सु दनि ?

( अ बपालीयात निह्य सैनिकतेसं चिना हइ )

बष्टीकार- ओः, राजनर्तकी !

अम्बपाली- ख, छाय् दुश्मन ? हइ दर्जायाह्वा ग्याकरा जुया  
नं थत थम्हं वीर भाषीद्वा मूर्ख ! वर्षीकार ! मनू जुया  
नं छंके छु कागु हि भज्ञा खुनु दुला ?

( वर्षीकार लिस बीत्यबने अजातशत्रुया प्रवेण । अजातशत्रुं  
बयाखतं धाइ )

अजातशत्रु- थुकी छु सन्देह !

अम्बपाली- ओः, मगधपति ?

अजातशत्रु- खः राजनर्तकी !

( पलख निस्तब्ध । अले वर्षीकार पाखे स्वया धाइ )

हुँ सम्राट अजातशत्रुया विजय घोषणा या । ( सैनिक

पाले स्वया ) हुँ, छिमि नं युद्धया परिश्रम कुकि ।

( वर्षकार व सैनिकपि वनी )

सुन्दरी !

अस्त्रपाली- ( लिज्यां वना ) छाय् व्यंग याना अजातशत्रु ?

अजातशत्रु- व्यंग मखु, थव सत्य ख । छ हे सुन्दरी मखुसा  
सुन्दरी धायेगु हे सुयात ? छंगु आम रूपे....

( अस्त्रपालीं तं पिकाह )

छाय् तं पिकया ? राजनर्तकी ! छ बाँज्ञा ख, अले  
बाँजागुलि सालीगु नं स्वाभाविक हे ख । बाँलागु  
जुइव सावारण मनूयातथै जुजुयात नं यह । आ छक  
हानं छं बाँलाक बिचा या जिं छंत मानवति धायेधुन,  
स्याना धायेधुन, हायेका धायेधुन, तर छ मानयेमजू !  
आ जिं पुलि चुया प्रणय-भिज्ञा फवना । आ ला  
बीला ?

अस्त्रपाली- तर मगधपति ! भिज्ञा धयागु मेगु हे जुइ ।

अजातशत्रु- यगु थजु, मगधपतियात मदइगु हु दइ ?  
अले मगधपति, वैशाली विजेतां प्रेम भिज्ञा जक  
छाय् पत्तने मथ्याइ ?

अस्त्रपाली- यदि दातां मविल धासा ?

अजातशत्रु- अजातशत्रुं यदिडिधि धयागु मस्यू, न सीकी ।

अस्त्रपाली- यदि सीकिमाल धासा ? 'यदि' या न्होने  
परास्त हे जुल धासा ?

अजातशत्रु- ( तुति बस्वाना ) अक ! अक ! बाँलाक खॅ  
ह्वा ! लुमंकि, छ जिह्व बन्दी ख । अले जि ?

**अस्वप्नाली-** बाँलाक हे ह्लानाच्वना । वैशालीया राजनर्तकी  
रणसंचालिकां थ विपक्षी दलया नायदा से थथे हे  
खँ ह्लाइ ।

**अजातशत्रु-** थमतक परास्त जुइधुंकल अभ नं शुर्लि गर्व ?  
व नं सम्राट अ जानशत्रुया न्होने ? वैशाली विजेताया  
न्होने छङ्ग मिसां ?

**अस्वप्नाली-** सु छङ्ग मिसां ? सु वैशाली विजेता ?

**अजातशत्रु-** छु थ्व नं ... थ्व नं !

( तमं धाइ मखु )

**अस्वप्नाली-** छु धायेगु धा ! छङ्ग मिसाया हृदयया विजयी  
जुइ मफुङ्ग नाच ! अले प्रणय भिज्ञा फवनेत भचा  
लज्या नं मदुला ?

**अजातशत्रु-** बाँलाक होश याना खँ ह्ला !

**अस्वप्नाली-** बाँलाक हे ह्लानाच्वनागु दु । जिह्वास्यू छ सु,  
जि सु ! छ छङ्ग मगध रति जुया नं वैशालीया युद्धे  
थगु वीरता, पगाक्रम क्यनेगु थासे कातरता, भीरुता,  
नीचना प्रदर्शन याद्ध, छङ्ग मिसायाके प्रणय-भिज्ञा  
फवङ्ग फवगिं, जिं राजनर्तकी अस्वप्नाली !

**अजातशत्रु-** शुर्लि गर्व ? हानं छक छंत सचेष्ट यानाज्ञी—  
थन गणतन्त्र मखुत प्रवेणी-पुस्तक अनुसारं न्याय  
यायेत । आ थन सम्राट अ जातशत्रुया इच्छा हे  
प्रवेणी पुस्तक ख ।

**अस्वप्नाली-** जि नं अजातशत्रुया इच्छाया न्होने छथों  
कबल्लूकीहा न्याकरा मखु । न्यायेगु नं छाय् छङ्ग फवगिं  
खना !

**अजातशत्रु- सु फवंि ? फवंि सु ?**

**अस्त्रपाली-** थव नं छु हानं न्यन् मानिगु खँ खला ? गुम्ह-  
सिनं छल व धोखां मानवताया हत्या यात- अम नं  
गुम्हसि के विजयया अहङ्कार व अभिमान दु- वं  
वंशालीया छम्ह तुच्छ नारीयागु हृदय त्याके मफु !  
अले फवन बिन्त याना !

**अजातशत्रु- चूप ! निर्भयी आपा जुइ मते । जिगु सहन-  
शीक्षताया सीमाना तक हे छिमिगु निर्भयता ए ।  
इच्छा यात धासा छंत छु याये मफु ? थर्थें कीथें  
धू यानाव्छयेला ? न्याथें सुकु गंकाव्छयेला ? लाथें  
कुचाकुचा यानाव्छयेला ? धयें मिइ दुयाव्छयेला ?  
अप्पा व ल्वहँचाथें हुंकन थयंक हाकुतिनेला ? छु  
याये मफु छंत ? छंत छु याये मफु ?**

**अस्त्रपाली-** तर अयनं छु यायेफन गो ? दक्षिण द्वारंनिसें  
जित चिना हे हल । लैंगु जित खैंसेनिसें छं ह्ययेका,  
खयाना हे वयाच्यन । तर गो, आतकं छु यायेफत ?  
जित चित, गणतन्त्र स्यंकल, तर न जिगु हृदये छुं  
यायेफत, न घजीपिनि देश प्रेम छुं तंकेफत । वरु  
आ छिमिगु छल प्रपंच जक थुयावल । अले अजात !  
छं थव भूमिइ गवेत हे आधिपत्य तयेफह धका !  
छन्हु मखु छन्हु, साम्राज्यवाद थव विश्वे हे मदयेक धू  
जुइतिनि ।

**अजातशत्रु- तदाक खँ ल्हायेमते ! वरु धा, छंत छु  
यायेगु ?**

**अस्त्रपाली-** जि न्हापा हे धायेधुन पालाव्छ, स्यानाव्छ

घका ! छाय् मपाता, छाय् मस्याना ?

अजातशत्रु- थुकिया कारण दु ।

अम्बपाली- कारण थव हे कि, स्थायेगुली छंगु नीच स्वार्थ  
पूति जुझु सम्भावना मदु ! थव हे मखुला ?

अजातशत्रु- छंगु अनुमान अनुचित मजू, देवी ! तर स्यू  
हे जुड, प्रत्येक मनूया ज्याया ल्यूने प्रत्याशा दु ।

अम्बपाली- तर थुलि नीचगु प्रत्याशा पूर्ण याकेबीत  
द्याया, कृपाया भिक्षा फवनीम्ह अम्बपाली मखु ।

अजातशत्रु- फवने हे माल धासा ?

अम्बपाली- थव देव भूमिया सुं नरनारी थुजागु तुच्छ  
प्रत्याशा दुगु ज्याय् गवले ल्हा तइ मखु । यदि  
साम्राज्यवाद्याके थगु तलवार शक्तिया, शस्त्र  
विद्याया विज्ञवाय् अभिमान दुसा, भौतिक बले  
विश्वास दुसा, थव गणतंत्रया जनगणयाके मन  
शक्तिया, थगु निस्बार्थताया अभिमान दुं, सांघिक  
बले विश्वास दु । सम्रात अजातशत्रुं थव नं सीकेमा  
शस्त्रया बलं मनयात त्याके फइमखु, बरु मनया बलं  
शस्त्रयात त्पाकेफु ।

अजातशत्रु- ( तम ) चूप ! ( मेपाले स्वया ) सैनिक !

( निहू सैनिकया प्रवेश )

हुँ, थवयात यंका व हे थासे कुनेयकि !

( सैनिक निहूसिनं अम्बपालीयात ची । अले साला यंकी )

अम्बपाली- ( लिफ स्वया ) अजातशत्रु ! भचा थगु हृदये  
देवत्व हृया बिचा या । ( वनी । हानं लिफ स्वया )

थगु जौवने छं पिरुहत्या यायेधुकल, मानवताया  
हनन यायेधुकल, ध्व मानव समाजे पिशाचत्व व  
दैत्यत्व विजयया निति छल प्रपञ्चया आधारं प्रभुत्व  
जमयेयाना सत्य, न्याय, धिवेक, धर्म सुकुसुकु  
ख्येकेधुकल। ध्व फुकया सम्मिति प्रायश्चित कम  
जुइ मखु। ( बनी, हानं लिक स्वया ) अम वर्षाकार-  
पाखें गुमु हत्याकाण्ड जुल, उद्दिया उत्तरदायी नं  
मगधया क्रूर सम्राट हे जुइ ! ( सैनिकपिस साली ) हानं  
लिक स्वया ) अले थुकिया बदला नं द्विमि हे छह्य  
मगधयाम्ह मनुखं काइ ! बुन्हां काइ !

**अजातशत्रु-** ( न्हा वना ) सु बुन्हा ?

**अम्बपाली-** ( सैनिकतेपाखे स्वया ) सैनिक ! जित यंकि ।  
यंकि । व हे बन्धने तयःयकि ।

( सैनिकतेसं यंकेत स्वइ )

**अजातशत्रु-** आसेन सैनिक !

( सैनिकत दी । अम्बपालीयात लिक न स्वकी )

सु बुन्हा ?

**अम्बपाली-** सैनिक ! ध्व लहा जक ज्वनां छु याये ! यंकी,  
यंकि । थन स्वया व अन्वकारमय तापन-गृह हे स्वर्ग  
ख ।

**अजातशत्रु-** धा सु बुन्हा ? गन दु व बुन्हा ?

**अम्बपाली-** ( सैनिकतेपाखे स्वया ) यंके धका वया छाय्  
मयंका ? यंकि ! यंकि !

**अजातशत्रु-** ( सैनिकतेपाखे स्वया थ भति लिज्यां वना ) हति  
थन ।

( लिङ्कं यंकावी । ष तत्र लिपा सैनिकतेऽ वरेगु आदेश वी ।  
सैनिकतेगु प्रस्थान )

सु बुन्हा ?

( अम्बपालीया रहा जवनी । अम्बपाली रहा चफ्फुना लिड्यां  
वनी । अले अजातशु बच्छुना भुक्येजुइ )

अम्बपाली- छाय् लित छ्यागु ? जिगु ष्व रूप व सौन्दर्य  
खना माया वनना ? कुनेयंकि जित अन हे । गखुसा  
जि थ हे वने ।

( वनेत्यनी )

अजातशत्रु- सैनिक !

( निहा सैनिकया प्रवेश )

ज्वनाति ष्वयात ।

अम्बपाली- गबले कुनेयंकेत सतीगु, गबले कुंकवने धइबले  
पनेत ज्वंकीगु ! धात्यें छु धयागु ज्या ष्व, मगध  
सम्राट ! यंकि जित, कुनेयंकि !

( अम्बपाली वनेत स्वइ । सैनिकतेसं सालातइ । अजातशु  
छ्यों बच्छुकाच्चनी । अबले हे बृद्ध व रत्नपालया प्रवेश )

बृद्ध-

( सैनिकतेपाले स्वया ) छाय् ज्वनातया ? तोति अम्ब-  
पालीयात ! ( अजातशु बनेवं ) अः, अजातशत्रु ला ?  
अजात ! आ छ हापा स्वया गुलिखे बुहा खनेदये  
धुंकल । मदइ नं गय् ! मनूहापां मचा जुइ, अले  
ल्यायूहा जुइ, अन्ते बुहा ! अले दीपे च्वना उका-  
च्वनेगु ! हापां सरल चिच्छा, अले यांध्यां मस्यूहा,  
अले लिपा पस्ताय् चाइहा जुया दीपे सिंपैय् गौतूषनी ।  
( ब्यंगात्मक रूप ) तर अजात ! छं छ्योंले भूयू सँ

बुइन धका अबुया हत्या याना राज्य काल । तर गो,  
आतकं मदूनिर्थे च्वं ! बूसां पुयाब्द्रया लाकी छु ?

अजातशत्रु- वर्षाकारया अबुे ? छ थन गय् ?

बृद्ध- वर्षाकारया अबु मखु, शत्रु ! अकिं ला थन थ्यन !

अजातशत्रु- शत्रु ?

बृद्ध- छाय् आश्वर्य चाया ? अजात ! छ सप्राट जूसां भचा  
हे तिनि । छुं झां मटुनि । आम छंके दुगु झांयात झां  
धाइ मखु ।

( बुहा न्हान्हा वनी । अजातशत्रु लिज्यांलिज्यां वनी )

मखुमा छ छाय् आश्वर्य चाइ ? छं थत बुइकातह्य  
अबु ला स्यायेफु, थव

( भालां नुगले सुइये याइ । अजातशत्रु लिज्यां वनी )

हृदये दुने अबुयात यांलाका स्यायेगु शक्ति दु धासेलि  
हाने व हे हृदय घानाच्वं ग, स्यायेत्वंबक्ते बिसिध्वा  
मनूयाके काय्या प्रति शत्रु भावना दतं छाय् तोह्ये-  
चाया ? ... ब्रिम्बिसार ! छ गपाय् सकं भि ! कायं या-  
याथे याकावन । तर जि....जि....जि .. वर्षाकारयात  
किं थले धका जुयाच्वना ।

( धाधां बृद्ध न्हा वनी । अजातशत्रु लिज्यां वनी । थुखे  
रत्नपालयात अम्बपालीं त्वलहं-त्वलह सदबाच्वनी । सेनिकत  
नं तोल्हयेजुया बृद्धया रुवा स्वयाच्वनी । अम्बपाली काचाक्क  
फुतक्क जुया रत्नपालपाले ब्वांयनी, तर कोदला रत्नया तुजि  
क्षवसं लाइ । रत्नपालं केतुना अम्बपालीया लहा जवनी )

बृद्ध- स्व, बाँलाक त्वरकांगु मिखां स्व ! छं तलवारया बलं

थुलिमछि मानवया हि वा वयेका नं, गुलिखे मनूतय  
 ल्याय्हपि काय्पि स्याका नं, गुलिखे ल्यासेत् भातपि  
 नाश याना नं, गुलिखे मचातयत बौ मद्येका बलं  
 नं, अस्तु गुलि नारी-हत्या याना नं, ल्वाना एव  
 संस्थागारे दुने एवंकवया नं व नारी हृदये कर्तुर्क  
 मकु, गुगु हृदय छह्या साधारण नागरिकया रूप, वेश,  
 बुद्धि व विवेकया न्होने क जक छूगु मखु, तुतइ नं  
 लावन। प्रेम छुकियात धाइ स्यूचा ? मूखे ! तलवार-  
 या बलं नारी प्रेम प्राप्त यायेफइ मखु। प्रेमया  
 वास्तविक सम्बन्ध हृदयं जुइ ! ..... अजात ! छंत  
 जि बांलाक ह्यस्यू। वैशालीया राजनर्तकीया रूप छंगु  
 मिखाया न्होने प्याखं लहूगु नं जि अनुमान यायेफु।  
 अम्बपालीयात छाय् मस्यासे थन हया ? तर काये-  
 कत छु ? .... पिरहत्या पश्चात् छ तथागतयाथाय् वंगु  
 नं जि न्यना ! छु बुद्धं छंत एव हे शिक्षा बिल्ला ?

( अजातशत्रु छ्यों हीनी )

अले ? अले छाय् छं एव महापाप याना ? अले छ्यथें-  
 जापि दुष्ट काय्पित निकू थलेगु एव बृद्ध शरीरे दुने  
 चंगु हृदयं धाल छु आश्चर्य ?

( वर्षकार्या प्रवेश । बुहां लिफ स्वइ । अले काचाक  
 अजातशत्रुयागु तलबार लाकाकया वर्षकारपासे वना धाइ )

वा दुश्मन ! छं मतिइ तल जुइ जि सित धका !

( अम्बपाली दनेत सनी । रत्न थनाबी । अले चिनातगु खिप  
 रत्नं प्यनी )

जि विम्बिसारया सहमित्र जूस वयाथेजागु नकारा-

त्वंक प्रवृत्तियाह्वा मनू जि मखु । जि ख छंके बदला  
कायेत जंगले च्चना स्वानाच्चनाह्वा, अवसर ताक्य-  
नाच्चनाह्वा ! निह्व सहमित्रया काय्‌पिसं थथ बौ  
स्यायेगु आयोजना गवगु व जिह्व मगध सम्राट  
बिस्त्रिसारं राजमुकुट तोताभ्युगु सीवं छह्वसिनं बौ  
स्यासा त्रिं काय् स्याये धका थन बिसिवया । छिमि  
छह्वा योगी मित्रं बुद्ध भगवानया अंगुष्ठ पचिने रक्त-  
पात यात । वा थन !

( बुद्ध न्ह्या वनी । वर्षाकार लिज्यां वनी )

छाय् बिसिवना ? छंत निकू थले ! भावी संसारं थ्व हे  
धाइ कि संसारे दुष्टपिं काय्‌पिं जक मखु बौपिं न दु,  
थुलि हे मखा ?

( वर्षाकार अजातशत्रुया रूपोने बिसिवनी )

बि, बि, बि, अजात ! बि !

( अजातशत्रु बुद्धया न्होने भोमुइ )

छाय् क्तमा पवना ? आ फवनां छु याये ? छं स्यागु  
स्यानां यायेधंकल, उकिं जिं नं स्यानागु स्यानां याये ।  
अले मासा क्तमाया काज-बिल याये । का वा !

( वर्षाकारयात तलवारं पालेथे याइ वर्षाकार लिज्यां वनी )

छाय् लिचिला ? पिका तलवार ! फुसा छं नं जित  
स्या !

( अजातशत्रु दनी । वयात दथुइ तया निमहं चाचाहिनाच्चनी )

**अजातशत्रु-** (बुहाया न्होने जवगु पुलि त्रुया विन्ति याना) जिं  
वर्षाकारया पाखें क्तमा फतना ।

**बृद्ध-** तर, जिमि काय् कातर मखु, थत्ये तलधार पिकया  
ल्वाइ ।

**अजातशत्रु-** वर्षकार ! तलधार दाप सहित बांध ।

( बांधयेत्यनीबले हे पालेत बृद्ध वनी । अजातशत्रु दथुइ तया  
छक श्रेय हे चाहिली )

**बृद्ध-** बि, बि ! छ उखे हुँ !

**अजातशत्रु-** तर जिं पुत्र-हत्या याकेबी मखु ।

**अम्बपाली-** अले पितृ हत्या ?

**बृद्ध-** खला ?

**अजातशत्रु-** पितृ-हत्या नं याकेबी मखु ।

**बृद्ध-** बी मखु ! बी मखु ? हत्यां जिपा अपशं च जुलला ?

**अजातशत्रु-** ( परत्सुम्फ च्वना ) ज्ञमा व्यु, जि थत्ये जिह्वाँ  
वने ।

**बृद्ध-** छाय् वनेगु ? छ विजयी ख । हुँ, वना विश्व-विजयी  
नं जू हुँ !

**अजातशत्रु-** जि विजयी मजू ।

**बृद्ध-** छ विजयी मजू ? राजनर्तकी अम्बपालीया न्होने  
पराजय जुलला ? अहो, जिह्वा मचा पराजय जुल !  
जिं छंत अव हे बोहले तयातयागु, अव हे थौं तलधार  
ज्वनाच्वनागु ह्वातं गुलिखे जा नकागु । तर छं हे  
जिह्वा मित्रथात स्यानाबिल, गुह्मा मित्रं ज्योऽतषं व्वाथे  
हे छंत स्यानाच्छ धालं स्याना छ्येया सट्टा ब्वलंकल !  
व हे मचा पराजय जुल !

**अजातशत्रु-** जित अपशोच दु । वर्षकार व जि थत्ये मगधे

बने । बुद्धयाथाय वना आ शिक्षा व दीक्षा नं काये ।

**बृद्ध-** अहं, छाय् कायेगु व्यर्थे ? जिद्ध काय् तथागतया  
न्हांने नं कछुइम्ह मखु, जुजुं बन्दना यानाहल जक  
धया थम्हं याइम्ह मखु ! अकिं ला यगी देवदत्त  
छिमि पासा जुल ।

**अजातशत्रु-** आपा व्यंग नकेम्वाल । बहु वर्षाकारयात ज्ञमा  
ब्यु ।

**बृद्ध-** ज्ञमा ! वर्षाकारयात !!

( बृद्ध भुक्येजुइ )

**अम्बपाली-** ( न्होने वया ) खबरदार, वयात ज्ञमा बी  
मदु ! व जनद्रोही ख, गणद्रोही ख, देशद्रोही ख !

**अजातशत्रु-** तर देवी, वयात ज्ञमा त्रियाम्ह जि ख । उकिं  
अपराधी खसा जि ख ! स्यायेमासां, पालेमासां जित  
स्या, जित हे पा !

( अजातशत्रु अम्बपालीया न्होने छ्यों बवदुकःबी । वर्षाकारं  
नं व्यांवना अजातशत्रु नापं तुं छ्यों बवदुका च्वँचवनी )

**वर्षाकार-** मखु, राजनर्तकी ! जिगु अपराधया प्रायश्चित जि  
हे भोग याये । स्यायेमासां, पालेमासां जित हे स्या,  
जित हे पा !!

**बृद्ध-** ( लाकमं च्वाना थना ) दँ पशु ! न्हापां पितृहत्या  
यायेत्यनागु प्रवृत्तिया प्रायश्चित निं भोग या । अले  
हानं आम शरीरे संज्ञा दनिसा देशद्रोही, जनद्रोही,  
गणद्रोही जुथागुथा प्रायश्चित भोग या ।

( तलवार लम्दुइबले हे रत्नं काचाङ्क ह्ला ज्वनी )

**बर्षकार-** स्या ! स्या ! जित स्या !

( बृद्धं स्यायेत सनी रत्नपालं पनी )

**रत्नपाल-** बस् ! मनूखं धात्वे हृदयं प्रायश्चित्त भोग यासा  
छाय् अथ तलवार हानं ? स्वाल हुँ मगधया कुटनीतिहा  
महामात्य वर्षकार ब्राम्हण ! थुक्किआ प्रायश्चित्त  
हृदयया पवित्रतां याहुँ । विश्वे गुलि प्रायश्चित्त जुल,  
हानं जुइतिनि ! अथ मदयेकेत न्हापां भूल मदयेके-  
मागु खला, प्रायश्चित्त हे मदयेके मागु खला ?

**अस्त्रपाली-** तर रत्न ! वैशालीया विनिश्चय महामात्य व  
सेनापति हृत्या यागुया प्रतिशोध ?

**रत्नपाल-** अस्मी ! आ हानं द्वंगु खँया पुनरावृत्ति याये  
मते । वर्षकारया कुचक्र थड्के मफुगु नं वैशालीया  
भूल ख । हानं मगधाधिपति स्वयं पश्चाजय सर्वाकार  
यात । पितृघातकं पुत्र घातक मयाकेगु लागी ज्ञमा  
पवन । ( वर्षकारपाले स्वया ) हुँ मगधया सम्राट  
अजांशत्रु ! हुँ अले छ वर्षकार नं । बुद्धयाथाय् हुँ ।  
थगु कुकर्मया प्रायश्चित्त या ।

**अस्त्रपाली-** तर मगध सम्राट अजांशत्रु ! अन नं तलवार  
उवना बनेमते नि !

**बृद्ध-** ( भुलयेजुयाच्चंहा भसंग वर्णे जुया ) मसु, मसु । थुक्किया  
बदला काये हे मा ।

( वर्षकारपाले बनी । रत्नपालं न्हापनी )

**रत्नपाल-** हुँ, हुँ, बिसिहुँ ।

( बृद्धं तलवारं पाले ये याइ । वर्षकार बिसिवनी )

**बृद्धः** छं थ्व अन्याय यात ।

**रत्नपालः** अन्यायया प्रायश्चित जिं भोग याये ।

**बृद्धः** रत्नपाल ! छ नं आतकं मचा हे तिनि का !

**अस्वप्नालीः** अले जि ?

**बृद्धः** छ ? छ ? छ ला वैशाली विजेता हे जुल । ( अजात-  
शत्रुपाले स्वया ) अले स्व, थ्व नं मचा हे ! मचा हे !  
हुँ, छु स्वयाच्चवना अजात ? विजयी धायेकेगु जूसा  
हानं मगधं निसें वा । वर्षाकार बछायाहये मते । छल  
प्रपञ्चं प्रशंसा प्राप्त जुइ मखु !

( अजातशत्रु वनेत्यनी )

**अस्वप्नालीः** आसे ! धा, वैशाली गणतंत्र !

**अजातशत्रुः** ( लिफ स्वया भचा जायेका ) अजर-अमर जुइ !

( अजातशत्रुया प्रस्थान )

**बृद्धः** खूब यात, अस्वप्नाली ! गुम्हसिनं छांत विवश यायेत  
चिनाहल थन, थन हे बयात विवश याना वैशालीया  
जय धायेकल । छ धातथे आश्र्य !

Dhamma.Digital ( वनेत्यनी )

**रत्नपालः** ( लप्पा ज्वना ) गन ?

**बृद्धः** गन न्हापा हे वनेमागु ख अन ।

**अस्वप्नालीः** अर्थात ?

**बृद्धः** अर्थात अभिताभ तथागतया शरणे !

( बृद्ध ल्हा तोकोका ब्वावनी )

—ः ❀ : —

[ १७१ ]

❖ ३ ❖

( अम्बपालीयागु छे । छे या दुने व हे न्हापायाथाय् अम्ब-  
पालीया अर्जि द्यनाच्वन । बिच्छे—बच्छे मुसु ततं आयामा !  
आयामा ! हालाच्वनी । दम आही वयाच्वंगु नं दु । बन्धु-  
मतीया सहसा प्रवेश । वयाक्षतं लिङ्कसं दुगु ल भतिचा कवा  
त्वंकी । ल्हा छक घिया स्वद । वया ख्वा साप ख्यू )

**खुट्टी-** बन्धो ! जि अम्मीयागु मायां हे सी मफयाच्वन ।  
**बन्धुमत्ति-** ( खलना सल ) अथे धायेड्यूला ! छु जुइ ! छु  
जूगु दु धका !

**खुट्टी-** आ जिगु वास ला यमलोके हे जुइ । बन्धो ! मचां-  
निसे स्वतन्त्र भूमिइ च्वना स्वतन्त्र भूमिइ जुया,  
स्वतन्त्र भूमिइ सगु ... स्वतन्त्र भूमिइ सगु अन नया,  
ल त्वना थौं सीत्ययेका परतन्त्र भूमिइ च्वना ल  
त्वनाच्वना ।

**बन्धुमत्ति-** आ आपा हाले मते । युद्धे पराजय हे जूसां  
अजातशत्रुं अन्ते पश्चाताप ज्वना हे जिहाँ बन !

**खुट्टी-** लिहाँ बन ? आ न्हागुसां .....

( बन्धुमतीं म्हृतु व्वार्तनाबी )

**बन्धुमत्ति-** आ हाले मते । श्व चिन्ता यायेगु समय मखु ।  
( घोपलक्ष निम्तव्य )

**खुट्टी-** बन्धो ! अयसा आ जिहा अम्मी लिहाँ वइला ? आ  
ला व राजनर्तकी मखुत !

**बन्धुमति-** वह, वह, वया हे च्वंगु दु ।

**बुद्धी-** हायेके मते बन्धो, हायेके मते ! वयागु हातं ल भजा  
त्वना, खवा छक स्वया, छगू खँ ह्वाना वने ।

**बन्धुमति-** आ हाले मते । सुंक च्वँ ।

**बुद्धी-** का, का, सुंक हे च्वने । एन थव उपकारया पलिसा पु  
धका छक अम्मीयात धया वनेदसा !

**बन्धुमति-** ( खँ त्वाह्वाना ) का, छ आमथे हालेगु जूसा जि  
वने !

**बुद्धी-** का, का हाले मखु बन्धो, हाले मखुत । आ छं धाथे  
च्वने । छ हे जिह्वा... ।

**बन्धुमति-** अझ धाल धका ला !

( पलख निस्तब्ध वातावरण । बुहीया नह्यो वयें च्वनी ।  
बन्धुमतीं भुजि रुय नाच्वनी । अबले हे अम्बपालीं पिने “अजी !  
अजी” धागु स तायेदइ । बुहीया मिखा चाली )

**बुद्धी-** ( ल्हा चकंहा ) अम्मी ! अम्मी ! अम्मी !

( ग्रव्यवस्थित रूपं सनी । अम्बपालीया प्रवेश )

**अम्बपाली-** अजी !

**बुद्धी-** अम्मी !

( अम्बपाली लिङ्क वनी । बुहीं बवातुक चय्पुइ । बन्धुमतीं  
अम्बपालीया ल्हा जवना साली )

**बन्धुमति-** ( सासां ) अम्मी ! थव अथे सनेगु समय मखु ।  
( सालाकाइ )

**बुद्धी-** आ जित परतंत्र भूमिइ सिनावनेमागु छता सिवेत

मेगु छुं दुख मंत ।

अम्बपाली- गो परतंत्र, अजि ?

चुन्ही- फीगु ख, तर मेपिनि अधिकारे लानाच्चंगु !

अम्बपाली- अहँ ! थव फीगु ख, फीगु हे जुयाच्चनी !  
अजातशत्रु विजय मजू, थव वं स्वयं स्वीकार याना-  
वन ।

बन्धुसत्ति- ( खेत्वालाना ) का अम्मी, जि बने । छ बल;  
तर होश या, थव समय वादविवादयागु मखु, जीवन  
-मरणया समय ख ।

( अम्बपालीं बन्धुमतीयात ज्वनी )

अम्बपाली- थव छु धयागु ? जि बयेवं छ बनेमागु छु दु ?

चुन्ही- बन्धोयात छ अम्मी ! वया यक्को ज्या दु ।

( बन्धुमती फुस्कयेजुया बनी । अम्बपाली भवाताहां दनाच्चनी )  
थन वा अम्मी !

अम्बपाली- छाय् वयात हुँ धया ? गुलि दुखी हृदयं बन  
थें ! जिगु अनुपस्थितिइ वं गुलि सेवा यात ! आ  
जि बयेवं छयेगु जा ?

चुन्ही- अम्मी ! छ एनं मचा हे तिनि । छ गुलि गनगन बन,  
एनं बलि हे ज्ञान मदुनि । अम्मी ! बन्धों जित थौं-  
तक छंगु ख्वा स्वयेदयेक म्वाकातल । निक-निक जित  
कालया म्हुतुं बचयेयानाबिल । जिं वयागु थव उप-  
चार गबलें लोमंके फइ मखु, न छं हे लोमंकेज्यू ।  
उक्कि बरु जित कृतडन मधायेकेसा छं छता ज्या  
यानाबयु ।

अम्बपाली- छु ज्या ?

बुङ्ही- हापां यानाबी निं धा ।

अम्बपाली- छु ज्या दु जिं याना मवीगु ! व नं बन्धोया निंति !

बुङ्ही- एवं विश्वास व्याका धा यानाबी धका । अले... अले नि याउँक सिनावने ।

अम्बपाली- का अजि ! अजागु छाय् मतिइ हयेगु ! यानाबी, का धा !

बुङ्ही- अम्मी ! जि अम्मी ! ( अम्मीया ल्हा जवना ) अयसा ऐ, बन्धुमतिया विवाह रत्नपालनाप यानाव्यु । गुखुनु छ तन, उखुनुनिसें रत्नपाल नं बेपत्ता ! अले बन्धुमतिया हृदयया गति गय् जुल, व जिं जक स्यू !

( अम्बपाली छुं धाइ मखु । व त्वरहये जुयाच्चनी )

अम्मी ! छाय् छ त्वरहये जुया ? यानाव्यु थुलि ! छु छं..... छु छं आ नं....

( अम्बपालीया मिलाय् रुचि वइ । पलख जायेका मूर्ख जुया कोदली, घले बुही न मफुमफु क्वाहां वह्य अम्बपालीया द्योनेसं भाराङ्क जूतनी )

—०:—

✽ ४ ✽

( व हे शूङ्ग बन प्रांह । सिमा व सिमाह जक दु— गनं गंगु,

[ १७५ ]

गनं वाउँगु ! यानेइने लैहंह दु । अम्बवाली लैहंह छगले  
केतुनाच्चवन । वया स्वाले आशा व निराशाया चिन्ह बाँल क  
हे खनेदु )

**अस्वप्नाली-** ( दनावया सिमाक्ते फेनुना ) मस्यु, थ्व जीवने  
चोका व पोका गनउगन ! गोन्हु हे दत, जि हापां  
प्रामीण कुमारी, अले प्रेमं उभमतद्व नारी, अनं कर्त-  
व्यपरायण राजनर्तकी, हानं जुया रण संचालिका ।  
आ वनेगु गन ? अथवा अवनीगु गन ?

( दना थुखे कुने वया पलख दी । हानं उखे कुने बना दी )

न उखें बल, न थुखें । मस्यु, निम्हेसियां छु कल्पना  
याना बइ । जि नं छु यायेत सनाच्चवन ? थुकिं छु  
जुइ ? थ्व न्याय ला अन्याय ला ! छद्धसित थगु  
सर्वस्व बीत्यना, छद्धसित विना इच्छां कल्पित दान  
जबरजस्तीं बीत्यना । अहो मनूया इच्छा थ नियम !  
नियम ! अम्हंतुं दयेका थतुं चिकाच्चनेमाग !  
जिं थ्व भावावेशो छु धयाच्चंगु ? गनं कं दुसा गनं  
स्वां नं ला दु ! अन्ते गनं अन्ध हार सा गनं प्रकाश  
दु । अथे हे गबले सुख सा, गबले दुख नं दु । ( पलख  
भुनयेजुया ) तर जिं गबले सुख सियागु दु ?.... छिः,  
आ छुं हे मतिइ लुइके मखुत ! सत्य मखुत !

( रत्नपालया प्रवेश )

**रत्नपाल-** सत्य मदुत ! छु मखुत ?

**अस्वप्नाली-** रत्न ला ?

**रत्नपाल-** भावावेशो थपायूसकं छायू मौकये गुयाच्चना ?

अम्बपाली- भावावेशो ? भावावेशो छु ?

रत्नपाल- थव हे ला छंगु त्रुटि, अम्मी !

अम्बपाली- जिगु त्रुटि .. जिगु त्रुटि ! ( पलख सुक चवना )

अँ, जिगु हे ला त्रुटि ख नि ! जिछंत छुं बी मफु,  
अले छं नं जित…!

रत्नपाल- ( मृतु प्रातिनाविद्या ) बस्, बस् !!

अम्बपाली- ( जबजंस्ति लहा लिकया ) छु यानागु व ! जित  
ला छत्ति हे मय !

रत्नपाल- छुं आश्र्य मखु, राजनर्तकी जुइधुंकूद्ध हे मखा !

अम्बपाली- गपायसकं क्वात्तुगु व्यंग !

रत्नपाल- जिं ? जिं ? अहाहाहा ! तर अम्मी ! …

अम्बपाली- ( खें त्वालहाना ) जित छ खना घृणा दु।

रत्नपाल- घृणा ?

अम्बपाली- अँ !

( रत्नपाल पलख झुलयेजुइ, अम्बपाली नं झुलयेजुइ )

रत्नपाल- थव घृणा न्हापानिसें लाकी थौंकन्हसं त्रिनि ?

अम्बपाली- ( न्हिला ) न्हापानिसें नं मखु, थौंकन्हसं नं  
मखु, नक्तिनि जक !

रत्नपाल- ये ! ( अम्बपालीया लहा जवना ) अम्मी !

अम्बपाली- ( थगु लहा साला ) छाय् ?

रत्नपाल- अम्मी ! छ तस्सकं हे मायाबी !

अम्बपाली- तर असफलद्ध !

रत्नपाल- ( आश्चर्य चाया ) छाय् ?

**अम्बपाली-** छाय् धासा थैंतक थ प्रेमिकायात छुं बी मफु,  
न छुं कायेफु !

**रत्नपाल-** ( बना लैहैते फेनुना ) छु कायेमास्तेब, छु बीमा-  
स्तेब ले ?

**अम्बपाली-** ( रत्नाल नापं फेनुना लह जबना ) अनन्तनाप  
अखण्ड हिलावुला यायेमास्तेब । आ धयां गुलि  
धाये ! एनं आ ला ...

( दिना छ्यों बवछुकी )

**रत्नपाल-** धा, छाय् मधया ? ( अम्बपाली छुं मधासे अये हे  
च्चंच्चनी । मनचा जबना थस्वका ) अम्मी ! छु धायेमागु  
ख धा .. धा ! छंत जिं छु मबी, हानं छं ब्यूगु छु  
मकाये !

**अम्बपाली-** एनं .. जिं थुजागु बीगु मतिइ तयाच्चना गुगु  
बीवं छंगु हृदय कुच्चाकुच्चा दली । हानं थुजागु  
काये गुगु काल कि ...

**रत्नपाल-** ( दना व्यंग ) गुगु काल कि ! ..

**अम्बपाली-** ( दना रत्नपालया लह जबना ) नुगङ्गे स्याके मखु  
खला ?

**रत्नपाल-** धा ला धा !

**अम्बपाली-** धा ला धाये, सर ... ।

**रत्नपाल-** तर छु ? धा रे । छं विष ब्यूसां त्वने, हृदय  
फ्वंसां बी । बास्तविक प्रेम थुकियात है ला धाइ ।

**अम्बपाली-** अस्वीकार ला जुइ मखु हला ?

( लहाते वित्तुपी )

**रत्नपालः** अहूँ, कदापी जुइ मखु !

( अम्बपाली भुलयेजुयाच्चनी )

**अस्मी ! याकन धा रे ।**

( अम्बपाली छ्यों क्वचुका सूक्त च्चंच्चनी । रत्नपालं छ्योंया सं पित्तुपी )

धा अस्मी ! थगु हृदय त्य । थके तुं तयातये मते, व्यक्त यायेव हे जक कम जुयावनी ।

( अबले हे बन्धुमतीया प्रवेश । वया ल्हाते स्वांमा दु )

**रत्नपालः** ( दना ) अहो बन्धुमती ! मखंगु ता हे दत ।

( भति थुके वया बन्धुमतीं लिस बी मलावं अम्बपालीं काचाकू धाइ )

**अम्बपाली-** खनीगु नं गय् ! थ आहिलाच्चन जंगलंजंगलं, अले व चाहिलाच्चन, डइंथें छें छें ! मिजंत पिनेपिने सीदयेक दुखी जुइ, सनी, हाली; मिसात सीमदयेक दुनेदुने !

**बन्धुमति-** ( तमोगु भावं ) थुजागु खं न्यंकेत ला जित सतागु ?

**रत्नपालः** ( न्हिला ) का, तंचायेमाला ? आम स्वांमा छु जित क्वखायेकेत हयागु ला ?

**बन्धुमति-** ( रुया पहलं ) अलय् छु ! का छ्यों क्वचुकि ।

**रत्नपालः** ( रुयालं तुं ) का, का ति, क्वखायेकी ।

( छ्यों क्वचुनाबी )

**बन्धुमति-** ( खवगु ल्हाते स्वांमा तया जवगु रुहातं क्वखायेकेये याना ) का ।

**रत्नपाल-** ( छधों धस्वाका न्हिला ) हेकसाद्यो !

**बन्धुमति-** ज्यू, अयसा गुम्हेस्यां धया स्वांमा हया बयागु  
विणा आज्ञां हे कवखायेकेमाली का !

( इतिइति न्हिलि )

**रत्नपाल-** एव नं खायेकेमालीला छूछू !

**बन्धुमति-** ( लहा बिन्ति याना गिजयेयायेथे घाना ) हवस् !  
( अम्बपालीं झुनयेजुया चंचवनी )

**रत्नपाल-** ( अम्बपालीपाले पचिनं सुयावयता ) स्व सा बन्धो  
छिमि अम्बपालीयात छक ।

( अम्बपालीं रत्नपालपाले भ्वइ )

**बन्धुमति-** ( अम्बपालीपाले स्वया ) का अम्मी ! एव स्वां छु  
यायेत ज्वनावा धयागु ?

**अम्बपाली-** ( भस्कयेजूथें जुवा ) हां ? ( न्हिला ) गजयाह्व  
लाटी खला ! उलि नं मस्युला ?

**रत्नपाल-** ( बन्धुमतीपाले स्वया ) मखुला लेसा ! जिं हे स्यू,  
छं मस्युला ?

**बन्धुमति-** ( न्हिला ) ख बा जि ला लाटी ! ( अम्बपाली हानं  
पथे हे भुलये जुयाच्वनी । लिङ्क वना ) थौं छाय् थपाय्-  
सक झुकयेभुलये जुयाच्वनागु ? छु एव स्वांमा अर्थे  
हे तयातयेगु ला ?

**अम्बपाली-** आसे, भचा मत्थनि ।

**रत्नपाल-** साइत मजूनि जुइ का !

**अम्बपाली-** अय् हे धासां ज्यू !

**बन्धुमति- अय् हे धासां ज्यू !**

**अम्बपाली- अँ, अय् हे धासां ज्यू ! थों स्वयंबर जुइगु ।**

( रत्नपाल व बन्धुमती निम्हं भसंग वंथे जुइ । रत्नपाल छ्यों कवचुका सुंक च्वंच्वनी )

**बन्धुमति- ( रुवामा भाव हीका न्हूरुवा याना ) उकिं का जित स्वांमा हनाहिं धयाहगु । ( रत्नपालपाले स्वया ) भचा गाकू कवचुनाठयु रे !**

( अम्बपाली रत्नपाले बुलुहुँ वनी । रत्न छ्यों कवचुका हे च्वनी । अम्बपाली रत्नया लिङ्क छ्वनेव बन्धुमती नं वनी । निपा रुहातं स्वांमा जवना रत्नपालया लिङ्क च्वना बयखायेकेत बीर्थे यानाच्वनी । गबेततक अम्बपाली भुलयेजुइ । गबले पथ्हं बयखायेकेये सनी । गबले दी । थये निकस्वक सनेषुका काचाङ्क रत्नया गपते बन्धुमतीया रुहातं स्वांमा बयखायेका बी । बन्धुमती थारा न्हुइ । अले रत्न नं । बन्धुमतीं छु धायेत्यनीबले अम्बपालीं धाइ । )

**अम्बपाली- ( रुवाना स बयेका ) रत्न ! काये नं धुन, बी नं धुन । आ थुकी छुं खँ हाये मते । मखुसा थव हृदय निकू दली ।**

( अम्बपाली पिब्बांवनी । रत्नपाल व बन्धुमती जिल्ल जुया-च्वनी )

—: o :—

❀ ५ ❀

( जेतवन विहार । अन हे थों अम्बपाली च्वंच्वन । वया ह्याय्

[ १८१ ]

‘श्रलंकार मदु । साधारण स्वच्छ वस्त्र । ऐवाले नं चंचलता  
मदु )

अबप्पाली- विमर्ज्यानी ? निमंत्रणां आतकं लिहाँ विम-  
ज्यानी ! मस्यु, जि आ गनं वयाच्चवना ? जिगु श्व  
सारा अनुभवं ला छु न्हागु जम्या अनुभवं नं श्व  
संसारया वैचित्र्य अध्ययन फोचाइथें मच्चवं । गुली  
परिवर्तन स्वया, गुलि उलटफेर स्वया, गुली आपद-  
विषद फया, गुली हिला, अन्त तर श्यंगु हे मखु,  
श्यँ हे मँयं ! वसपोल अबले आम्रवने हे घयाबि-  
ज्यागु ख तृष्णाया पूर्ति असम्भव ख, थाकुसां  
निरोध बरु सम्भव दु धका । … स्वये आ छक तथा-  
गतया शरणे भिन्नुणी नं जुया । तथागत गुह्या  
राजकुमार ख वसपोल नं ला अन्तरद्वन्द्व, मूक वेदना,  
परपीड़ा उत्पीडित व उत्तेजित जुया पिहाँ विजयाद्वा  
छह्य अनुभवी महामानव ख । अले वसपोलया  
सिद्धान्त जित छाय् मल्वइ ? हानं सदासर्वदाया  
लागी कर नं ला गबले मया । हानं श्व सिद्धान्ते  
स्वतंत्र चिन्तनया अधिकार प्राप्त जू ! … कोशिश  
याये म्हापां रत्न ल्वसंकेगु । अले ल्वसंकाब्द्ये फुक  
भौतिक सुख नं । मि दुथें ल दु, ख्यूँ दुथें ज दु, अले  
श्व अन्तरपीडा दुथें मदयेकेगु जक छाय् मदइ ? …  
लुमनि, जि बांलाक हे लुमनि । तथागत उखुनु जिगु  
उद्याने— मखु, मखु, राजनर्तकी अम्बपालीबा  
उद्याने— विजयागु, प्यगू आर्य सत्य धर्म देशना  
यानाबिज्यागु । तर व न्हापा बांलाक मथू, अ-  
झाँ दुलिसे बुद्ध्या उपदेश बाँलाक

शरण वयेधुंकूह ख । छक पश्चातपया अग्नि थग  
पापया संशोधने यायेगु नं प्रतिश्वा । जिगु न्ह्योने यागु  
ख । अयनं छंगु अभ्यस्त तीच प्रवृत्ति हानं छक छंत  
ब्वाकल । पश्चाताप यायेमालीगु ज्या यात । छु छ  
वैशालीया विजयी जुलला !

**अजातशत्रु-** भगवन ! जिं (अम्बपालीयात पचिनं सुयाकयना )  
थव नारीया न्ह्योने छधों कछुकेमाल । ( अम्बपालीपाले  
स्वया ) राजनर्तकी अम्बपाली ! छं थन नं जित परा-  
जित यात ।

**अम्बपाली-** महाराज ! आ जि राजनर्तकी अम्बपाली  
मखुत, बुद्धया उपासिका अम्बपाली ख !

**अजातशत्रु-** अझ नं छं जित छधों कछुके बिल । छ धन्य  
ख !

**अम्बपाली-** संसारे सुं धन्य मजू , सिवाय तथागत !  
भगवन् ! जित आ थत्थे शरणागत उपासिका धारण  
यानाबिज्याहुँ, अले भित्तणी जुइ !

**अजातशत्रु-** भगवन ! जित नं आजीवन उपासक धारण  
यानाबिज्याहुँ !

( भगवान् दुद्धं लहा अल्हनाबिज्य इ )

**अम्बपाली-** } बुद्धं सरणं गच्छामि !  
**अजातशत्रु-** } धन्मं सरणं गच्छामि !!  
                          } संघं सरणं गच्छामि !!!

( अम्बपाली व अजातशत्रुं पालाक बन्दना यानाच्वनी )

अकिं ला थन य वर्षाकारया अ तु भिक्षु जूबल । नन्द  
नं ला भिक्षु जुया गुलितकं थम्ह सुन्दरी लुमंका खवया  
जक च्वन । अन्ते अरहत् जुल । अले जि जक छाय्  
मजुइ ?

( बुद्धया प्रवेश । शान्त वातावरणे तेजपूर्ण र्वा । पीत  
वस्त्र । बालाक न्ययातगु चीवर । ल्हाते पात्र । शान्त मुद्रा ।  
अम्बपालीं ब्वांवना वन्दना याइ । पालिइ भोमुया च्वनी )

भगवान् चुन्द्र- दँ अम्बपाली, दँ !

अम्बपाली- भगवन् ! दनेमफु, जि दने मफयाच्वन !

भगवान् चुन्द्र- अम्बपाली ! छ दनेफु, दँ ! दनेगु मतिइ  
ति, प्रयत्न था । छ गुलि गन बनेधुंकल, आ थन नं  
ध्यंकवल । थन नं छक स्व । बालाक जागृत जुया  
सम्यक हष्टि अवलोकन या । आ छ द्यने मजिल, दँ !

अम्बपाली- भगवन ! तथागतं फुक्क स्थू ! जि न्हापा नं तथा-  
गतया शरणे बयेधुंगु ख । तर प्रमादं साधना पूर्ण  
जुइके मब्यू । थौं र्व हृदये छुं मदयेका पवित्रता  
तयेत, शास्ति तयेत थन बया । संसारं जित आपालं  
शिन्हा बीधुंकल । जि भिक्षुणी जुइ !

भगवान् चुन्द्र- जि लुमंनि अम्बपाली, छ र्व हे श्वेत  
वस्त्रं पुना कुलीन नारीयें उगु आम्रषने घगु । स्वागत  
दु, छ्रंतं स्वागत दु !


( अजातशत्रुया प्रवेश )

अजातशत्रु- ( पुर्लि त्रया ) शास्ता ! जित नं शरण बिया-  
बिज्याहुँ ।

भगवान् चुन्द्र- शरण ? अजातशत्रु ! छ ला ह्वापा नं

# हःपा: गुथिया पिथना

१. ब्रुहिह्य त्यासे ( ख्यालि न्हलि ध्याचु मुना )
२. जि भवांति जि सतः ( उपन्यास )
३. अम्बपाली ( नाटक )



हःपा: गुथिया पर्यंगुचू पिथना

इश्वरानन्दया

थःगु लें

याकनं हे पिदने त्यंगु डु ।